

DIPOTŠIŠO LE DIKARABO

GO MAHUTO

 [Ngwanešu o bolela ka maleme, Ngwanešu yo mongwe o fa tlathollo.—Mor.]

Tate wa rena wa Legodimong, ka nnete re thabetše nako ye gore re kgone go kopanela gape go dikologa Lentšu la Modimo, ka Bogoneng bja Modimo. Re leboga kudu gore O na le rena, mosong wo, go re thuša le go re šegofatša. Re kgopela tebalelo ya dibe tša rena, gore mabone a rena a tlatšwe ka Oli, le go lokišwa le go tuka, gore O tla re šomiša bjale go hlompha Leina la Gago le legolo. Ka gore re e kgopela Leineng la Morwa morategi wa Modimo, Jesu Kriste. Amene.

Le ka dula.

² Ke be ke sa no tla ka gare ge ke kwele molaetša wola o eya pele. Kafao ke... Ke therešo gore re hloka go boloka mabone a rena a tladitšwe, go boloka a rena... Le a tseba, ge... Ge o eswa, o ka se kgone go ya pele seo o se dirilego, bjale. Le a bona? Ka baka la gore, mollo, o tukago go tšwa go oli, o dira khapone. Kafao ke ka lebaka leo go lokišwa ga... ebang le mabone a lena a lokišwe, ka lebaka la khapone ka godimo ga—ga hlogwana. Bontši bja lena batho ba bogolo go ka lekana le nna, ge re be re fela re šomiša le—le lebone la oli ya malahle, le a bona, ba... E—e tla—e tla hwetša mošidi ka godimo, moo e tla swago, gomme kagona o tla tsenatsena le seetša. Kafao o swanetše go tlogela mošidi ohle o hlohloregile, le gore re ke re “gatelele pele, go ya mmarakeng wa pitšo ya godimo ka go Kriste.”

³ Bjale, ke—ke wo mogolo, moso wo mobotse, ka ntle le ka gare, bjalo ka ge sehla se sa Paseka se batamela bjale.

⁴ Gomme—gomme bjale re tla godimo go Lehuto la mafelelo, bošegong bjo, Morena ge a rata. Gomme ke Lehuto la sephiri kudu, kudu, kudu, ka gobane ebole ga Le—ebile ga Le bolelwe ka Mangwalong ga go felo, ga go dika, e ka ba eng go swara go sona. Le swanetše go tla thwi go tšwa Legodimong.

⁵ Gomme ke—ke mo—mo mohuta wa iri ya go nganga bakeng sa ka. E bile, beke yohle. Bjale le ke la ka... eba letšatši la ka la seswai ka kamoreng. Gomme ke hlokometše ka fa, bontši, ka go dikgopelo tše, ke swanetše mohuta wa go di hlaola. Go be go le ba bantši ba bona bao ba bego ba nyaka dipoledišanonyakišo. Gomme ke—ke rata seo. Ke tla rata go—go fa yeo bjale, le a bona, eupša nka—nka se kgone gonabjale. Gobane, le a kwešiša, gore ka—ka moka ga se re lekago go se dira bjale ke go hwetša kutollo ya—ya thato ya Morena, le a bona. Ka gona ge o na

le poledišanonyakišo, gona e go gogela kgole, godimo ka lehlakoreng le lengwe la se sengwe gape, le a bona.

⁶ Gomme, ka gona, le go swana le ka thapelong bakeng sa balwetši, seo sohle se a fapania. Lena... Ke dipono le dilo; le ithuta go fapania, gomme le—le tloditšwe go fapania. Go no swana le ge Beibele e boletše kua, “Mo—mo mohlare wo o bjetšwego dinokeng tša meetse.” “Dinoka tša meetse,” le a bona, meetse a go swana, eupša go ne moelantle o tla ka tsela *ye*, ka tsela *ye*, le ka tsela *ye*. Itshamile ka moelantle ofe. Ke Moya wa go swana.

⁷ Paulo, Bakorinthe ba Pele 12, o dirile selo sa go swana, a boletšego ka sona, “Go ne dimpho tše dintši, eupša ke Moya wa go swana.”

⁸ Kafao, le a bona, ge o šoma, boka, ka selo se tee, gona le fetolwe go tla godimo go selo se sengwe se godimo *fa*. Le tseba se ke se rago. Le—le ithuta go theoga mothalo wola, le hwetša batho... Gomme bjale dipelo tša bona tšohle di beilwe, “Mahuto a ke eng?” Šedi ya bona, “Ke eng Lona?” Bošego ka bošego, ge ke etla ka mo, fao go na le ngangego ye bjalo, go fihla ke bolela ka se sengwe gape; feela mohuta wa go—go e dira e homotše, le a bona, gomme, ka gona, go fihla Moya wo Mokgethwa o kgaola Lehuto. Gomme ka gona—ka gona ke swanetše go, bošego bjo bongwe le bjo bongwe ka mokgwa woo. Ka gona ge o fetola seo go ya go phodišo goba se sengwe, le a bona, o... Batho bohole ba beilwe go selo se tee. O ka se kgone le go e fetola morago go se sengwe, thwi go tloga.

⁹ Gomme—gomme ka gona, gape, go tseba gore thwi magareng ga lena dilo di a direga, le a bona, gore ke—ke no... ke—ke a tseba. Ke a tseba ga—ga le e bone, le a bona. Ke no ba phosithifi ga le e bone, le a bona. Gomme o re, “Ngwanešu Branham, seo ke selo se sethata go wena go bolela seo.” Ke a tseba ke sona.

¹⁰ Eupša, lebelelang, a ke no bolela se bjale. Ke nagana ye e no ba ditheipi bakeng sa renabeng, le go ya pele. Eupša a nke ke e bolele, le a bona. Gore, ga—ga o... Ga o e hwetše, le a bona, gomme ga wa swanela go e hwetša. Kafao o se leke go hlatholla e ka ba eng, le a bona. O se ke wa leka go bea tlhathollo ya gago go yona; feela o—o no ya pejana kgole. E no tšeа keletšo ya ka, ge o ntumela bjale, ge Modimo a—a mphile lešoko pele ga gago.

¹¹ Gomme le a tseba, gore, tšona dikutollo le dilo. Ke—ke bile fa le lena nako ye telele, le a bona, gomme ka mehla go bile nnete. Gomme bjale go e netefatša gabedi, nnete, e kgoka thwi ka gare le Lentšu. Le a bona? Kafao, le a tseba Ke O RIALO MORENA. Seo ke tlwa. Le a bona, Se netefaditšwe go lena.

¹² Bjale tšeang keletšo ya ka, bjalo ka ngwaneno. O se bee tlhathollo ya gago mong go e ka ba eng. O no ya pele le go phela bophelo bjo bobotse bja Bokriste. Gobane, o tla no iphutha wenamong go tloga go selo sa kgonthe ge o e dira. Le a bona? Wena, o tla no tatolla tsela ya gago gape go tloga go selo.

¹³ Gomme lena bohle le a lemoga le go tseba gore go ne se sengwe sa go makatša se diregago. Gomme se a direga. Gomme ke tseba se e lego. Bjale, ga ke no bolela seo; ke mogau wa Modimo woo o ntirago ke tsebe se e lego. Ke se sengwe seo e lego se segologolo. Gomme se ile gonabjale, gomme ga go tsela ka lefaseng go lena go se bona. Gomme ke... Nna... Eupša, kafao nthuše, le Beibele ye ka seatleng sa ka, ke tseba se e lego. E boletšwe, pele. Kafao feela—nno se leke go bea tlhathollo e ka ba efe, eupša nno ntumela, bjalo ka ngwaneno. Le a bona? Re phela mo iring ye kgolo. Re phela mo nakong moo... Gabotse, rena re...

¹⁴ Bjale, o no ba go kokobela ka kgonthe, wa ba Mokriste, le go leka go phelela Modimo. Gomme phela go botega le monna wa geno, gomme o rate bao ba sa go ratego. O se ke wa leka go dira ye e itšego... Le a bona, o a dira, o no e dira selo sa sephiri se sengwe, gomme wa hlakahlakanya lenaneo la nnete la Modimo. Le a bona?

¹⁵ Maabane morago ga sekgalela, se sengwe se diregile ka kamoreng ya ka, gore nka—nka se tsoge ka kgona go—go e tlogela, le a bona. Gomme kafao le... Gomme e ka ba dibeke tše pedi tša go feta, se sengwe se diregile, se ka se tsoge sa kgona... Ge feela ke phela mo lefaseng le, nka—nka se tsoge ka kgona go tloga go sona, le a bona. Gomme, kafao, eupša...

¹⁶ Gomme ke—ke kerekeng, ga la swanelia go tseba dilo tše, kafao le se bee tlhathollo go e ka ba eng. Le a bona? O no ya pele gomme wa no elelwa se o se boletšego. Phela bophelo bja Bokriste. Eya kerekeng ya gago. Eba seetša sa kgonthe e ka ba kae o lego, gomme nno swa bakeng sa Kriste, le go botša batho gore o Mo rata bjang. Gomme e no dumelela bopaki bja gago go ba le lerato, nako yohle, le batho. Le a bona? Gobane, ge o sa dire, o iphetlela wenamong ka go se sengwe fale, gomme ka gona o—o tlogile mohhlaleng wa kgonthe. Le a bona, nako le nako ge o lekile go e dira, o dirile seo. Le a bona? Kafao nno se, o se ke, o se leke go dira tlhathollo.

¹⁷ Gomme gagologolo, bosegong bjo, ge Lehuto lela le etla godimo ka pele ga gago, o a bona, e no se leke go Le hlatholla. O no ya pele le go no kokobela, le go ya thwi pele ka Molaetša wa go swana wa molaleng.

¹⁸ Bjale o re, “Ngwanešu Branham, a ke gore... Rena, go beng Kerekeng ya Modimo yo a phelago, a ga ra swanelia...”

Gabotse, ge ke be ke leka... Lebelelang fa, ke nyaka go re...

O re, “Gabotse, gobaneng ke sa kgone? Ke swanetše go ba...”

Aowa. Bjale, le se ke.

¹⁹ Elelwang, ke bolelala se go le hola. Le a bona, ke bolela se gore le tle le kwešiše. Ge le ntumela, bjale, theeletšang se ke le botšago. Le a bona? Le a bona?

²⁰ Bjale, fa, bjale kota še, gomme, yeo ke, re tla bitša yeo kota ya go theeletša, le a bona. Gomme ka go yona, o ne seyalemoya, le a bona, gomme go ne ditshebotšo le dilo di ka dirwago. Boka tšoša ka seatleng sa gago, le a bona, e kgona go topa go tšwa bobeng goba go topa feela ge ya yona . . . e hwetša molaetša wa yona, le a bona.

²¹ Bjale, eupša bjale, mohlala, go monna wa mehleng, fao go bile ditumelo tše ntši kudu le dihlopha di tsogago, godimo ga tšhologelontle ye nnyane ya Moya, go fihla batho ba thanthelwa ka gare ga sehlopha sa dilo, go ya ntle le go thoma mosepelo wo mongwe wo monnyane, gomme, le a tseba, le—le selo. Le a bona? Ga o nyake go dira seo bjale. Le a bona? Bjale, e nong go elelwa, e nong go dula ka tsela ye le lego.

²² Gomme o re, “Gabotse, Morena o bontšha . . .” Aowa. Bjale nno ntšha mahlo dinameng, le a bona.

²³ Lebelelang mo. A ke le laetšeng se sengwe, le a bona. A le be le tseba gore fao go na le digalontšu tše dikete tše lesome ka kamoreng ye thwi bjale? Ka nnete, digalontšu tša batho tše di tlaggo go kgabola maphotho a mohlagase wa seyalemoya! Gobaneng le sa di kwe? Ke digalontšu. A ke nnete? Di phaphasela thwi go kgabola mo bjale. Gabotse, go na le dibopego tša batho le mebele e sepela thwi go kgabola kamora ye bjale. A yeo ke nnete? Gabotse, gobaneng le sa di bone? Le a bona? Di mo, digalontšu tša nnete boka segalontšu sa ka. Gabotse, gobaneng le sa di kwe? Le a bona? E swanetše go ratha se sengwe pele, go se utolla. Le a bona? Bjale le a kwešiša?

²⁴ Bjale o no se hlatholle selo. Ge Modimo a nyaka o tseba e ka ba eng, O tla e romela go wena. Le a bona? Kafao e no ba kgonthe, go tia ka kgonthe bjale. Swarelala go iketla, se sengwe se diregile. Gomme bjale e no ba kgonthe . . . A le kwešiša se ke se rago, a ga le? Gomme e nong go ba . . . O se leke go itira learogi wenamong, go ba Mokriste, gobane o—o ikiša kgole le Modimo wenamong. Gomme o—o—o . . .

²⁵ Ge le ka kgona go e kwešiša, ye ke Kgogedi yela ya Boraro. Le a bona? Le—le swanetše go be le swere yeo, letšatši le lengwe. Le a bona? Kafao gona, nno elelwang, go ka se be le kekišo boka go bile le ye nngwe ya tše pedi. Le a bona? Kafao, bjoo ke bokgole bjo le—le swanetše go tseba bjale. E nong—e nong go elelwa seo . . .

²⁶ Le a bona, bjale, go na le se sengwe se diregago ka kamoreng ye, gomme go na le se Sengwe mo. Go ne—go ne, nnete, ka kamoreng ye, Barongwa, Segalontšu sa Modimo. Le a bona? Eupša o dira bjang . . . O ka se kgone . . . Ge o sa kgone go kwa

segalontšu sa tlhago, ntle le se sengwe go se romela ntle, o ya go kwa bjang Segalontšu sa semoya?

²⁷ Bjale o ka no itiriša go dumela gore yo mongwe o opela pina ye e itšego *ye*. Ebile ba ka no se be fao, le a bona. Eupša ge gabotse o ratha legakabje gore le swanetše go ratha, gona le fa tlhathollo ya therešo, le go bontšha, go e hlatsela ka go bontšha seswantšho. Le bona se ke se rago?

²⁸ Bjale, Moya wa Modimo, ge O bolela ka Lentšu la therešo, O itlhatsela ka Boona, go laetša ka Boona, gore Ke therešo. Le a kwešiša bjale? [Phuthego e re, "Amene."—Mor.] Go lokile.

Bjale a re rapeleng, feela gape.

²⁹ Tate wa Legodimong, re kgaušwi le go phutho- . . . bula manti a Puku ye, gomme bjalo ka karolo ya mmele ya—ya go leka go fa morago go se O re buletšego sona ka go sekgao sa semoya. Gomme bjale ke a rapela, Modimo, gore O tla nthuša go fa tlhathollo ya maleba go dipotšišo tše. Gore go ke go bolelwe gore—gore ba . . . Bona ba swanetše go thuša batho. Bona ba tla fa kwešišo. Gomme ke a rapela gore O tla mpha kwešišo, gore nke ke E romele ntle go batho ba Gago, gore ba ke ba be le kwešišo, gore mmogo re ke re phele go letago le tlhompho ya Modimo, ka Leina la Jesu Kriste. Amene.

³⁰ Bjale, ke be ke no nyaka go bolela seo.

³¹ Gomme ke naganne selo se *fa* se laotše ditheipi tšela, eupša ga se dire, le a bona. Gomme se ke se—se seetša sa teseke. Gomme ke naganne molaodi wa theipi o be a fela a e ba fa. Eupša ke boditšwe go no dira taetšo go baena ka—ka kamoreng fale, kamora ya kgatišo, gomme ba tla tseba ba emiše ditheipi neng, le ge e se.

³² Le a bona, ditheipi di na le bodiredi bja lefase ka bophara mogohle, le a bona, mogohle. E ya ka go mehuta yohle ya maleme le se sengwe le se sengwe. Kafao go ne dilo tše re ka di bolelago thwi mo, re ka se di bolele felotsoko gape, le a bona, gomme leo ke lebaka re e emišago.

³³ Bjale, go araba dipotšišo ke . . . selo sa kgonthe. Kafao, bjale ke—ke . . . Ka go—ka go . . . ka go karabo ya ye, bontši bja tšona, dipotšišo tše ntšintši kudu, ka ntle ga . . . Bjale, ye nngwe le yo nngwe . . . Tše dingwe tša tšona ebile ga di amane le Molaetša, le gatee, eupša ke ya go, goba, Mahuto le gatee, eupša ke ya go leka go di araba. Gomme di filwe nna, gomme bjalo ka ge di boletšwe. Ke boditšwe bontši bja tšona. Goba, boati bja tšona e be e le ka dikgopelo tša thapelo, le balwetsi le batlaišwa. Gomme—gomme dilo tša go fapanā boka tše, e a ya pele, gomme kafao ga se e be le selo go potšišo e ka ba efe go arabja. Gomme ka gona ba . . . ke filwe sehlopha seo se bego—seo se bego se le mabapi le dilo tša go fapanā, Lengwalo le dilo; eupša mohlomongwe, ge re na le nako, re tla leka go di araba bokaonekaone bjo re ka kgonago. Bjale,

gomme ge ke dira phošo, gabaneng, elelwang, ga se e nepiwe go dirwa phošo.

³⁴ Kafao a yo mongwe le yo mongwe o ikwela gabotse? [Phuthego e re, "Amene."—Mor.] Amene. A se ga se bjalo... Bolela ka mafelo a Magodimong ka go Kriste Jesu, a lefelo la go makatša, a nako ya go makatša!

³⁵ Go dinako tšohle tšeо ke bilego ka morago ga phuluphithi mo tabarenekeleng, ga se nke ka tsoge, le neng, ka nako efe kapa efe ya bodiredi bja ka, bo kilego bja šoma ka dikgaong tša Modimo le dikgao tša semoya bjalo ka ge go bile nakong ye; ka godimo ga e ka ba eng nkilego ka e dira nako efe kapa efe ya bodiredi bja ka, go kopano e ka ba efe kae kapa kae, ka mokgwa wo. Bontši, bo mo phodišong. Ye e utolla ka Ditherešo, ka Moya wa go swana, Moya wa go swana.

³⁶ Gomme ke—ke be ke le nnoši, gohlegohle, gomme ke be ke namela lefelong, goba ke eya tlase ke ejal lefelong. Gomme ke be ke no ba ke nnoši, kafao e bile ka kgonthe nako ye kgolo.

³⁷ Gomme bjale, gonabjale, e ka ba mosong, goba moso wo o latelago, ke... Go molaleng, ge re ka kgona go fetša ka nako, ke tla no rapelela balwetši mosong wo, ge dipotšišo tše di sa tsee botelele kudu.

³⁸ Kafao ke—ke swanetše go tla go nnamong lebakana le lennyane, le a bona. Monagano wa motho o ka kgona feela go ema kudu. Le a bona? Gomme ge o fihla lefelong mo o dutšego iri, o gatsetše ka Bogona bja Modimo, gomme Pilara ya Seetša e lekeletše fale pele ga gago, o—o ka se dule botelele kudu, le a bona. Motho ga a kgone, ga a kgone go e kgotlelela.

³⁹ Gomme kafao, bjale, dipotšišo tše ka kgonthe ke tše botse. Ke a leboga, le bohlale le dilo tšeо batho ba di šomišago. Bjale, go ya pele. Gomme ke tla leka go di araba. Gomme ka gona ge ke—ke sa e hwetše gabotse, le—le ntshwareleng gona.

⁴⁰ Gomme ge o na le tlhathollo ya go fapano, gomme wa dumela gore kgopoloo ya gago ya yona ke nnete, gabotse, e no ya pele thwi. Seo se ka se gobatše, gobane ga go ka godimo ga e ka ba o tee goba ba babedi ba bona bao ba nago le e ka ba eng ya phološo. E no ba...

⁴¹ Dipotšišo tše dintšintši ke, di botšišitšwe, ka go lehlakoreng le lengwe le la tlai... goba ka go Tlhatlogo ya Kereke. Kafao, le a bona, ke dipotšišo godimo fa, tše di tla tlago gomme di tla direga, godimo ka go dikarolo tše dingwe. Gobane, bjale re ka godimo ga lebaka la kereke, ka dithutong tša rena ka—ka go Puku. Re mošola, godimo ka go nako ya pitšo ya dikete tše lekgolo masomenne nne. Bjale ya pele fa:

173. A dikgarebe tše tlhano tše bohlale, tša Mateo 25, ke badiredi go—go Monyalwa, goba a ke bona Monyalwa?

Le a bona? Ge dikgarebe tše bohlale tše di le badiredi go Monyalwa, Monyalwa o kae?

⁴² Le a bona, bjale, go bokaonekaone bja kwešišo ya ka, dikgarebe tše tlhano tše... Go be go le lesome la bona, le a tseba, bao ba ilego ntle, le a bona. Gomme se mo e no ba seka, goba seswantšho, le a bona, seo—seo ke yago go le botša. Le a bona, go be go le lesome la bona. Nnete, go be go le bontši go feta lesome. Seo se nno dirwa nomoro. Eupša, ka gona, tše—tše bohlale dikgarebe di be di na le Oli ka maboneng a tšona. Ba go hloka bohlale ga se ba ke ba le Oli ka maboneng a bona.

⁴³ “Kafao ge bale ba lesome fale, ba Mateo, ge...” Ye ke po-po potšišo ya motho. “Ge bale ba lesome, fale, a seo se be se era gore bale ba tla ba... goba ba bahlano ba, a ke re, gore ba tla no ba ba bahlano, le a bona, feela batho ba bahlano?” Aowa, ga go re seo.

⁴⁴ E no ba seka, sa dikgarebe, le a bona, sa kgarebe ye e ilego ntle ka Oli ka leboneng la bona. Ke karolo ya Monyalwa yola. Gomme go kwešišo ya ka...

⁴⁵ Gomme ka gona le ela hloko, bjale, gore ba be ba le dikgarebe tša tiišo ya mafelelo. Go tla tlase go kgabola ditiišo, go bile le ditiišo tše šupago. Gomme ka go tiišo ya bošupa, iri ya gare ga bošego, bjalo ka ge re ratha bjale, le a bona. Bjale, ka go tiišo ye ya bošegogare, dikgarebe tše di phafogile le go lokiša mabone a tšona, gomme di ile ka gare; ge kgarebe ye e robetšego...

⁴⁶ “Bjale karolo ye fa, ba bahlano ba,” ge eba yeo ke tlhalošo ya potšišo, tlhalošo efe, “a go bile feela ba bahlano?” Gomme re ne dipotšišo tše dintši ka fa, e ka ba tše—tše dikete tše šupago, le go ya pele. Bjale, seo, seo e be e no ba seka, karolo ya bona. Gomme bohle bao ba tsošitšwe ka go lebaka le la mafelelo fa, tiišo ya bošupa, gore... “Ge go be go se eupša—eupša ba bahlano bao ba tsošitšwego ka nako yeo, bao ba fetoletšwego, ba tsene ka gare le Monyalwa, go ya pele, Monyadi? Bjale ge bona beng...”

⁴⁷ Seo ga se re gore go ya feela go ba tlhano. Gobane, ba robetše, bohle go theoga mabaka; bjalo ka ge re tlile beke ye, le a bona.

⁴⁸ Ka matšatšing a—a Paulo, morongwa wa kereke ka Efeso; Paulo, o hweditše kereke ye, go beng motseta go yona. Elelwang, Paulo, a hweditše kereke ka Efeso, o bile motseta go kereke yela. Gomme Moya, o be o le ka nageng nako yeo, e be e le Moya wa tau. Gomme tau ke Tau ya leloko la Juda, e lego Kriste, gomme Kriste ke Lentšu. Paulo, ka Lentšu la lebaka leo! Dikete di robetše ka go lebaka lela. Yeo ke mnete?

⁴⁹ Morago gwa tla lebaka la go latela, gomme nako ye kereke e ilego ya dula fase ka go—ka go lebaka la leswiswi, Moya wa poo o ile pele; ba šoma, ba katana, le sehlabelo, le go neela maphelo a bona. Dikete atiša ka dikete ba robetše, ka tlase ga bohwelatumelo le se sengwe le se sengwe. Ba letile, le a bona.

⁵⁰ Ka gona, gomme lebaka la go latela le a tla, Lutheran, lebaka la mpshafatšo. Moo go sepetše se bohlalehlale, go jabetša ga motho. Ge le ka hlokomela, monna o ile pele ka seo, gomme, ge a dirile, o okeditše bohlale bja gagwe mong. Seo ke se se mo nyadišitšego ka go karolo ye nngwe, le a bona. Le a bona? Ge a ka no dula le bohlale bja Modimo, go no mpshafatša le go gogela ntle... Eupša o dirile eng? Ka morago ga monna yola a bilego le molaetša, Luther; ka morago ga lehu la Luther, ba bile le mokgatlo wa Lutheran.

⁵¹ Ka morago ga lehu la Wesley, ba bile le mokgatlo wa Methodist. Le a bona? Fao, o tšwelapele go ya ka tsela yeo. E—e no... E dira seo. Bjale ke nyaka le—le—le hlokomela se, le a bona. Bjale yo mongwe a ka botsiša ka ga Pentecostal, e bego e le le—le lebaka la boraro.

⁵² Le a bona, le lengwe le le lengwe la mabaka ao le nno tšeа go karabetša ka go Moya wo Mokgethwa. Tokafatšo ke modiro wa Moya wo Mokgethwa; tlhwekišo ke modiro wa Moya wo Mokgethwa; eupša kolobetšo *ke* Moya wo Mokgethwa. Ke ka lebaka leo go tšere Moprefeta wa seprofeto go theoga. Ga go motseta go lebaka, ka gobane Moya wo Mokgethwa o tlie ka Boyena, ka bottlalo bja Gagwe, bja kolobetšo.

⁵³ Eupša mafelelong a lebaka, bjalo ka ge ka mehla go felela godimo ga a mangwe, re hwetša fao, gona, motseta o rometšwe. Gomme dikgonono tšohle tše le dilo di swanetše go bewa ka mafelong a tšona ka mokgwa woo, gona Tlhatlogo e tlela Kereke.

⁵⁴ Eupša ba bantsi ba beela dilo tšohle tše tša go fapani, “Letšatši le fetoga leswiswi, ngwedi...” Ba beile tsela yela morago fa ka go lebaka la Bokriste. Ba no šitwa go bona tšona dipotšišo tše tharo di botšišitšwego Morena wa rena kua, le a bona, ge A di arabile.

⁵⁵ Bjale, bošegong bja go feta, ke nagana ga go potšišo le gatee. Re tšere ye nngwe le ye nngwe ya dipotšišo tšela gomme ra di bea thwi ka tlase ga Mahuto. Gomme Mahuto ke Puku ka moka mmogo, ka Boyona.

A o dumela seo, ngaka? [Ngwanešu o re, “Ee.”—Mor.]

⁵⁶ Le a bona, selo ka moka se nno phuthelwa mmogo. Gomme re tšere se Jesu a se boletšego fa. Ba botšišitše dipotšišo tše tharo, le a bona, “Dilo tše di tla ba neng? Leswao la go Tla ga Gago e tla ba eng? Gomme bofelo bja lefase ke eng?” Gomme O tla thwi fase... Gomme re di gogile, ye nngwe le ye nngwe, ka tlase ga seo, eupša e tee. E be e le eng seo? Lehuto la Bošupa. Gobaneng? Le a bona, ga se go tsebjie. Leo ke lona. Le lengwe le le lengwe la ona le tlie ntle thwi. Ke a bapeditše, thwi tlwa, morago le pele.

⁵⁷ Gomme, nna, ge ke ngwadile bošego bja go feta, le go fihla ka kua le go ya... Ke ile morago go lebelela noute ya ka ya kgale ye ke e tšerego go tloga—go tloga morago kua. Gabotse, ke bone moo ke beilego le letee lefelong la le lengwe, ka mokgwa woo. Ke

a fapantše, morago le pele. Seo ke se ke se dirilego. Ke a thanka le e swere. Lena, le a e swara? Le a bona?

⁵⁸ Ke be ke ngwadile fase mo se ke bego ke eya go se ngwala godimo ka lehlakoreng le lengwe *le*, gomme ke se ngwadile godimo *mo*. Ke beile—ke beile bobedi bja ona, 9, 11, goba 9, 6, goba eng . . . goba 6 le 11, le—le—le 9 le 11, ye go bego go se bjalo. E be e le pele morago, temana ya go latela ka tlase ga yona. Le a bona? Gomme e be e le yona, ka—ka karabo, magareng ga dikotlo le ntwa, le a bona. Ke go bego go le.

⁵⁹ Kafao ke be ke no thaba kudu! Ke be ke no ya pele boka mo—mo . . . Ke be ke ipshina ka tutuetšo go tšwa go kutollo. Kafao, ke—ke e beile, ye godimo fa. Ke dutše fale le phentshele, goba pene, gomme ka bea fase 11 godimo ga mafelo bobedi, mola e be e se ya swanelia go ba. Ke nagana e bile 9 sebakeng sa 11 bakeng sa lehlakore le lengwe.

⁶⁰ Eupša bjale a le bone ka fao di bapetšego ka go phethagala? Bjale, le se lebale seo. A bapela go ya go la Boseleta, gomme a eme, le a bona. Gomme šetšang go—šetšang go bulwa ga Mahuto; go tla tlase go la Boseleta, gomme gwa ema. Feela, “Setu ka Legodimong,” seo ke sohle se se boletšego, “lebaka la sekgorba sa seripa sa iri.”

⁶¹ Bjale—bjale, ka go tše, le a bona, ke . . . ke tla swanelia go hlaganelia le go araba tše. Gobane, le a bona, ye nngwe le ye nngwe ya tsona ke therio, dibeke tše nne botelele, le a bona, go—go ye nngwe le ye nngwe, gomme o no ya thoko go se sengwe gape. Eupša ga—ga ke re go dira seo, gobane ke nyaka go hwetša potšišo ya yo mongwe le yo mongwe, bokgole bjo nka kgonago.

⁶² Dikgarebe tše, le a bona, di dirilwe ka . . . Yeo e no ba karolo ya tsona, ka go lebaka leo, le a bona. Lebaka le lengwe le le lengwe le na le dikgarebe. Le a bona? Le—le Lehuto . . .

Morongwa o tla kerekeng. “Go morongwa wa kerekere ya Efeso ngwala.” Le a bona?

⁶³ Ka gona a tla godimo fa, ka gona morago ga go ngwalela kerekere ya Efeso, bapetšang yeo morago, Lehuto le butšwe. Yeo e no ba tsela ye re e tlišago, go leka go e tliša yohle go lena, (le bona se ke se rago?), ge Morena a rata.

⁶⁴ Ba bile le eng pele? Mabaka a kerekere. A ke nnete? Selo sa go latela, molaetša go mabaka a kerekere. Yo mongwe le yo mongwe le hwetša seo go hlaka bjale? Le a bona?

⁶⁵ Sa pele, re ne mabaka a kerekere, le go ba le histori, re beile fase khansele ya Nicaea le khansele ya pre-Nicaea, le se sengwe le se sengwe seo re ka kgonago go se hwetša ka historing, gomme re hweditše gore tlhathollo ya maleba ya Lentšu e be e le tlwa le histori. Gomme ra e tliša go theoga go letšatši le, ka go Laodikia ye. Gomme ga—ga la swanelia go ba le histori ya seo; se ke go dira

histori bjale, le a bona. Šeo yona. Gomme, ka gona, go laeditše se se bego se tla ba ka lebakeng le.

⁶⁶ Bjale re tla morago ka Mahuto, gomme ra bula Lehuto leo. Modimo o re bulela Lehuto. Ke eng seo? Sa pele, go na le motseta, lebaka la kereke; sa go latela ke Mahuto a Šupago.

⁶⁷ Bjale, re hwetša tshenyego yeo e itiago ka go lebaka la kereke ya bošupa. Eupša Lehuto la Bošupa ga le utolle e ka ba eng, se se yago go direga go yona. Le a bona? Gobane, mo bofelong bja lebaka leo la kereke go ya go tla mpho ya seprofeto go utolla dilo tše. Le a bona? A le a e latela? [Phuthego e re, "Amene."—Mor.] Go lokile. Bjale hlokomelang ka fao le lengwe le le lengwe la Mahuto ao . . .

⁶⁸ Ka gona ke tlie godimo mo, gomme dipotsišo tše tharo tše ba botšištēgo Jesu Kriste, "Eng, dilo tše di tla ba neng, 'Go ka se be letlapa le tee godimo ga le lengwe'? Le le tla tšeelwa neng fase, lefelo le la bodumedi la lefase, gomme le lengwe la bewa godimo? Le a bona, e tla ba neng?" Mosepelo wa molwalekriste! Le a bona? Gomme ke eng e ilego ntłe go kopana le yona? Lentšu, Lentšu kgahlanong le lentšu.

⁶⁹ Ka gona e ile ya dula fase go dipolitiki le se sengwe le se sengwe gape, gomme fao go ile pholo e a šoma. Le a bona? Yeo ke ya bobedi tlwa mo. Gomme Jesu o boletše bjalo, ka go Mateo 24, le a bona. Morago re tla go theoga go tšwa fao, go mahlajana a bampshafatši, motho Sebata o ile go se gahlanetša. Seo ke se se diregilego. Ka gona re tla fase, sa go latela, go Lehuto la Bone, ge molwalekriste a eba tlhakahlakano, gomme o bile le leina, "Lehu."

⁷⁰ Bjale šetšang se Jesu a se boletšeego, "Gomme o tla mo lahlela mellong, ebole le go bolaya bana ba gagwe." Leo ke lehu, le kata. Yeo ke bobedi Protestant le Katoliki, leswao la lehu godimo ga ye nngwe le ye nngwe ya tšona. Le a bona, "Yena le bana ba gagwe ba sentšwe." Kafao ge o itshamile go kerekeleina ya gago, bokaone o tloga go yona gonabjale.

⁷¹ Gomme ka gona ge go etla go Lehuto la Bošupa, Jesu o eme fao thwi. O butše Lehuto la Boselela, ka go re, "Ngwedi o tla fetoga madi, le leswiswi le se sengwe le se sengwe." Dilo tše di tla direga. Re tlie thwi godimo mo le go bula Lehuto la Boselela. Morago ga ge Lehuto la Boselela le butšwe, gona go kgelempuela thwi morago le go bontšha selo sa go swana.

⁷² Ke lena bao, ka mafelo a mararo a go fapanan ka Lengwalong, a a tlemile mmogo ka kutollo. Le a bona? Setšang. Lefelo le Jesu a boletšeego bjalo; lefelo leo ge A butše Puku, e be e utilwe go tloga motheong wa lefase; gomme ka gona kutollo ya letšatši le mo, go e bea thwi ka kua, e tlema a mararo mmogo. Gomme tharo ke hlatse. Kafao, ke therešo. Ka go felela ke therešo.

⁷³ Bjale, dikgarebe tše di tlago mmogo mo, ke tšona tše di robetšego, gomme ka gona mmele wohle o dirilwe godimo mmogo go seholpha seo. Seo se ya go dira... le a bona, go dira di—di dikgarebe tše bohlale. Gomme dikgarebe tše bohlale ke tšona tseo di thomilego morago fale ka nako ya go swana dikgarebe tše bohlale di thomilego, molwalekriste, gomme ke bona bao ba lekago go reka Oli.

⁷⁴ Bjale e nong go lebelela mo gomme le bone ka fao le phethagetšego, mogohle le yago. Ge nka kgona go ema mo le go bolela dilo tše di utolotšwego ka kamoreng yela, ke a le botša, e tla thutha dihlogo tša lena tikologong. Eupša o ya go e dira bjang, ge o na le selo ka moka mo?

⁷⁵ Gomme ka gona lena, ka mokgwa wo mongwe le wo mongwe, ge le tloga go tšwa go batho, ka gona le thoma go bula diphiri. Ka gona o bona dilo tše o sa swanelago go di bolela go batho, le wena. Gobane, le a bona, ge go ka dira, ba tla thoma diism tše dinnyane.

⁷⁶ Gomme gona a re lebeleleng se mpho ye nnyane ya phodišo e se dirilego, ka fao e gakantšhitšego kereke. Yo mongwe le yo mongwe o bile le maikutlo, yo mongwe le yo mongwe o bile le *se*; gomme thwi tlase ka pelong ya ka, (Modimo o a tseba ke therešo), Ke tsebile e be e se nnene, gobane O mpoditše bjalo. Le a bona? Eupša ke go ekiša ga maaka, feela go lahla batho. Bjale, yeo ke nnene. Bjale, eupša, le a bona, o ka se kgone go bolela dilo tše. Bokaonekaone feela go e tlogela e nnoši.

⁷⁷ Gomme le elelwa Kgogedi ya Boraro? O rile, “O se ke wa botša motho.” Ke boletše eng gore e be e le seo? Ke ba bakae ba elelwago seo? Kgonthe. Elelwang, go emeng fale, go leka go boetsa lerala lela ka go seeta se sennyane sela, ka ponong? O rile, “Le ka se kgone go ruta masea a Pentecostal dilo tša kagodimogatlhago.”

⁷⁸ Ke rile, “Ye e tla ba Kgogedi ya Boraro, gomme E ka se tsebje, kafao nthuše, ka mogau wa Modimo.”

Bjale—bjale, re—re thwi tlase mo bofelong bja nako bjale. E ka se be botelele kudu go fihla Setulo sa Kgaogelo se tla ba Setulo sa Kahlolo. Ge le bona dilo tše di etla ka gare, gomme batho ba ba etla ka gare, bokaone le tle ka gare, le lena, ge eba ga le ešo la ba ka gare. Le a bona?

⁷⁹ Bjale, “Go kgobokana ka mafelong a Magodimong,” le a bona, gape go ra bontši go feta go no hlalala. “Ka mafelong a Magodimong,” ge ka kgonthe le kgobokane ka go Kriste, ke selo sa go boifiša.

⁸⁰ Go ema hleng le... Morongwa yola wa Morena, o nagana o tla no be o goeletša le go goelela. Seo, seo ga se sona. Se go tšoša go iša lehung, bokgauswi. Le a bona? Kafao, le a bona, go—go ne phapano ka go no hlalala le go bina dipue, e lego gabotse, gomme morago go tla fase go selo sa kgonthe. Le a bona? Le a

bona? Fao ke mo poifo. Ke selo sa go boifiša. E sego gore o boifa o lahlegile; eupša ka kgonthe pele ga Sephedi sa morongwa, le Moya wo Mokgethwā Yenamong a eme fale.

⁸¹ Bjale, yoo e tla ba karolo ya Monyalwa. Seo ke se se tla yago go e lokiša, le a bona, bohole bao ba robetšego. Gomme re ka se kgone go bona ka phethagalo . . .

[Tshepedišo ya theipi ye e gatišago e a palelwa. Lefelo la go se be le selo godimo ga theipi—Mor.] . . . rapela bjale gore O tla fa phodišo ya batho, ka disakatuku tše, di robetšego godimo. Leineng la Jesu. Amene.

Bjale, a go lokile bjale? [Baena ba re, “Amene.”—Mor.] Ke a le leboga. Yo mongwe o gata godimo ga se sengwe? [Ngwanešu o re, “O na le digatiši tše ntši kudu mothalong woo.”] Digatiši tše ntši kudu di beile kgatelelo ye ntši godimo ga yona. Le a bona? Go lokile, nno fetolang. Nno hwetsa theipi gomme o fetole theipi, gomme o e dire go tšwa go yeo. Bjale, hlokamelang potšišo ya go latela.

174. A baebangedi ba swanetše go tšwelapele tšhemong?

⁸² “Ka go iri ye,” nnete, se ba se rago. Kgontha, ka mešogofela. Le se fetole selo. Ge Jesu a etla mosong, rera lehono boka ge eba e ya go ba mengwaga ye lesome go tloga lehono, eupša phela boka go ya go ba mo iring ye.

⁸³ Le se ke—le se ke la hlakahlekana bjale. Seo ke se ke lekago go le sebotša ka sona, le a bona. Le se ke la no balearogi, ba sele. Le se ke la fetola selo. Eupša ge o dira se sengwe sa phošo goba go dira bobe, sokologa, le a bona, bowa morago go Modimo. Tšwelapele ka tirelo ya gago ya boebangedi feela bjalo ka ge o dirile ka mehla.

⁸⁴ Ge o aga ntlo, e bee godimo. Jesu o a tla gosasa, o hwetšwe go botega mošomong. Ge o aga kereke, eya pele, e bee godimo. Bokaone ke be ke beile tšelete ya ka ka go se sengwe boka seo, go feta go hwetšwa le yona ka potleng ya ka. Le a bona?

⁸⁵ Kafao nno—nno tšwelang pele, le tšwelepele boka le le. Yo mongwe le yo mongwe o a kwešiša bjale? [Phuthego e re, “Amene.”—Mor.] Tšwelapele thwi, gomme e no ya pele thwi bjalo ka ge o le. Bjale, nno—nno se eme. O se dire selo . . . Nno ya pele thwi boka o le. Tšwelapele o hlankela Morena.

⁸⁶ Bjale, mohlala, ge o be o—ge o be o šomela monna, gomme le tsebile e be e le metsotso ye lesometlhano pele ga nako ya go tšhaiša. “Gabotse,” o tla re, “uh, feela metsotso ye lesometlhano gape, gore le nna ke no ya godimo le go dula fase.” O tla gogelwa mogolo bakeng sa metsotso yela ye lesometlhano.

⁸⁷ Ge o bjala korong; bjala korong ya gago. O epa matapola; eya pele, a epolle. O re, “Gabotse, ga go yo a tla a jago”? Seo ga se dire phapano e ka ba efe. A epolle, go le bjalo. Le a bona? Ya. E no tšwelapele bjalo ka ge o le.

⁸⁸ Ke hweditše lengwalo go tšwa go yo mongwe letšatši le lengwe. Yo mongwe o ba boditše, o rile, “Gabotse, nako e batametše. Rekiša polasa. Bjale o ka se hloke dijo tše o phelago ka tšona, mo polaseng,” o rile, “gobane Mileniamo wo o ya go thoma, gomme o ka se e hloke. Kafao o no ya pele... Gomme ge lebaka la Tlaišego le kgatlampana, bana ba lena ga se ba phološwa, kafao nno ba lesang... A nke—a nke bana ba be le polasa, moo ba ka kgonago go ja go tšwa go yona, eupša lena bohole le rekiša polasa ya lena,” le—le, goba se sengwe boka seo. Gomme, oo, ba bile le yona...

⁸⁹ Ke rile, “Oo, nna!” Ge nkabe ke tsebile O be a etla gosasa, gomme ke be ke le molemi, ke be ke tla bea mabele a ka ka gare lehono. Nnete. Ge A ntirile molemi, ke ya go dula thwi mošomong wa ka. Yeo ke nnete. Ge A ntirile mekheniki, o rile mang...

⁹⁰ Yo mongwe o rile, letšatši le lengwe, o rile, “Moisa o tlie ka gare gomme a re, ‘E re, ngwanešu, o a tseba ke eng?’ O rile, ‘Ke ya go go fa sete ya bobedi ya dinotlelo. Ke rekile koloi ye mpsha.’ O rile, ‘Ke ya go go fa sete ya bobedi ya dinotlelo,’ o boditše modiša wa gagwe. O rile, ‘Ke ya go go fa sete ya bobedi ya dinotlelo, gobane Tlhatlogo e ka tla, o a tseba, gomme,’ o rile, ‘nka se sa e hloka gape.’” Modiša o be a eya go e foša, le a bona. Oo! Seo se dira komana, a ga se yona? Go lokile. Eupša yeo—yeo ke tsela ye e lego, le a bona, ga ra swanelo go ba ka tsela yeo.

⁹¹ Re swanetše go ba wa—wa go hlapologelwa, Mokriste wa go kgwahla, le a bona, gore ke beilwe fa go šoma thwi go fihla motsotsong wa mafelelo. Ke na le mošomo go o dira, gomme ke tla hwetšwa ka mnene go botega mo lefelong la mošomo. Ge A etla mosong wo, ke nyaka go be ke eme thwi fa mo phuluphithing.

⁹² O re, “Ngwanešu Branham, ge eba A eya go tla mosong wo, a ga wa swanelo go ba ntle *fale*?” Aowa, mohlomphegi!

⁹³ Le ke lefelo la ka la mošomo. Ke tla be ke eme thwi mo, ke rera, ge A etla, ke bolela dilo tša go swana ke lego tšona. Ka gona, ge A etla, ke tla no sepelela pele ntle le Yena thwi, le a bona.

⁹⁴ Ge eba ke hlagola ditapola, ke tla no be ke hlagola, feela ka maatla ka mo ke kgonago. Ge A etla, ke tla no lahla mogoma gomme ka tloga.

Le elelwa ka go ngwaga wa megobo? Ge eba ba be ba hlagola—hlagola ka mogoma, ba nno tšwelapele ba hlagola. Ba tsebile ngwaga wa megobo mohlomongwe o be o le metsotsotso ye lesome gape, gomme phalafala e tla galagala ka ngwaga wa megobo. Ba nno tšwelapele ba omiša furu, e ka ba eng ba bego ba e dira. Eupša ge phalafala e galagetše, gona ba lahlile foroko, gomme ba ile. Le a bona? Yeo ke yona, e no tšwelapele o omiša furu go fihla phalafala e lla. Go lokile.

[Lešata le kwewa go tšwa go se sengwe kgauswi—Mor.] Potšišo, “**Go ya ka go bulwa...**” A seo se...? E ka ba eng e direga? Huh? E—e dirile lešata godimo mo. Potšišo:

**175. Go ya ka go bulwa ga la Bohlano—Lehuto la Bohlano,
Moshe le Eliya ba swanetše—ba swanetše go hwa. Go reng
ka Henoge?**

⁹⁵ Ga ke tsebe. Le a bona? Ke—ke . . . Ge ke sa tsebe, ke no ya go le botša gore ga ke tsebe. Le a bona? Ga—ga ke—ga ke tsebe dikarabo tšohle, magagešo. Ga—ga ke tsebe. Gomme ge ke sa tsebe, ke ya go le botša ga ke tsebe. Ge ke tseba . . . nka se le botše go fihla ke tseba, le a bona. Eupša ga—ga ke tsebe.

⁹⁶ Ka mehla ke be ke makala ka seo, nnamong. Go bile le Henoge . . . Ke bona Moshe a etla, gomme Eliya o tla morago, gomme ba a bolawa, le a bona, eupša bjale Henoge o ile a fetolelwā pele ga nako. Ka mehla ke naganne, gomme ke maketše, ka bona, “Gobotse, eng, go reng ka seo?”

⁹⁷ Eupša, gona, fa go kgothatšo e nnoši yeo nka kgonago go re, ke se. Bjale hlokamelang, Moshe o diretše Modimo mengwaga ye masomenne feela. Le a bona? O be a le—o be a le lekgolo masomepedi. Eupša mengwaga ye masomepedi . . . Mengwaga ya mathomo ye masomenne, ke ra gore, o be a hwetša thuto ya gagwe. A ke nnete? Mengwaga ya bobedi ye masomenne, Modimo o be a e tloša go yena. Gomme mengwaga ya boraro ye masomenne, o hlanketše Modimo. Le a bona? Go lokile. Eupša Henoge o sepetše mengwaga ye makgolotlhano pele ga Modimo, gomme a hloka bosodi. Le a bona? Le a bona? Kafao, Moshe o tla morago go hlankela nako ye nngwe gape; yena le Eliya.

⁹⁸ Bjale, seo, ga ke re yeo ke nnete, le a bona. Ke no le fa seo bakeng sa kgopololo, le a bona. Eupša go no bolela ke karolo efe, ga ke tsebe. Ka kgonthe nka se kgone go le botša seo—seo se diregilego fao, goba seo Modimo a tlago go se dira.

**176. Ke eng le—le leina la . . . le le tla bago godimo ga batho ba
Kutollo 3:12?**

⁹⁹ Ga—ga ke tsebe. Ya. O rile, “Ba fe leina le leswa.” Ga—ga—ga ke tsebe se leo e lego, le a bona. Go tla dirwa ka kgonagalo ge re fihla fale, eupša ga—ga ke tsebe se e lego bjale, le a bona. Le a bona, O ya go dira seo. Le a bona? O ba fa leina le leswa leo—leo ba sa tšogo le tseba, bonabeng. Le a bona?

**177. Bjale, Ngwanešu Branham, a go na le Lengwalo le le
itšego le dumelelago lenyalo ka morago ga tlhalo? Se ke se
bohlokwa kudu.**

¹⁰⁰ E re, “Le bohlokwa.” Gabotse, ke ka lebaka leo . . . E be e se ya amana le ye. Bokgole bjo ke kgonago go bona, ngwanešu wa ka, goba kgaetšedi, mang kapa mang e ka bago yena, ga le gona, ntle le ge molekani wa gago a hwile. Ka gore, Beibebe e rile, “Re tlemilwe go bona ge feela ba sa phela.” Le a bona?

¹⁰¹ Kafao, ge—bokgole bjoo go beng “Lengwalo e ka ba lefe?” Seo ke se se botšištšwego fa, “A go na le Lengwalo?” Le a bona?

“A go na le Lengwalo le itšego?” E sego ka fao nka kgonago go hwetša, le a bona, e sego ka fao nka kgonago go hwetša.

Gobane, Paulo o boletše gore ba—ba banyalani ba ba nyetšego, “Ge molekani a hwile, gona ba lokologile gona go nyala e ka ba mang ba ratago ka go Morena.” Eupša go fihla nako yeo, eupša, šetšang, le a e tšea, “Go fihlela lehu re aroganya.” Yeo ke yona. O šetše o tšere keno godimo ga seo, le a bona.

¹⁰² Kafao, ga ke nagane le gona. Bjale, ge eba go le . . . Ge eba o hweditše le lengwe, gomme le nepagetše, gobaneng, gohle—go lokile. Eupša, bokgole bjo nna mong, ga—ga ke hwetše le ge e ka ba lefe.

178. Ke eng “o bone o se gobatše oli le beine” e se rago, ka go Kutollo 6:6?

¹⁰³ Ke Moya wo Mokgethwa. Le a bona? Re sa tšwa go kgabola seo. Go molaleng yo mongwe, le a tseba, o tlide ka gare thari gannyane bakeng sa Molaetša, ba . . . gabotse, bakeng sa ditheipi tše dingwe, le a bona.

“O se ke la gobatša oli le beine.” Na oli le beine di ra go reng?

¹⁰⁴ Oli, bjalo ka ge re e tšere ka sekä, e ra Moya wo Mokgethwa. Le a bona? Beine ke . . . le oli, e kgokagane mmogo, ka Beibeleng, go thapelo. Le a bona? Gomme beine, boka re e beile, ke moo ke hweditšego kgopololo, “Tutuetšo.” Beine e a tutuetša. Gomme beine, ka go sekaiphethegi sa yona—sa yona ya tlhago, go tšwa tutuetšong, ke kutollo.

¹⁰⁵ Bjale e nong go nagana. Ke eng e tutuetšago Kereke? Kutollo. Le a bona? Kafao, beine, beine ye mpsha, e tla ba . . . Bjale šetšang. Oli le beine di ile mmogo, ka go sehlabelo; di ile mmogo, ka go—ka go thapelo ya kereke. Bjale hlokamelang, sekä mmogo, se kgomagane mmogo.

¹⁰⁶ Ge o na le tlhalošantšu, o a lebelela gomme wa bona molokoloko ka moka moo beine le oli di kopanego mmogo ka thapelo. Ge eba o na le ya—ya Cruden, gobaneng, e dula godimo fale.

¹⁰⁷ Bjale hlokamelang go se. Eupša bjale, le a bona, oli ka mehla ke Moya wo Mokgethwa. Re hwetša seo godimo ka go Hesekiele. Gomme re se hwetša ka go Testamente ya Kgale. Re e hwetša yohle go kgabola Testamente ye Mpsha.

¹⁰⁸ Gobaneng re tlotša balwetši ka oli? Re tlotša balwetši ka oli gobane e swantšha go tšhollelwa ntle ga Moya wo Mokgethwa godimo ga bona. Le a bona? Gape, kgarebe ye bohlale e bile le Oli; ba go hloka bohlale ga se ba be le Oli, Moya, le a bona. Bjale, yeo ke Oli. Gomme ka gona beine, e—e . . . Ge oli e emela, e emela Modimo. Modimo ke Moya. Le a bona?

¹⁰⁹ Modimo ke Lentšu. “Mathomong go be go le Lentšu; Lentšu le be le go Modimo. Lentšu la dirwa nama, gomme yoo e be

e le Modimo.” Bjale, gona, ge Lentšu bjale ka go . . . le dutše fa ka sebolego sa tlhago bjale, beine ke meetse boka, gore, goba kutollo ye e utollago tlhathollo yela ya Lentšu, ye e tutuetšago modumedi, le a bona. Nna, ba no re, “Ga se ka ke ka E bona pele! Nna! Letago!” Seo ke eng? Le a bona, tutuetšo, le a bona, ya kutollo.

¹¹⁰ Ke be ke sa tsebe seo go fihla letšatši le lengwe, ke dutše fale, le gona. Le a bona? Bjale, yeo ke, “Oli le beine di dira eng . . . ?” E be e le, “Bonang gore ga le gobatše.” Yoo e be e le monamedi wa pere ye ntsho. Gomme yeo e bile nakong ya lebaka la leswiswi, lebaka la boraro la ke—la kereke. Hlokamelang. Gomme, ka fale, “Go no ba bonnyane nthatana bja Yona e šetšego, feela bonnyane nthatana, eupša o se E gobatše.”

¹¹¹ Gomme ke a dumela ge le ka hwetša seo, le—le Lehuto la Boraro, godimo ga theipi, le tla . . . le tla e hwetša fao, moo re e hlalošitšego ka bottlalo, goba ka bottlalo, a ke re.

179. Ngwanešu Branham, a Puku ya Kwana ya Bophelo, le Puku ya Bophelo, ke Puku ya go swana?

¹¹² Nnete, le a bona, gobane ke moo topollo yohle e ngwadilwego, ka go Puku ye. Le a bona? Maina a bona a be a le ka go . . . O re, “Gabotse, leina la rena le beilwe Pukung ya Kwana ya Bophelo, Ngwanešu Branham. Ke—ke bile le lona le beilwe godimo, bošego bjo bongwe.” Aowa, ga se wa ke. Aowa, ga se wa ke. O sa tšwa go hwetša gore le be le le godimo kua, bošego bjo bongwe, le be le le . . . le a bona, gobane maina a bona a ngwadilwe pele ga motheo wa lefase. Le a bona? Yeo ke, yohle ke Puku ya go swana, le a bona.

180. Bjale, Ngwanešu Branham, a ke therešo gore—gore Mojuda yo mongwe le yo mongwe, a belegwego ge e sa le Kriste a tlide, o tla phološwa? Gomme ba dikete tše lekgolo le masomenne nne ke bomang? A ke bakgethelwapele ba go tlo swaiwa ka Moya wo Mokgethwa? Gomme thomo ya bona ke eng?

¹¹³ Go ne e ka ba dipotšišo tše tharo ka go ye tee, fao. Eupša, mo, ya pele:

A—a ke therešo gore Mojuda yo mongwe le yo mongwe a belegwego ge e sa le Kriste, yoo a tlide ka lefaseng, o swanetše go phološwa?

¹¹⁴ Aowa. Ga go selo se tla phološwago, feela bao maina a bona a beilwego godimo ga Puku ya Kwana ya Bophelo pele ga motheo wa lefase, Mojuda goba Montle. Le a bona? Yeo ke phetho. Puku e swere sephiri sela, gomme Puku e no se phutholla bjale; e sego leina la yo mongwe le yo mongwe, eupša se sephiri sa Puku se lego, ge se bitša maina ao. Mafelelong le kwešiša seo bjale? Le a bona?

¹¹⁵ Puku ga e re, “Bjale, Lee Vayle o swanetše go phološwa ka nako ya lebaka le la kereke, goba—goba Orman Neville,” goba—goba e ka ba mang. Aowa, ga e bolele seo. Go no laetša sephiri, se tatolla sephiri sa seo selo se lego sona. Eupša rena, ka borena, ka tumelo, re a E dumela. Seo ke se ke se boletšego bošego bjo bongwe.

¹¹⁶ Yo mongwe o rile, “Gabotse, ga go bohlokwa ka go nna go e leka. Ngwanešu Branham o rile go na le yo motee feela a phološitšwego go tšwa ka Jeffersonville.” Le a bona? Bjale, le a bona, e laetša seswantšho. Seo—seo—seo ga se, seo—seo ga se sona. Go ka no ba diketekete di phološitšwe. Ga ke tsebe. Ke a holofela yo mongwe le yo mongwe wa bona o phološitšwe, le a bona, eupša ga ke tsebe.

Eupša tsela še ke nyakago go e dumela, “Ke nna yena yola.” O dumela sa go swana go wena. Ge o sa dire, gona go ne se sengwe sa phošo ka tumelo ya gago; ga o na kgonthé seo o se dirago.

¹¹⁷ O ka kgona bjang—o ka kgona bjang go sepelela godimo kua ka sefahlegong sa lehu, mola o se ne nnete kudu ge eba o phološitšwe goba aowa? Le a bona? O ka kgona bjang go ya tlase mo gomme wa re go monna yo wa segole a robetšego mo, a foufetšego le go phetlega godimo, “O RIALO MORENA. Tsoga! Jesu Kriste o go dira o felele”?

¹¹⁸ O ka kgona bjang go ema, wola wa kgale wa go tonya wa go thatafala mmele o robetše kua, wo o hwilego, gomme o be o hwile diiri le diiri, gomme o robetše fale, a tonya le go thatafala; gomme o re, “O RIALO MORENA, ema ka maoto a gago”? Bokaone, le swanetše go tseba se le bolelago ka sona. Le a bona?

¹¹⁹ Gabotse, o re, “Lehu le tteleima se sengwe le se sengwe. Yohle e ile.” Ya, eupša ge Lentšu la Modimo le utollwa, gomme o a tseba ke Modimo, yo a fetolago dilo. Yeo ke nnete.

¹²⁰ Bjale, ee, Bajuda ba ga se... E sego bohole Bajuda ba tla phološwago. Aowa, mohlomphegi. Ba ka se phološwe; ke feela bao... Ge A bolela ka—ka Mojuda, “Mojuda,” feela bjalo ka leina leo ba filwego morago ga ge ba tlogile... Ke a dumela, Nebukadinetsara, godimo, o thomile go ba bitša “Mojuda,” pele, gobane moloko wa Juda o be o tšerwe fale. Gomme ba filwe leina la “Mojuda,” bjale, gobane ba tla tlase go tšwa Judea, gomme ba ne leina la Mojuda.

¹²¹ Eupša, bjale, Israele e a fapania. Israele, le Mojuda, ba fapania go felela. Mojuda yo mongwe le yo mongwe—Mojuda yo mongwe le yo mongwe ga se Moisraele, le a bona. Aowa, o no ba Mojuda. Eupša, gona, Israele... Paulo ga se nke a re Bajuda bohole ba tla phološwa. O rile, “Israele yohle e tla phološwa.” Gobaneng? Leina la Israele, leo ke—leo ke leina la topollo, tsela yohle morago. Le a bona? Gomme Israele yohle e tla phološwa, eupša e sego bohole Judea—Bojuda ba tla phološwago. Le a bona?

¹²² Feela boka Bantle, go tla ba . . . Go na le dikete atiša ka dikete tša—tša batho, ee, gabotse dimilione, ka go mekgatlo ye, gomme ba bitša “Mokriste, kereke ya Kriste,” le maina a mabjalo ka ao. Seo ga se re selo se tee. E sego . . . Seo ga se re gore ba tla phološwa.

Batho ba re, “Bjale, o swanetše go ba wa *wō* goba *wola*, mokgatlo, mokgatlo wo itšego. Ge eba leina la gago ga le godimo ga puku ya rena, o lahlegile.” Bjale, yeo ka tumelothoko. Le a bona? Yeo ke tumelothoko. Le a bona?

¹²³ Go na le tsela e tee feela o ka phološwago, gomme, ke gore, “Ga se yena yoo a ratago, goba yena yoo a kitimago, yena yoo . . . Gona, ke Modimo Yo a bontšhago kgaogelo.” Gomme Modimo, ka tsebelopele ya Gagwe, o kgethetšepele Kereke go letago la Gagwe, gomme bao ke bona ba phološitšwego. Nnete. Bjale, tumelo ya gago e kgwapareditše bjalo Fale!

¹²⁴ O re, “Gabotse, tumelo ya ka e kgwapareditše Fale.” Gomme lebelela ke mohuta ofe wa bophelo o bo phelago. O a bona ebile ga wa swanela Fale. Sekgwaparetši sa gago se fošagetše. O na le sona mo lešabašabeng sebakeng sa leswikeng. Lephoto le lennyane la pele le tla e lahlela kgole. Uh-huh.

¹²⁵ A nke Lentšu le utollwe ka go se sengwe. “Kereke ya ka ga e rute Leo!” Seo se bontšha thwi nako yeo o be o se wa kgwaparetšwa godimo ga leswika. O be o le ka lešabašabeng. Uh-huh. Yeo ke nnete. Kafao, bjale le a bona, bjale.

Gomme dikete tše lekgolo masomenne nne, a ke bona ba ba kgethetšwegopele?

¹²⁶ Ee, mohlomphegi. Yeo ke Israele, Israele ya semoya.

¹²⁷ E no nagana, go tla ba dimilione tša bona ka kua. Ga ke tsebe ke ba bakae ba lego ka fale bjale; ke a thankya sehlopha ka moka, eupša ba ka se phološwe bohole gobane ba ka Judea. Le a bona?

A le na le mmono e ka ba ofe ke ba bakae ba lego fale bjale? Ga ke tsebe. Eupša ka kgonagalo ba . . . Morago ga ge tlhomaro ye e latelago e thoma go tsoga . . . Ba kgoboketšwa ka . . . Le a tseba, ke na le theipi godimo ga tšona, go tšea bodikela le nna bjale go—go ye nngwe ya—ya—ya kereke ya Kgwerano ye e lego ka . . .

¹²⁸ E no ba ya kgale . . . Oo, ke a lebala bjale. E thomile . . . Ba na le bona tlase kua ka Afrika. Dutch Reform. Ke kereke ya Dutch Reform, Kgwerano ke yona. Bjale, ge go na le yo mongwe wa lena a dutšego fa, ke tla le botša gore ka baka la eng. O sa swareletše go yela ya kgale Katikasema ya Heidelberg, gomme leo ke tlwa lebaka le sa lego ka go . . . e sa lego Dutch Reform. Kafao, o ka no pholetšha godimo ka leina la Amerika. Seo—seo ke selo ka morago ga yona, gobane o ruta go tšwa go katikasema yela ya go swana, Heidelberg. Le botšišeng modiša wa lena ge seo e se nnete. Le a bona? Kafao, bjale, hlokamelang se.

Dikete tše lekgolo masomenne nne, ke bakgethelwapele go swaiwa ka Moya wo Mokgethwa?

¹²⁹ Ee, mohlomphegi. Yeo ke nnete tlwa. Go lokile. Bjale ge eba go ne e ka ba ofe . . . Bjale ge eba ke . . .

Ge eba ke se ka araba, go le swanela, gabaneng, mohlomongwe ke . . . nka no ba phošo, le a bona. Eupša, ye, ke bokaonekaone kudu bja tsebo ya ka, le a bona. Bjo ke bokaonekaone kudu bja tsebo ya ka.

181. Ngwanešu Branham, bjalo ka ge o šokwa goba go ta- . . . godimo ga peu ya sephente . . . (Uh-oo, ga se nke ka lemoga ye. Ye e nngwegetše.) . . . **peu ya sephente beke ye, a go tla ba maleba go botšiša potšišo ye? Bagwera ba ka ba nkgopetše go hlaloša Genesi 4:1, gomme nka se kgone. A le tla nthuša?**

¹³⁰ Ke—ke go tšwa go hlogotaba. Eupša, go le bjalo, ke tla—ke tla—ke tla leka bokaonekaone bja ka, ka thušo ya Modimo. A re boneng bjale. A nke ke pholetše, feela gannyanne ga nthatana. Ke nagana ke moo a rilego, “Ke na le morwa go tšwa go Morena.” Ke—ke a dumela ke yona. Ke nagana Efa o boletše seo fao. Ke ya go hlola, goba le nnete.

¹³¹ Gobane, ke rile, bošegong bjo bongwe, šupa . . . sebakeng sa . . . makgolo a šupago sebakeng sa dikete tše šupago. Kafao go ntira ke tšhoge, le a bona, gomme o no swanela go ba o šeditše. Gomme lenaba ka lehlakoreng le lengwe le le lengwe, gomme o—o lemoga seo, o a bona. Ee, yeo ke yona.

Gomme Adama o tsebile Efa mosadi wa gagwe; gomme a ima, gomme a belega Kaine, gomme o rile, ke hweditše motho go tšwa go Morena.

¹³² Bjale, ke ya go no go arabela potšišo, ngwanešu wa ka, goba kgaetšedi. Gomme bjale, elelwang, e sego—e sego go go lahlela, aowa. Ke leka go go thuša, o a bona. Ke a le rata, gomme ke rata motho yo a ka bego a be a le moswaswalatši godimo ga yona. Eupša ga ke nagane gore motho yo o a swaswalatša. Ba rile, “Nthuše,” le a bona, gobane batho ba a e dumela, eupša ga se ba no bewa madulong a go lekanelo, ke Moya, go tseba se ba ka se bolelago go motho yo a ba botšišitše seo.

¹³³ Bjale, o bolela fa se potšišo e lego, ga go pelaelo, gore ba re, “Efa o rile o hweditše motho yo go tšwa go Morena.”

¹³⁴ O nagana bophelo bo ka tsoge bja tla bjang ge bo se bja tšwa go Morena, go ka ba ka nnete goba ka phošo? Ke mang a rometše—ke mang a romilego Judase Iskariote ka lefaseng? Mpotseng seo. Beibele e rile o tswetšwe “morwa wa molahlegi.” E no ba botšiša yona yeo; go swana le seboko ka go swiri, le a bona. Le a bona? Bjale, le a bona, ba ka se kgone—kgone . . . Ke yona.

¹³⁵ Hlokamelang, gona, ge o nyaka go ba tše meragelo ye mennyane gape. Lebelelang. Efa o boletše fa, ge le nyaka go e tše ka leleme e lego fa, ye e ngwadilwego kafao e utilwe

go leihlo, bahlale le ba tlhaologanyo. Efa, fa, ka tsela ye go rutilwego, gore Modimo e bile Yena yoo a tswetšego morwa yo ka yena. Gomme Yena ke Moya, gomme ga a kgone go e dira. Le a bona? Bjale šetšang fa, ge le nyaka go lemoga seo. “Ke hweditše mo—mo motho go tšwa go Morena.” Le a bona, o ka se kgone go e dira e kwagale e ka ba efe . . . Eupša e swanetše go ba le tlhathollo ya yona ya maleba, le a bona. Ee, mohlomphegi. Aowa, mohlomphegi, ge woo, gona moya . . .

¹³⁶ Gomme ka mehla re latela tlhago ya motswadi wa rena. Le tseba seo. Lebelelang lesea, tlhago. Gabotse, gona, Adama o be a le morwa wa Modimo; Efa o be a le morwedi wa Modimo; thwi, selo sa pele sa tlholo ya Modimo, ye e bego e ka se kgone go ba le tshetlana e tee ya—ya bobe kae kapa kae ka yona. Bobe ebile bo be bo sa tsebje.

¹³⁷ Gona gobaneng Kaine a bile moaketši, mmolai, le se sengwe le se sengwe gape? Seo se tšwa kae? E no ipotšiša potšišo yeo wenamong. Yeo e be e le peu ya sephente. Le a bona? A Beibele ga e bolele bjalo? Šetšang peu ya gagwe tsela yohle go theoga. Ka go seo, o bile . . .

¹³⁸ Lefase le ke la mang? Diabolo. Ke mang a le laolago bjale? Diabolo. Nnete tlwa. Diabolo o laola lefase. O boditše Jesu, o rile, “O bona ka fao go lego botse, letago lohle? Ke tla Go fa lona ge O ka nthapela.” Le a bona, yena ke molaodi wa lona. Bjale ke mong wa lona.

¹³⁹ Bjale šetšang, bana ba gagwe ke ba bohlale; bana ba diabolo. Goba, tsea bana ba Kaine, ge o nyaka go, gomme o e tliše thwi tlase go kgabola mašika, gomme o hwetša gore ba be ba le banna ba ditswerere, yo mongwe le yo mongwe wa bona.

¹⁴⁰ Eupša nako yeo ge a bolaile Abele; gomme Modimo o mo file morago Sethe, e be e le sekai sa baloki, go lopolla; go beng go hwa, le go tsoga gape. Gomme go tloga fao . . . Bjale šetšang. E sego go tšwa go peu ya pele, ya tlhago; ba hwile. Bjale le na le menagano ya lena e bulegile? Le a bona? Peu ya pele, ya peu ya tlhago, e no ba ye botse ka tlwaelo, e swantšha kerekere ya sebjalebjale, Abele. Gore a boloke mothalo wola o etla fase, gore yo mongwe o hwile bjalo yo mongwe a kgone go tsoga, le a bona. Kafao, e swanetše go ba go tswalogape, gape. Le a e swara? [Phuthego e re, “Amene.”—Mor.] Go lokile, feela gore le e hwetše, le a bona. Le a bona?

¹⁴¹ Ke lena bao, sekai sa go phethagala. Kafao ebile le monna wa tlhago, a tswetšwego ke—ke Adama, tatagwe, o bontšha mokgwa wola wa tlhago. A ka se šome; monna wa tlhago ga a bone dilo tša Modimo. Kafao go bile le Monna a etla ka tlhago, gomme o hwile, gore a buše seo gape; gomme e emetšwe ka go lehu la—la—la Abele, le go bušetšwa ka—ka Sethe.

¹⁴² Gomme šetšang ke mohuta ofe wa batho woo o bilego, bjale, moya wola o tšweleditše go tšwa go yena; ba go kokobela,

balemi, badišadinku. Šetšang se se tlagoo go tšwa go bohlale bjo bja lefase fa; banna ba ditswerere, baagi, le—le ka dimetale, le mohuta wohle wa bohlale bja setswerere le dilo. Lebelelang moo ba tatologilego godimo, tlase, tlase, tlasetlase kua, gomme Modimo o sentše yo mongwe le yo mongwe wa bona, yo mongwe le yo mongwe wa bona, gomme a pholosa ba go kokobela. A Jesu ga se a bolela, ka go Mateo 5, “Ba boleta ba tla tšea lefase bjalo ka kabelo”?

¹⁴³ Kafao, ya, le se tshwenyege. Ga ba ne leoto le tee go ema godimo ga lona. Le a bona? Ga ba dumele yoo ke morwa wa Kaine. Eupša re na le theipi godimo ga seo, ge o nyaka go kwa e hlathollwa ka botlalo. Le a bona? Aowa, mohlomphegi.

¹⁴⁴ Gomme ke bone ba na le ntshetlana ka pampiring godimo fale, moo saense bjale e yago go netefatša gore “Efa ga se nke a ja apola. O bile le apolokosi.” Le a bona? Ke swere pampiri godimo fale kua gae bjale, le a bona. “E be e le apolokosi.” Batho ba ka kgona bokgole bjo bokae—gakaakang... Woo ke monagano wa senama, le a bona.

“Ka gona, gabotse, Moshe ga se a ke a tshela meetse. O putlike go kgabola lewatle la mahlaka; a tlišitše Israele go putla ka mafelelong a godimodimo a Lewatle le le Hwilego. Go be go le mokgobo wa mahlaka fale, lewatle ka moka la mahlaka, feela moo meetse a bego a bile nako ye nngwe, a ile tlase. Gomme Moshe o tšere go kgaoletša le go ya go dikologa ka tsela yeo.” Gomme dikereke tša Orthodox di e amogetše. Le bone seo. Dikereke tša Orthodox di e amogetše, gore go be go le bjalo.

¹⁴⁵ Oo, motho, a ga o kgone go bona peu yela ya sephente, molwalekriste yola, gomme selo ka moka se robetše thwi fao? Nnete. Ee, mohlomphegi.

Ngwanešu Branham, hle rapelela yo monnyane wa ka...
(Gabotse, yeo ke kgopelo ya thapelo; ke a e bona.) **Rapelela setlogolomorwa sa ka se sennyane, se babja kudu ka mpshikela. O ka Riverview Hotel.**

¹⁴⁶ Morena Jesu, motho yo wa go šokiša mo ga se a tsoge a ngwala seo ka lefeela. O bone O no tloša ka boomo ebile le letadi la ramatiki go tloga go mošemane yo monnyane bošego bjo bongwe. O a tseba gore Wena o Modimo yo mogolo, gomme re neela dithapelo tša rena bakeng sa mošemane yola yo monnyane. Ka Leina la Jesu Kriste, anke a fole. Amene.

¹⁴⁷ Ge yo mongwe a ngwala e ka ba eng, ga se lefeela. Ba—ba—ba ne... Ga go kgathale go kwagala bonolo gakaakang go rena, le bontši bja yona gakaakang, eupša—eupša go ne se sengwe ka morago ga yona, le a bona; mohumagadi yola, mošemane yo monnyane yola, se sengwe.

182. A Eliya, yo a tlagoo rerela Bajuda, monna wa kgonthé yo a phetšego lefaseng, goba o tla ba moyo wa Eliya ka go monna tsoko yo mongwe?

Bjale, yeo ke, ke—ke boifa go bolela. Ga ke tsebe. Le a bona? A nke ke bale yeo gape.

A Eliya, yo a tlagoo rerela Bajuda (oo, ee), monna wa kgonthé yo a phetšego lefaseng, goba o tla ba moyo wa Eliya ka go monna tsoko yo mongwe?

¹⁴⁸ Bjale, ge nka kgonaa go arabaa yeo ka nepagalo, nka kgonaa go le botša ka Henoge, le a bona. Eupša nka—nka se kgone go e dira, le a bona. Selo se nnoši ke se tsebago ke, feela, Lengwalo le bolela se e tla bago. Gomme bjale go ka no ba gore . . . Bjale, ke—ke mohuta wa go akaretšwa . . . Bjale a nke ke e bolele ka tsela ye. Gomme ke a holofela theipi, baena mo ditheiping, ba tla kwešiša se. Ke kwana le go dumela gore e tla ba banna ba ba tloditšwego, ka moyo wa bona. Ka gobane, le a bona, o re, “A ga . . . go Elisa? A moyo wa Eliya ga o khutše godimo ga Elisa?” Le a bona, “moya wa Eliya.” Gomme o dirile feela boka Eliya a dirile, le a bona. Kafao, nna, ge ke . . . Eupša nka se kgone go bolela seo ke therešo. Ga—ga ke tsebe, le a bona. Ke a botegaa le lena. Ga ke tsebe.

183. Ngwanešu Branham, a ka kgopelo o ka nkaraba ye tee ye, ka kolobetšo? Mateo 28:19 e ruta, “Tate, Morwa, le Moya wo Mokgethwa.” Gomme Petro, ka go Ditiro 2:38, “Leineng la Morena Jesu.” Phetogo ye e tlide neng ka go Ditiro tša Baapostola? Bjale, ke a dumela, “ka go Morena Jesu.”

¹⁴⁹ Gabotse, ngwanešu goba kgaetšedi, e ka ba mang a e ngwadilego, go—go be go se phetogo ye e tlagoo kgauswi, le a bona. Ke . . . Gomme Petro o dirile tlwa se Jesu a rilego dirang. Bjale, ge yo mongwe a etla gomme a re, “Šomiša dithaetlele tša Tate, Morwa, le Moya wo Mokgethwa,” ba dirile se Petro a rilego se se dirwe, eupša se Modimo a rilego le se ke la se dira. Le a bona? Bjale, Jesu o boletše gore . . .

¹⁵⁰ Re tla no—no tšea nthatana gannyane, moo, ke nyaka go no le laetsa se sengwe mo. Hlokamelang. Bjale hlokamelang, ge o le mo, motho. Ke ya go bea diripa tše tharo tša setlabeled mo. Bjale lebelelang, yo ke Tate, yo ke Morwa, yo ke Moya wo Mokgethwa; bjalo ka batho ba trinitarian ba ba dumela, ba dumela gore ke batho ba bararo ba go arogana. Ba dumela seo. Le a bona? Gabotse, gona, bjale anke ke . . .

¹⁵¹ Gomme ka gona ka go Mateo 28:19. Jesu o rile, “Eyang lena ka lefaseng lohle, gomme le rere Ebangedi go sebopiwa se sengwe le se sengwe. O . . .” Aowa, ke kgopela tshwarelo. Ke tsopola Ditiro bjale, goba ka go Ditiro 2, ke a dumela. Aowa, Luka 24:49, ke a tsopola. O rile . . . A nke ke e bale, gona ke e hweditše, le a bona, gomme morago . . . gobane letšatši le lengwe ke boletše gore ge ke se . . . Ke nyaka go ba le kgonthé ke hwetša se gabotse. Ke—ke tseba thaetlele ya se o se bolelago fao, eupša ke nyaka go no

hwetša se A se boletšego. A re thomeng go temana ya 16, ya ya 29. “Gona ge ba lesometee ba dutše dijong, ba . . .”

Ka gona ba lesometee . . . ba ile kgole ka Galelia, go ya ka thabeng moo Jesu a ba laetšego.

Gomme ge ba mmone, ba mo khunametše: eupša ba bangwe ba belaetše.

Gomme Jesu o tlie le go bolela le bona, a re, Maatla ohle ka magodimong le lefaseng a filwe go . . . Maatla ohle a filwe go nna ka magodimong le lefaseng.

¹⁵² Bjale maatla a Modimo a kae? Modimo o mo kae? Ge maatla ohle go tswa Legodimong, le maatla ohle ao a lego lefaseng, a filwe, bjale Modimo o kae? Yena šole, le a bona. Seo ke se se bolelago le wena. Go lokile.

Eyang kagona, gomme le rute ditšhaba tšohle, le ba kolobetša leineng la Tate, le la Morwa, gomme, ka gona, la Moya wo Mokgethwa.

¹⁵³ Bjale sekgao sa mothrinitharian sa seo, “Ke go kolobetša leineng la Tate, leineng la Morwa, leineng la Moya wo Mokgethwa.” Ebile ga e ka go Lengwalo le Lekgethwa. Le a bona? O rile, “Ba kolobetšeng Leineng la Tate, le la Morwa, le la . . .” E sego ka go . . . le go bea leina pele ga yo mongwe le yo mongwe. Leina le tee! Šetšang fa. Ga se a re, “Ba kolobetšeng mo maineng.” L-e-i-n-a, Leina le tee, “Leineng la Tate, Morwa, le Moya wo Mokgethwa.” Le a bona?

¹⁵⁴ Bjale ke nyaka go le botšiša. A *tate* ke leina? [Phuthego e re, “Aowa.”—Mor.] A *morwa* ke leina? [“Aowa.”] Ke botate ba bakae ba lego mo? Ke mang wa lena a bitšwago “Tate”? Ke barwa ba bakae ba lego fa? Ke batho ba bakae ba lego fa? Le a bona? Gabotse, ke mang wa lena a bitšwago “Tate,” “Morwa,” goba “Motho”? Le a bona?

¹⁵⁵ Boka mosadi a boletše nako ye nngwe, o rile, “Ngwanešu Branham, *Moya wo Mokgethwa* ke leina. Ke Motho.”

¹⁵⁶ Ke rile, “Ee, Mohlomphegi. Ke nna motho, eupša leina la ka ga se ‘Motho.’ Ke nna motho, le a bona. Leina la ka ke William Branham; eupša ke nna motho.”

Moya wo Mokgethwa ke Motho. Seo ke se O lego sona. Ga se leina; ke thaetlele ya Bomotho bja Modimo. Le a bona? Ke thaetlele go bomotho bja Modimo, se A lego sona. Bjale—bjale ge . . .

¹⁵⁷ O rile, “Kagona eyang, gomme le rute ditšhaba tšohle, le ba kolobetšeng mo Leineng la Tate, le la Morwa, Moya wo Mokgethwa.” E sego, “leineng la Tate, leina la Morwa, leina la Moya wo Mokgethwa.” Goba, e sego “ka go maina a Tate, le a Morwa, Moya wo Mokgethwa,” eupša, “Leineng la Tate, Morwa, le Moya wo Mokgethwa.” Gomme ge “Tate, Morwa, le Moya wo Mokgethwa” e se leina, gona go reng ka yona?

¹⁵⁸ E re ge e le “leina,” gabotse, ke lefe? Le nyaka go bitša le lengwe la lona leina, ke leina lefe? Ge o nyaka go bitša thaetlele leina, gona leina lefe, ke thaetlele efe o nyakago go kolobetša, ta “Tate” goba “Morwa”? Ke botee, le a bona.

Bjale re phetla godimo fa ka go—ka go . . . gomme yeo ke puku ya mafelelo ya Mateo.

¹⁵⁹ Boka ka mehla ke e hlalošitše. Ge le bala kanegelo ya lerato, gomme le rile, “John le Mary ba phetše go thaba ge e sa le morago.” Le a bona, ke ka gobane ga o—ga o tsebe John le Mary ke mang. Eya morago go mathomo a kanegelo ya gago, hwetša ke mang John le Mary ba lego. Le a bona?

¹⁶⁰ Bjale seo ke se le se dirago fa go Mateo. Le no bala karolo ya mafelelo ya yona. Eyang morago go mathomo a Mateo gomme le bale se kanegelo e lego. Yeo ke tema ya mafelelo ya Mateo, le ditemana tša mafelelo.

¹⁶¹ Boka o topile puku, gomme wa re, “John le Mary ba phetše ka lethabo ge e sa le morago. Yoo e be e le John Jones le—le Maria *Semangmang*? Seo e be e le . . . ? Bjale, yola e be e le John . . . ? Yola e be e le John Henry gomme yola e be e le *Semangmang*? Yo ke John Tsoko le *Semangmang*?“ Aowa, ga o tsebe le bjale, o a bona. Selo se nnoši go dira, go ba le nnete, ke go ya morago ka pukung le go e bala. Le a bona, o ka se kgone go topa seripa godimo *mo*. O swanetše go bea selo sohle mmogo, go dira senepe.

¹⁶² Bjale eyang morago go Mateo, tema ya 1. Gomme e a ya le go fa mašika, go theoga tema ya 1. Ka gona e theogela go temana ya 18, gomme e rile, “Bjale matswalo a Jesu Kriste a bile ka mokgwa wo.” A ke nnete?

¹⁶³ Bjale ke nyaka go le botšiša sengwe. Bjale theetšang gape. Lena, le a e bitša. Ke mang *yo*? Modimo ta . . . [Phuthego e re, “Tate.”—Mor.] Modimo mo . . . [“Morwa.”] Modimo mo . . . [“Moya wo Mokgethwa.”] Bjale ke ofe *yo*? [“Tate.”] Ke ofe *yo*? [“Moya wo Mokgethwa.”] Ke ofe a lego *yo*? [“Morwa.”] Morwa. Go lokile. Bjale re e hweditše bjale. Bjale le rile *yo* o be a le eng; Modimo *Mang*? [“Moya wo Mokgethwa.”] Moya wo Mokgethwa. Go lokile. Bjale, go lokile.

Bjale matswalo a Jesu Kriste a bile ka tsela ye: Ge . . . mmagwe Maria a beeleditše ke Josefa, pele ba etla mmogo, o hweditše a ne ngwana wa . . .

¹⁶⁴ [Phuthego e re, “Moya wo Mokgethwa.”—Mor.] Bjale, ke naganne le rile Modimo o be a le Tate wa Gagwe. Bjale go na le se sengwe sa phošo mo; A ka se kgone go ba le Botate ba babedi. Le tseba seo. Le a bona? Bjale go na le se sengwe sa phošo. Bjale ke ofe wa Banna ba, ge e le Batho ba bararo, ke ofe wa Bona e lego Tate wa Gagwe? Beibele e bolela mo, pepeneneng, “O hweditše ka ngwana wa Moya wo Mokgethwa,” Modimo Tate ga se a be le selo go dira le yona. Gomme Jesu o rile Modimo o be a le Tate wa Gagwe, gomme re a tseba Modimo o be a le Tate wa Gagwe.

Ka gona, O bile le botate ba babedi; bjale Ke hlabo, nnete go lekanelo. Bjale bonang moo le ikišitšego lenabeng? Bjale:

Ka gona Josefa monna wa gagwe, e le monna wa go loka... a sa rate go mo dira mohlala wa phatlalatša, o be a nagana go mo tlogela ka sephiring.

Eupša ge a be a sa nagana ka dilo tše,...

¹⁶⁵ Elelwang, o be a le monna wa go loka, bjale. Gomme seatla sa Morena ke seatla boka bjale; bona ba ba kgethetšwegopele ba tla se swara. Le a bona?

Eupša ge a be a sa nagana ka dilo tše, bonang, morongwa wa Morena o bonagetše go yena torong,...

A le latela ka Beibeleng ya lena? [Phuthego e re, “Amene.”—Mor.] Go lokile.

... a re, Josefa, wena morwa wa Dafida, se boife... go itšeela Maria mosadimogatša wa gago: gobane seo... se imilwego ka go yena ke sa...

¹⁶⁶ “Modimo Tate”? A ke badile yeo ka phošo? [Phuthego e re, “Ee.”—Mor.] Nnete ke dirile. “Seo ke se se imilwego ka go yena,” ga a na le selo go dira le Modimo Tate, ke “Moya wo Mokgethwa.” Gomme bjale re a tseba gore Modimo o be a le Tate wa Gagwe. A yeo ke nnete? [“Amene.”] Kafao ke eng? Moya wo Mokgethwa ke Moya wa Modimo, ka nnete. Bjale le o hweditše. Le a bona?

¹⁶⁷ Modimo Tate le Moya wo Mokgethwa ke Motho yo a swanago, goba O be a na le bopapa ba babedi. Gomme ka gona ke motho wa mohuta ofe—ofe o mo direlago? Ke mohuta mang wa Modimo le nago nae bjale? Le a bona? Le a bona? Modimo Moya wo Mokgethwa, le Modimo Tate, ke Moya wa go swana mong.

*Gomme o tla belega morwa,... (Moisa yo fa)...
gomme wena o tla bitša leina la gagwe...*

Eng? [Phuthego e re, “JESU.”—Mor.] “Leina la Gagwe!” [“JESU.”] Bjale elelwang.

... leina la gagwe JESU: gobane o tla phološa batho ba gagwe bakeng sa... go tšwa dibeng tša bona.

Bjale se sohle se dirilwe, gore go ke go phethagale seo se boletsnego ke Morena ka moperfeta, go yo Lentšu le tlogo go yena, la re,

Bonang, kgarebe e tla ba le ngwana, gomme e tla belega morwa, gomme ba... bitša leina la gagwe Imanuele, leo le hlathollwago, Modimo o na le rena.

¹⁶⁸ Leina la Modimo ke mang? Leina la Tate ke mang, Morwa, Moya wo Mokgethwa? [Phuthego e re, “JESU.”—Mor.] Beibele e rile JESU e be a le Leina la Gagwe.

Ka gona moisa mo o leka go e ngangiša gatee, mo ka tabarenekeleng, o rile, “Ngwanešu Branham o nyokanyokile go tšwa go tšona tšohle, eupša a ka se ke go ye.” O rile, “Mo go

laetša batho ba bararo ba go fapana, tlwa, ka phethagalo.” O rile, “Mateo, tema ya 3! Johane šo o be a eme, a rera; Morwa šo o etla, a sepela godimo go kolobetšwa. O ile ka meetseng, a kolobetšwa ke Johane; o boetše morago go tšwa ka meetseng. Gomme, ‘Bonang,’ o rile, ‘magodimo a bulegile go Yena.’ Gomme o rile, ‘Go theoga go tšwa Legodimong go tlie Moya wo Mokgethwa, boka leeba le theoga. Gomme Segalontšu go tšwa Legodimong, se re, “Yo ke Morwa moratwa wa Ka, yo ka go yena . . .” Batho ba bararo ba go ikema, thwi ka nako e tee.” Oo, nna!

¹⁶⁹ Ya. E no ya go laetša gore batho ntle le kolobetšo, gomme a se a biletšwa go ofisi ya—ya mo—mo modiredi, ga a na le morero wa go ba ka phuluphithing. Seo ke therešo.

Nka—nka—nka kgona go tšea motho yoo, bjale, ka thušo ya Modimo, le go ba tlema ka lehutong le le bjalo o tla dira hlogo ya bona go thutha. Lebelelang, ga ke kgathale se . . .

E sego, ga ke re “Nna.” Seo ga se kwagale gabotse. Ntshwareleng. Ke be ke sa re seo, Morena. Ga se ka dira, bjale. Ke Mo kwele a ntłhola ka seo, le a bona, kafao ga se ke re go e bolela ka tsela yeo. Ke—ke maswabi. Ke a dumela gore Moya wo Mokgethwa o kgona go utolla go motho yoo sephiri tsoko. Seo se kwagala bokaone. Mmm.

¹⁷⁰ Go no swana le go beakanya sedirišwa, ge o dira se sengwe sa phošo. Gomme o ka kgona go e bolela, bjalo ka Mokriste, o boletše se sengwe sa phošo. O be a sa rate seo. Le a bona, seo se be se mpea ka fale. Le a bona? Ga ke mo seswantšhong, le gatee. Ke no . . . ebile ga ke nyake go ba nnamong goba selo. Feela Yena, a nke A dire mošomo. O dira go galagatša. Phalafala ke semumu; segalontšu ka morago ga yona, ke sona seo se fago modumo.

¹⁷¹ Bjale, lebelelang mo. Monna o hlathollotše Lentšu ka phošo. Le a bona, Ke . . . Eelwang, “E utilwe go mahlo a ba bohlale le ba tlhaologanyo; e utollotšwe go masea.”

Bjale, šo Motho yola yo motee, Jesu Kriste, o eme lefaseng. Bjale, magodimo; nnete, mafaufau šeao godimo. Bjale šetšang, “Gomme Johane o beile bohlatse . . .”

¹⁷² Bjale monna yola o swanetše go re, “Modimo Tate šo; gomme Modimo Moya wo Mokgethwa šo, boka leeba; gomme Modimo Morwa šo; go dira batho ba bararo.” E fošagetše.

¹⁷³ Johane, a eme morago *mo*, o tsebile *ye* e be e le Kwana. Johane o rile, “Ke bea bohlatse, go boneng Moya wa Modimo boka Kwana . . .” Modimo Moya *šole*, boka leeba, ke ra. Bjale go na le selo sa go swana ke se boletše bosegong bjo bongwe, le a bona; sebakeng sa makgološupa, mo—. . . Le a bona? Moya wa Modimo! Ye e be e le Kwana *mo*. Gomme Moya wa Modimo, Leeba, e be e le Modimo. “Moya wa Modimo o fologa go tšwa Legodimong. Gomme Segalontšu go tšwa Legodimong, se re, ‘Yo ke Morwa moratwa wa Ka, Ke kgahlwago ke go dula ka go Yena.’”

“Maatla ohle ka Legodimong le lefaseng a filwe ka seatleng sa Ka.” Le a bona? Le a bona? Le a bona? Yoo ke Yena. Bjale Leina la Gagwe e be e le eng? [Phuthego e re, “Jesu.”—Mor.] Nnete. Le a bona?

¹⁷⁴ Kafao, ge go etla go teori ya bothrinithi, ya go ba boModimo ba bararo ba go fapania, bjoo ke bohetene! Seo ga se nke sa rutwa ka Beibeleng. Ga se ya ke ya rutwa ka go Molaetša wa tau, eupša e ile ya bewa ka go wo o latelago, e bego e le molwalekriste. Botšiša e ka ba mang o nyakago, moithutamodimo e ka ba ofe. Yeo ga se nke ya ke ya tla, feela ka thuto ya Banikolaite. Fale ke gobaneng e tšwile ka Martin Luther; ke ka lebaka leo e tšwetšegopele ka John Wesley; gomme ya tšhologela pele tlase ka go Mapentecostal.

¹⁷⁵ Ka letšatši leo Pentecostal e tšwetšego ntle, ba bile le sa “Jesu Feela” sehlopha. Bjale, eo ke phošo gape. Jesu a ka kgona bjang go ba Tate wa Gagwe Mong? Le a bona? Kafao e rotlela seo ntle.

¹⁷⁶ Eupša fao go swanetše go ba nako ya ntšhu e etla. Le a bona? Yeo ke nako ye E swanetše go otlollela ntle diphiri tšeо tšohle. Le a bona?

¹⁷⁷ “Tate, Morwa, le Moya wo Mokgethwa” ke dithaetlele tša Morena Jesu Kriste. Šetšang, tšohle boraro bja tšona! Mateo o rile, “Tate, Morwa, Moya wo Mokgethwa.” Petro o rile, “Morena Jesu Kriste.” Tate ke mang? “Morena o rile go Morena wa ka, ‘Dula Wena ka seatleng sa Ka se setona.’” A yeo ke nnete? Tate; Morwa, Jesu; Moya wo Mokgethwa, Logos yeo e tšwilego go Modimo. “Tate, Morwa, Moya wo Mokgethwa” ka go felela ke dithaetlele tše tharo tša Motho wa Modimo a bonagatšwa ka go-ka go-ka go ditsela tše tharo tša go fapania, goba ditholanakgopololo tše tharo tša Yenamong.

¹⁷⁸ Gomme go e dira molaleng, go yo mongwe yo a ka se kwešišego, go swana le diofisi tše tharo tša Modimo wa go swana. Gabotse, ke ditholanakgopololo tše tharo tša Modimo wa go swana. Modimo o dira ka boraro, go fapania; ka tlase ga Botate, ka tlase ga Bomorwa, ka tlase ga lebaka la Moya wo Mokgethwa. Modimo o phethagetše ka boraro. Le elelwa nomoro ya molwalekriste, nne? Le a bona? Modimo, “Tate, Morwa, le Moya wo Mokgethwa,” ka go felela ke “Morena Jesu Kriste.”

¹⁷⁹ Ge o kolobetša, Leina la “Jesu” feela, yeo ke phošo, feela leo, “Go go kolobetša ka Leina la Jesu,” seo ke phošo ka go felela. Ke tlwaelane le boJesu ba bantši. Gobaneng, dinaga tša Selatini ditletše ka bona, boJesu.

¹⁸⁰ Eupša yo ke “Morena Jesu Kriste,” o bolela tlwa Yena ke Mang.

¹⁸¹ Go na le boBranham ba bantši, ge o nyaka go bolela ka nna ka sebele, eupša ke nna—ke nna yo motee William Marrion Branham. Yoo—yoo ke nna. Eupša go na le boWilliam Branham ba bantši, le go ya pele, go dikologa.

¹⁸² Eupša se ka go hlaka se bitša Motho o motee, Morena Jesu Kriste, le a bona, Yena motlotšwa. Go na le yo Motee feela wa bona. Bjale, yeo ke therešo.

Kafao ge go na le bokgole bjo bo itšego bja seo, le ngwala lengwalo goba se sengwe, goba—goba nako ye nngwe ge ke le dipotšišong tše dingwe. Ke nyaka go leka go hwetša se, gore ke kgone go bona ge re ka kgona go hwetša ba bangwe ba batho ba ba babjago bao ba tlaišegago, ba rapeletšwe.

184. Ngwanešu Branham, ge potšišo ye e se—e se ya swanelo, e sa swanele ka go...o se e arabe. (Seo ke se sebotse. Ke a se leboga.) **Ke bana bafe—ke bana bafe ba yago ka go Tlthatlogo, ge eba e ka ba ofe yo monnyane? Ke a le leboga.**

Ga se ba ke ba saena leina. Bjale, ge o sa dire, ga go bohlokwa.

¹⁸³ Eupša, lebelelang. Ge Modimo a bea leina godimo ga Puku ya Kwana ya Bophelo pele ga motheo wa lefase, ga go selo lefaseng se ka kgonago go le phumola, gobane le ngwadilwe ka enke ya Madi a Kriste. Le ka ba bogolo *bjo*, bogolo *bjoo*, goba bogolo *bjola*, goba e ka ba eng le ka bago, le no ya go swana. Le a bona? Bana bohle, Kereke yohle, se sengwe le se sengwe se lego gona, ke... Modimo, ka tsebelopele ya Gagwe.

¹⁸⁴ Bjale, ga re tsebe. O re, “Ngwanešu Branham, a o ka kgona go netefatša gore o fao?” Aowa, mohlomphegi. Nka se kgone go e netefatša. Modimo a ka kgona go ntšhomisa bakeng sa sedirišwa sa se sengwe gape, le go go šomiša ka tsela ya go swana. Eupša ke a dumela, gomme ka tumelo, ke phološitšwe. E sego ke phološitšwe ka tsebo; ka tumelo! Yeo ke tsela ye o phološitšwego. Yeo ke tsela ye bohle re phološwago.

¹⁸⁵ Eupša, elelwang, Modimo ke mohlokamagomo. A le dumela seo? Mohlokamagomo! Gabotse, go beng mohlokamagomo, seo se Mo dira... Gomme, gona, ke Yena motsebatšohle. A le dumela seo? *Motsebatšohle* go ra gore “O tseba dilo tšohle.” A ka se kgone go ba—A ka se kgone go ba motsebatšohle ntle le go ba mohlokamagomo. Le a bona, fao ga se gwa ke gwa ba selo eupša seo A bego a se tseba. O tsebile seboba se sengwe le se sengwe se ka tsogego sa ba lefaseng, le ke makga a mantši gakaakang se tla a ponyago mahlo a sona, le ke mae a mantši gakaakang se tla a dirago, ke bontši gakaakang ohle a ona a tla dirago mmogo. O tsebile mohemo wo mongwe le wo mongwe o tla o hemago, le ke botebo bjo bokaakang o tla yago ka leswafong la gago. Seo ke go hloka magomo.

¹⁸⁶ Bjale, ge A le mohlokamagomo, seo se Mo dira motsebatšohle. A yeo ke nnete? Gomme ge A le motsebatšohle, seo se Mo dira motlalagohle, ka baka la gore O tseba feela tlwa motsotso, iri, nako, go ya go molokoloko wa dikete tše masometlhano tlhano tša motsotswana, go ge e eya go direga. Le a bona? Le hwetša kgopololo bjale? Gona, O tseba dilo tšohle.

Gomme ke ka baka leo A nago le maatla ohle, o tseba dilo tšohle, le go kgona go dira dilo tšohle.

¹⁸⁷ Bjale a re boneng. Bjale, “Le bana bohle bao Modimo . . . Yo mongwe le yo mongwe yoo Modimo . . . Ge ba . . .” Bjale, elelwang, ke neng Jesu . . . Beibebe e rile . . .

¹⁸⁸ Bjale re a tseba gore Jesu o bolailwe e ka ba A.D. 30. A yeo ke nnete? E ka ba, e be e ka ba bogare bja ngwaga, ke a thanka, A.D. 30.

¹⁸⁹ Bjale, eupša Beibebe e boletše gore O hlabilwe pele lefase le ka tsoge la hlolwa. Gomme leina la gago, ge Puku ya Kwana . . . Ge Kwana e hlabilwe, go lopolla Puku ye . . . Sese selo se segolo bjale. Se ka no hlola tutuetšo. Lebelelang. Ge—ge—ge Kwana . . . Bjale elelwang, Beibebe e rile Puku ya Kwana ya Bophelo e ngwadilwe pele ga motheo wa lefase. Gomme leina la gago le beilwe ka gare, le be le le ka go Puku yela ge Kwana e hlabilwe pele ga motheo wa lefase, go lopolla leina le lengwe le le lengwe leo le ngwadilwego ka Pukung yela. Le a bona? Le e hweditše bjale?

¹⁹⁰ Le a bona, ga go selo se tšwilego lenaneong. E šoma feela tlwa boka sešupanako se segolo sa Modimo, le a bona, boka watšhe e sepela thwi go dikologa. Leina la gago le beilwe ka fale pele ga motheo wa lefase, ge Kwana e hlabilwe go lopolla se se bego se le ka go Puku yela. Gomme bjale O tla pele le go tšea Puku yela, go tleleima topollo ya Gagwe.

Ga ke nyake go thoma kua; re ka se tsoge ra araba potšišo ye nngwe lehono. Go lokile. Potšišo:

185. A hele, le letsha leo le tukago ka mollo le tshebela, ke sa go swana?

¹⁹¹ Aowa. Hele, phetolelo ka Beibeleng, ke a dumela . . . Bjale, go na le dirutegi di dutše mo, gomme ke nyaka go hlompha seo. Ngwanešu wa rena Iverson o dutše mo, le Ngwanešu Vayle, le ba bantši ba baena ba ka nnete e lego baithutamodimo. Lentšu le fetoletšwe, *haitese*, le ra “lebitla.” A yeo ke nnete? Lentšu la Segerike bakeng sa lebitla. Eupša Letsha la Mollo ke se sengwe gape. Gobane, godimo ka go Kutollo, “Bobedi, haitese le tšohle, di lahletšwe ka go Letsha la Mollo.” Le a bona? Go lokile. Bjale a re boneng.

186. Ge go se, a Letsha la Mollo, le hele, Kagosafelego?

¹⁹² Aowa, mohlomphegi. Aowa, mohlomphegi. E ka ba eng yeo e hlodilwego ga se ya Kagosafelego. Aowa. Eng kapa eng e hlodilwego . . . Ke ka lebaka leo go ka se be hele ya Kagosafelego. Ge yo mongwe a ka tsoge a go botša gore o ya go swa ka heleng ya ka Kagosafelego, ke nyaka Lengwalo la yona. Le a bona? Ga go na selo se bjalo ka seo.

¹⁹³ Hele e hloletšwe diabolo le barongwa ba gagwe, bakeng sa molwalekriste le batho ba gagwe; yoo e be e le diabolo, diabolo

a apere nama. O hloletšwe seo, go senya. Gomme eng kapa eng yeo e bilego... Eng kapa eng...

¹⁹⁴ Go ne selo se tee feela, le gatee, go tšwa go se sengwe le se sengwe se lego gona, lefase ka moka le se sengwe le se sengwe gape, go ne selo se tee feela sa Gosafelego, gomme seo ke Modimo. Pele go eba athomo, goba dielektrone, goba pele ebile go eba seetša sa khosmiki, dielektrone goba e ka ba eng, O be a le Modimo. Yena ke Mohlodi.

¹⁹⁵ Gomme yeo ke tsela e nnoši o ka bago wa Gosafelego, ke go amogela Bophelo bjo Bosafelego. Lentšu lela la Segerike fale, ke a nagana, ke *Zoe*. A yeo ga se nnete? *Zoe*. *Zoe*. Gomme gona, bjoo—bjoo Bophelo, Modimo o go fa bjona. Bjalo ka ge tate, tatago, a efa bophelo bja gagwe go wena, ka—ka keno ya lenyalo le mme; gomme yena, ka yona, o neela, le—le lethabo la go neela (Ntshwareng.), la go neela ga bophelo bakeng sa morwa. Gomme yeo ke tsela ye Modimo a dirago, thabo ka go fa Bophelo bja Gagwe go morwa. Le a bona? Gomme ka gona o ba karolo ya Gagwe, e lego *Zoe*, Bophelo bja Modimo Mong. “Ke fa go... go bona Bophelo bjo Bosafelego.”

¹⁹⁶ “Ba tsošetša godimo, letšatši la mafelelo.” Seo ke selo se nnoši seo—seo... Le na le Bophelo bjo Bosafelego. Gomme Bophelo bjola Bosafelego bo tseba mmele wa Bjona, gomme bo swanetše go tla pele. Gore bo e kgone... Ga go kgonege go bjona go robala fale. Ge Moya wa Kriste o be o alametše godimo ga mmele, Moya wa Modimo godimo ga Kriste, ka letšatši le legolo lela, o tsebile o tla tsoga gape; go bjalo le bakgethwa ka mmeleng wa bona.

¹⁹⁷ Bjale elelwang. Jesu, ge A hwile, O ile heleng. Gobane, O be a swanetše go ya kua; O be a le mošitišasebe. “Gomme O reretše disoulo tše di bego di le ka heleng, tseo di sego tša sokologa ka go pelofaleng, matšatšing a Noage.” A ke nnete? O ile heleng le go rerela disoulo, disoulo tše di aroganego go tloga go Modimo. *Lehu* le ra “karogano.” Gomme ba be ba arogane go tloga go Modimo, ga se nke ba kgona go bowa gape. Gomme Jesu o ile go bea bohlatse gore O be a le Yena yoo a boletšwego, pe—pe Peu ya mosadi.

¹⁹⁸ Peu ya sephente, le bona se peu ya sephente e se dirilego? Molwalekriste; o tatologela godimo ka go lehu, karogano, pere ye khubedu. Peu ya mosadi, Bophelo, bo felela godimo ga pere ye tšhweu, Jesu Kriste. Le a bona? Ke eng yona? E tee kgahlanong le ye nngwe; peu ya sephente kgahlanong le Peu ya mosadi. Le a e hwetša bjale? Oo, re ka kgona go dula lebakana le lennyane godimo ga seo! A seo se ka se be gabotse? Eupša a re duleng le se.

187. Ngwanešu Branham, a monamedi wa mathomo wa pere, Lehuto la Pele, le phethagatša Bathesalonika ba Bobedi, “kutollo ya motho wa sebe”?

¹⁹⁹ Ee. Yeo ke nnete. Seo se a dira. Seo se bonolo. Seo se a dira. Yoo ke monna wa sebe. Monna wa go swana o no tšwelapele, mo magatong, a nametše go ya pele go fihla a namela pere ye tshehla yeo e bitšwago “Lehu.” Kriste o tla pele go theoga go kgabola, tokafatšo, tlhwekišo, go pere ye tšhweu, gomme bjoo ke Bophelo bjola, le a bona.

188. Go diregile eng ka badumedi ba ba tswetšwego gape ba ba lego ka dikerekeng tša maina tša go fapano eupša e sego ka go Monyalwa wa Kriste? Go direga eng ka bona?

²⁰⁰ Gabotse, ke nagana re hlaloitše seo, nakwana ya go feta. Le a bona? Ba ya ka Tlaišegong. Ba dirilwe mohwelatumelo ka go Tlaišego. Ba tla godimo mafelelong, morago ga Mileniamo, bakeng sa kahlolo ya bona. Le a bona? Ka gobane, Beibele e boletše gore bontši bja baphedi . . . “Bahu ka moka ga se ba ke ba phela go fihla mengwaga ye sekete e fedile.” Ka gona go bile le tsogo, gomme morago gwa tšwelela bobedi, baloki le baseloke, gomme ba ahlolwa ke Kriste le Monyalwa. O tlide lefaseng le bakgethwa ba Gagwe ba dikete tše lesome atiša ka dikete tše lesome. A yeo ke nnete? Monyalwa wa Gagwe.

²⁰¹ Kahlolo e be e beilwe. Dipuku di ile tša bulwa. Dipuku di ile tša bulwa. Gomme Puku ye nngwe e ile ya bulwa, e bego e le Puku ya Bophelo. O arogantše, go tloga fao, dipudi go tšwa go dinku. A yeo ke nnete? Seo ga se be le selo go dira le Monyalwa. O be a eme thwi kua ka kahlolong, le Kgošigadi . . . Kgošigadi le Kgoši, mmogo. “O tlide le bakgethwa ba Gagwe; dikete tše lesome atiša ka dikete di Mo hlanketše,” mosadimogatša wa Gagwe. Morago kahlolo e ile ya bewa, gomme morago dinku di ile tša aroganywa go tloga go dipudi. Le elelwa bošego bjo bongwe, nna ke tliša kolomelo yela ye nnyane, gore le ke le e kwešiše, kolomelo ya lekhapoe? Le a bona? Ke lena bao.

²⁰² Aowa, bona, bao ke bona, ke—ke—ke kereke, batho ba ba lego ka go dikerekemaina, bao ba lego—ba lego Bakriste ba mmapale, bao ba amogelago Molaetša gomme ba ka se tsoge ba O bona. O ka se tsoge wa rerelwa bona. Gomme bao ka mašabeng a go hlakana, ba O reretšwego, O tla ya thwi bokagodimo ga dihlogo tša bona, ntle le ge leina la bona le be le le godimo ga Puku ya Kwana ya Bophelo. Ya. Eupša e tla ba batho ba go loka.

²⁰³ Gomme ba tla tsošwa gape le go fiwa teko, le go ahlolwa ke sona sehlopha seo se ba reretšego. “A ga le tsebe bakgethwa ba tla ahlolwa lefase?” Ba tla rerelwa, le a bona. Ba tla rerelwa, ke bona batho ba go swana ba hlatsetšwego go bona ka Molaetša, go “Tšwang ntle ga wona!” Le a bona? Ke a holofela seo se a e hlaloša. Ke ne tše dintši kudu fa, tše . . .

189. Ngwanešu Branham, a morongwa wa bošupa, ka moyo wa Eliya, monna wa go swana bjalo ka ge Eliya a rometšwego go Bajuda ba dikete tše lekgolo masomenne nne lebakeng

**la mengwaga ye meraro le seripa ka morago ga Tlhatlogo?
Ba bangwe ba rena re hlakahlakane, ka go se.**

²⁰⁴ Aowa. Yena ga a swane. Le a bona, ke banna ba babedi ba go fapania. Elisa yo a tlidego ka sebopego sa Eliya e be e se Eliya. Gomme moyia wa Eliya wo o tlidego godimo ga monna yo a bitšwago Johane Mokolobetši e be e se Eliya. Gomme monna wa motseta morongwa wa bošupa, mafelelong a Lebaka la Laodikia, e ka se be Eliya wa kgonthe. O tla ba Montle, go batho ba gagwe.

²⁰⁵ Eliya o tla dira, goba moyia wa Eliya nako yeo, go tleng ka gare... le go batho fao, o tla ba Mojuda, le a bona, ka gore ba romelwa go batho ba bona beng. Yeo ke kutollo ya ka. Lebaka ke... La Tommy Osborn, ge re boletše seo godimo, nako yeo, Tommy le nna, ga se ka tsoge ka tseba. Ke be ke no rapelela balwetši.

²⁰⁶ Gomme ke tla godimo kua, gomme go be go le mohumagadi o tlide tlase go tšwa Fort Wayne Gospel Tabernacle, moromiwa ka mašemong a šele. Letswele la gagwe e be e le le legolo *bjalo*, le be le nno lewa ke kankere. Gomme o be a le thwi fale ka ntlong ye nnyane moo re bego re dula, godimo fa mo mothalong. Gomme ke rapeletše kgaetšedi morategi. Gomme o fodišitšwe, le go boela tšhemong. Gomme ge... O tšwa Afrika. Gomme o be a tlogetše puku ye nnyane fao, ya dimišene.

²⁰⁷ Ke—ke naganne, “Gabotse, baromiwa ba lokile.” Gomme nna ke... ga se nke ka nagana kudu ka boromiwa. Gomme ka fao ka gopolia, “Go lokile, e no ba ofisi ya Modimo ntle kua. Kafao yeo ke... Le ke lefelo la ka thwi fa, go Eighth and Penn Street.” Kafao ke be ke no tšwelapele bokaone bjo ke kgonnego.

²⁰⁸ Eupša letšatši le lengwe, ke dutše ka go ithuteng, ke topile puku yela. Gomme e bile le seswantšho sa—sa morafe wa Monegro, tate yo mogolo wa kgale, gomme o be a ne ntikodiko ye nnyane ya moriri. Gomme ka tlase go be go ngwadilwe ka mokgwa wo, “Motho yo mošweu, motho yo mošweu, tatago o be a le kae? O a bona, bjale ke tšofetše le go fifala monaganong, gomme ga ke kwešiše gabotse kudu. Ge nkabe ke tsebile Jesu ge ke be ke le lesogana, nkabe ke Mo išitše go batho ba gešu.” Gabotse, ke e badile.

²⁰⁹ Gomme Sengwe se no tšwelapele se re, “E bale gape. E bale gape.” Ke tšwetšepele go bala. Oo, le bile le tšona dinako. “E bale gape le gape. Go na le se sengwe ka fale.”

²¹⁰ Go swana le godimo kua letšatši lela ka Green’s Mill, ge ke tšwela ka ntle ga lewa. Ga se ke kgone go kwešiše seo, ka fao batho ba kgonago go bolela ka maleme le go goelela, le ka Moya wo Mokgethwa wa mmapale, gomme ba sa le molwalekriste. Ba bolela ka maleme, Moya wo Mokgethwa wa mmapale o bolela ka maleme, gomme a sa le diabolo. Yeo ke nnete. Nka netefatša seo go lena. Ee, ka kgonthe. Gomme gona hlokomelang... ge ba eme fale.

²¹¹ Kafao, maleme ga se bohlatse bja Moya wo Mokgethwa. Ke ye nngwe ya dimpho tša Moya wo Mokgethwa. Le a bona? Gomme diabolo o kgona go ekiša se sengwe le se sengwe A nago naso, phodišo Kgethwa le se sengwe le se sengwe gape.

O rile, “Ba bantsi ba tla tla go Nna letšatši leo, gomme ba re, ‘Morena, a ga ka lelekela bodiabolo ntle? A ga ka . . .’” Yeo ke go rera Ebangedi. “A ga se ka dira mediro ye maatla Leineng la Gago, le dilo tše tšohle kua?” Ke tla re, ‘Tlogang go Nna, lena badiri ba bokgopo. Ebile ga se ka le tseba.”

²¹² Beibele e boletše, gore, “Pula e nela godimo ga baloki le ba ba sa lokago, go swana.” Gomme mogomarelakgapana wa go swana, o eme ka tšhemong ya korong kua, o ka thaba le go goelela, ka meetse a go swana ao a welego godimo ga gagwe, bjalo ka ge bobedi a rometšwe go pula. “Eupša le ba tseba ka dikenya tša bona.” Mogomarelakgapana wola wo monnyane wa kgale o ka kgona go ema godimo kua, le go no thaba le go goelela ka mo a kgonago go ba, go no tlala pula ya go swana yeo korong e lego.

²¹³ Ke lena bao. Kafao ba ka goeletša, ba bolela ka maleme, gomme ba ekiša se sengwe le se sengwe ba nyakago go; ka letšatšing leo, ba bitšwa, “Badiri ba bokgopo.”

²¹⁴ Bjalo ka ge ke le boditše, lebakana la go feta, theetšang se ke se bolelago! Theetšang sekgauswi. Lebelelang morago fase, itekole wenamong le Lentšu gomme o bone moo o lego.

²¹⁵ Lena basadi le nago moriri wo mokopana, o leseng o gole. Le apara dišothi; di hloboleng. Itshware boka mohumagadi. Lena banna le sa kgogago disekerete, gomme le kitimela go holo tša metšhene, e emišeng. Ga ke tshwenyege gore o ipolela kudu bjang. Ge o sa swareletše mokgatlo wola, gomme wa re, “Wo ke Wona, gomme wo ke Wona,” bokaone ema. Lebelela morago fase, e hlahlobeng le Lentšu. Re ya thwi ka ntle ga . . .

²¹⁶ Re be re swanetše go phela ka godimo ga moriri wo mokopana le tšohle. Lebaka le bjale, re morago ka go Selo se sengwe bjale, gore Modimo o utolla diphiri tše di utilwego, di beilwe godimo ga Puku pele ga motheo wa lefase. Gomme bao ba obametšego ka go dilo tše dinnyane tše, ba tla E swara ka go dilo tše dingwe tše. Ge ba se ba, E tla ya bokagodimo ga ntlhora ya hlogo tša bona, bokgole bjo bohlabela bo lego go tloga bodikela. E tla no . . .

²¹⁷ Boka Gideone, a aroganya banna ba gagwe. Go be go le dikete le sekete. Modimo o rile, “Bao ke ba bantsi kudu. Ba aroganye gape.” O ba fa moleko wo mongwe. Gomme, “Ba aroganye gape. Ba aroganye gape.” Gomme go ya pele go theoga, go fihla a bile le go tlala seatla gannyane. O rile, “Seo ke sehlopha se Ke nyakago go dira mošomo.” Seo ke tlwa se diregilego.

²¹⁸ Basadi ba Pentecostal (go ya morago le pele) ba dutše fale, ba ekwa le go tseba, ka Lentšu, seo se fošagetše. A o nagana ba tla kgonana le Lona? Aowa, mohlomphegi. Ngwaga wo mongwe

le wo mongwe, ge ke feta kgauswi, go na le bontši ka moriri wa go kotwa go feta o bile ge ke be ke thoma.

²¹⁹ O rile, “Seo se swanetše go dira eng . . . O swanetše go . . .” Yo mongwe o rile, “Gobaneng, Ngwanešu Branham, batho ba go tše bjalo ka moprofeta.”

Bjale, ga ke re ke be ke le moprofeta. Ga go yo a nkhwago go bolela seo. Eupša ke tla bolela se, gore ge—ge o dirile sela, ge o e hlomphha . . .

O rile, “Gobaneng o sa rute batho ka fao ba ka amogelago Moya wo Mokgethwa, le ka fao ba ka hwetšago *se*, le ka fao ba ka hwetšago dimpho tše kgolo tša semoya le go thuša kereke?”

Nka kgona bjang go ba ruta dipalontshetshere mola ebile ba ka se theetše diABC tša bona? Yeo ke nnete. Dirang tše dinnyane tše. Theogela fale mo botlaseng gomme o e thunkanye, gomme o thome gabotse. Amene. Go lokile.

²²⁰ Ke be ke bolela ka eng, go le bjalo? A re boneng. Ga se ke re go tlogela taba yeo. Ntshwareleng, le a bona. Go lokile. “Ba bangwe ba . . . ba bangwe ba rena ba hlakahlakane. A Eliya o swana le . . .” Ya, uh-huh, yeo ke nnete.

Aowa. Eliya yo a tla tlago go Bantle, o tla ba motlotšwa wa Montle ka moya woo, gobane Modimo o šomišitše moya wola wa go swana go ntšha batho ba Gagwe ka go tlhakahlakano nako le nako. Gomme e dirile morero wa Gagwe gabotse, kafao O tla thwi morago tlase gape. Gobane, le a bona . . .

Gobane, bjale, ge A šomiša wa go natha, wa go rutega, yoo ke mohuta wo o tla o swarago.

²²¹ O tliša monna yo a sa tsebego le boABC ba gagwe, gomme ga a kgone go hlaboša mantšu a gagwe gabotse, le se sengwe le se sengwe boka seo; selotsoko sa lešoka sa kgale le sengwe ntle mošola felotsoko, gomme o O tliša ka gare le go kgoromeletša thwi fase go batho bale ba monagano wo bonolo. [Ngwanešu Branham o thwantšha monwana wa gagwe gatee—Mor.] Gomme ba a O hwetša, ka mokgwa woo. Ba a O hwetša, le a bona. Ge O etla, le kholoro . . .

²²² Boka Paulo a rile, “Ga se ka tla go lena ka go natha ga thuto, eupša ke tla go lena ka Maatla a tsogo.” Go tšere Modimo mengwaga ye meraro le seripa, tlase ka Arabia fale, go e rothotha go tšwa go yena, thuto ya gagwe. Go tšere—go Mo tšere mengwaga ye masomenne go e tloša go Moshe. Le a bona? Kafao ke lena bao. Yeo ke . . .

Ga ke re Modimo ga a . . . Ga ke thekge go se rutege bjale, eupša ke—ke leka go le botša le se tšee . . . Thuto ga e . . .

²²³ Bohlale bja lefase le bo kgahlanong. Thuto e bile tšhitio ye kgolokgolo yeo Ebangedi e kilego ya ba le yona. Ge re ka be re se ne thuto, re ka be re se ne diseminarí tše kgolo tše le dilo tše re nago tšona bjale. E tla ba batho, ba go nagana bonolo, ba ba

tla theetšago Lentšu. Eupša ba nathile le go hlakahlakana, le go swinelela godimo ntle kua, le ge, yona mekgatlo, go fihla gore ba ya go dula le yona. Ke phetho. Ba tsea moyo woo. A o kile wa tsea mosadi yo mokaone, wa mo nyadiša go monna wa fasefase? Monna yola wa fasefase e ka ba ofe o ba mo—mo monna wa go loka boka mosadi a le, goba mosadi o ba fase go swana le ge a le. Le a bona? Yeo ke nnete.

²²⁴ Ke ka baka leo A rilego, “Tšwelang ntle go tšwa magareng ga bona, ge Ke lokela go tsea Tlhatlogo yela.” O swanetše go ba le mohuta tsoko wa tumelo woo o tla go ntšhago fa.

190. Kgwerano e be e le neng, ya Daniele 9:27, e tiišeditšwe beke?

²²⁵ Seripa se tee sa yona se tiišeditšwe, kgwerano, ge Jesu Kriste a be a le lefaseng a rerela Bajuda. Ga se nke a ya go Bantle, le gannyane. Gomme O boditše barutiwa ba Gagwe, “Le se ye go Bantle.” Seo e be e le go Bajuda, ba nnoši. Le a bona? Gomme O rerile lebaka la mengwaga ye meraro le seripa. Yeo ke seripa sa beke ya bomasomešupa, bjale, bjalo ka ge Daniele a boletše O tla dira.

²²⁶ Bjale, le a elelwa, O be ka thata a hlatsetšwe ke Mojuda. Eupša mahlo a bona a be a foufaditšwe, go tliša ka gare sekgalisa Bantle. A ga le kgone go bona lenaneo ka moka? Le a bona? Gomme O inetefaditše ka Boyena, moprofeta, o dirile feela tlwa se moprofeta a bego a tla se dira, a ba laetša leswao la moprofeta. “Yeo, Lentšu la gago mong le rilego, ‘Ge motho a re ke wa semoya, goba moprofeta, šetša se a se bolelagoo; gomme ge go etla go phethega, e no tšwelang pele le etla go phethega, se a se boletšego, kgafetšakgafetša.’”

²²⁷ Go swana le, o lebelela ka Beibeleng, e rile, “Kokotang, go tla bulwa; nyakang, le tla hwetša; kgopelang, le tla fiwa.” Bjale, ge le ka hlokomela, ke “kokota.” Feelia go kokota kgafetšakgafetša. [Ngwanešu Branham o kokota phuluphithing kgafetšakgafetša—Mor.] Dula thwi fao. Boka moahlodi wa go se loke, a se a arabe mosadi; o nno tšwelapele a kokota lebating la gagwe. E re, “Ke seatleng sa Gago.” E sega go nyaka, o re, “Morena, ke tla rata go ba le se. Amene.” Seo ga se sona. Dula thwi fao go fihla o se hwetša. Le a tseba se ya go tla. Kafao, O se tshepišitše, kafao nno dula thwi fale go fihla o swareletše go sona. Le a bona?

Bjale, bjale, ka go karolo ya mafelelo, beke ya bomasomešupa, karolo ya mafelelo ya yona e tla ba nakong ya sekga sa Tlaišego, ka morago ga Tlhatlogo ya Kereke. Gona še mengwaga ye meraro le seripa fa, gore e tla tiišetšwa go bona gape ke baprofeta, le a bona, Moshe le Eliya, Kutollo 11. Bjale a re boneng se ye e lego:

191. Ge o le yo mongwe wa bakgethiwa ba Gagwe, a o tla ya godimo ka go Monyalwa? (Ee. Uh-huh. Ee, mohlomphegi. Seo se bonolo.)

192. Ngwanešu Branham, a o be o e ra go bolela dikete tše šupa ba sego ba kwatamiša letolo la bona go Baalim, goba makgolo a šupago?

²²⁸ Dikete tše šupa, ke ra go bolela. Ntshwareleng bakeng sa seo, le a bona. Feel... E no ba mo—mo mokgwa wa polelo. Ke be ke no... .

Boka, ke boletše nakwana ya go feta. A le lemogile nna ke eme fa, ke rile, “Gomme—gomme ba beile bohlatse, go boneng Kwana...”? Le a bona? Le a bona? Kwana e be e le lefaseng. Le a bona? “O beile bohlatse, go boneng Moya wa Modimo o etla godimo ga Kwana.”

²²⁹ Bjale, ka kua, e rile, “Yo ke Morwa moratwa wa Ka, Yoo Ke kgahlwago ke yena.” Le a bona? Bjale, seo se ngwadilwe ka sebopego sa kgontha sa Segerike, go bea lediri pele ga lehlathi. Eupša le hlokomela mo, gabotse e be se. Bjale e nong go tše Lentšu, le a bona. Beibele e re, ka go phetolelo ya Mokgethwā Jakobo mo, “Yo ke Morwa moratwa wa Ka, Yoo Ke kgahlwago ke go dula.” Eupša, gabotse, ge re ka e bolela boka re bolela lehono, “Yo ke Morwa moratwa wa Ka, Ke kgahlwago ke go dula ka go Yena.” O tla e retolla go dikologa, le a bona. Le a bona? “Yo ke Morwa moratwa wa Ka, Yoo Ke kgahlwago ke go dula ka.” Le a bona? Bjale, re tla e bolela lehono, “Yo ke Morwa moratwa wa Ka, Ke kgahlwago ke go dula ka go Yena.” Le a bona, lentšu la go swana, go no le retolla go dikologa. Le a bona?

²³⁰ Bjale, ee, ke be ke era... Ntshwareleng, hle. Ke... Gomme—gomme, baena, lena go theipi ntle kua, le bagwera, theetšang. Ga se ke re go bolela seo ka mokgwa woo. Ke—ke—ke nna modiredi wa Ebangedi. Nna, makga a mantši bjalo ka ge ke rerile seo, ke tsebile e be e le dikete tše šupago. Ke nno direga go bolela makgolo a šupago. Ga se ke re feela makgolo a šupago. Ke be ke e ra, le... Ke nno se e bale go tšwa Lengwalong. Go no tla monaganong wa ka ge ke be ke sa bolela, gomme ke nno re makgološupa sebakeng sa dikete tše šupago. Ke dira tšona diphošo nako yohle. Ka nnete ke—ke mpara, kafao ntshwareleng. Le a bona? Ga se ke re go dira seo.

193. A Monyalwa wa Kriste, le Mmele wa Kriste, sa go swana?

²³¹ Ee, mohlomphegi! Le a bona? Bjale, fa, bjale bonang, ga ke nyake go thoma go yona, gobane ke hwetša the-... rera therō ka yona, le a bona. Eupša nka se dire seo. Eupša ke nyaka go le bontšha. Ge Modimo a file Adama monyalwa wa gagwe, go tšwa lehlakoreng la gagwe, o rile, “Ke nama ya nama ya ka, le lerapo la lerapo la ka.” A yeo ke nnete?

²³² Ge Modimo a file Kriste Monyalwa wa Gagwe, Moya o file nama Monyalwa, O ile a thubolwa, a hlabiwa lehlakoreng ka tlase ga pelo ya Gagwe, gomme meetse, Madi, le Moya, di tšwile; yoo bile “nama ya nama ya Gagwe, le lerapo la lerapo la Gagwe.”

Ke rena nama le marapo; Monyalwa e tla ba nama le marapo a Kriste, tlwa. Ke bona . . . Yoo ke Monyalwa wa Gagwe.

194. A Monyalwa wa Kriste o tla ba . . . ? A Monyalwa wa Kriste o tla ba le bodiredi pele ga Tlthatlogo?

²³³ Nnete. Seo ke se se diregago thwi bjale, le a bona, Monyalwa wa Kriste. Ka nnete. Ke Molaetša wa iri, le a bona, Monyalwa wa Kriste. Nnete. O bopilwe ka baapostola, baprofeta, barutiši, baebangedi, le badiša. A ke nnete? Ÿoo ke Monyalwa wa Kriste. Nnete. O na le bodiredi, bodiredi bjo bogolo, bodiredi bja iri. Bo tla kokobela kudu.

²³⁴ Bjale elelwang. Ke ba bakae ba bego ba le mo, la mathomo, ge ke . . . ? Lamorena la go feta, le a bona, le elelwang se ke rerilego ka sona? Boikokobetšo. Oo, le se lebale seo. Ke ya go ema motsotso, go sebotša seo gape. Elelwang, ge Modimo a akanyetšapele e ka ba eng se segolo go direga, batho ba lebeletše kgole kudu, ka bohlale bja bona, go fihla ba hlaiwa ke se se diregago. Ge Modimo a bolela eng kapa eng ke se segolo, lefase le a se sega. “Sehlopha sela sa dišilapuleng!” Seo ke therešo.

Eupša ge lefase le legolo, le kereke ye kgolo ya godimo, e rile, “Saatena, seo ke letago!” Modimo o re, “Sehlopha sa dišilapuleng!” Ka fao, le a bona, le swanetše go hlokomela. Ga ke e re mohlomongwe ka tsela yeo, tlwa ka tsela yeo, eupša yeo ke tsela ye e lego.

²³⁵ Lebelelang! Mo go be go le ye kgolo, kereke ya Orthodox ye kgethwa, “Re tseba Lentšu. Re na le dikolo. Re na le diseminari. Re na le monna wa rena a nathilego kudu! Gobaneng, lebaka la makgolo a mengwaga re bile go botega go Jehofa. Ke rena Kereke. Ke rena Sanhedrin. Re na le Khansele ya Dikereke mo. Bobedi Baifarisei le Basadutsei, le dikereke tšohle tša maina, ba kgobokana godimo mmogo,” boka re hwetša. Le a bona? “Bohle re ka go e tee, kha—kha Khansele ya kereke. Ke rena dikakapa. Re tseba Lengwalo lela. Ke eng yo monnyane, mothaka wa go hloka tsebo tlase kua nokeng, ka maledu a lekeletše godimo ga sefahlego sa gagwe, le seripa sa mokgophwa nku, a re botšago?” Ka kgonthe, ba be ba ka se O theetše.

²³⁶ Eupša Beibele e rile, ka go Maleaki ya 4 tem- . . . goba tema ya 3, “Ke tla roma motseta wa Ka pele ga sefahlego sa Ka, go Ntokisetša tsela.” Makgolosupa le lesomepedi la mengwaga pele ga fao, Johane . . . Oo, moprofeta yo mogolo wa Jesaya o eme fale, gomme a re, “Fao go tla ba lentšu la yo motee a goelelago ka lešokeng, ‘Lokišetšang Morena tsela, gomme le dire tsela ya Gagwe go otlologa.’” Yeo ke mneta. Gomme o rile . . . le Daf . . . Oo, bontši bja bona! O rile, “Lefelo le lengwe le le lengwe la godimo le tla tlišwa fase.”

²³⁷ Oo, ba rile, “Go tla ba . . . Ge monna yo a etla, o tla šupa monwana wa gagwe, gomme o tla šuthiša dithaba. Oo, le mafelo ohle a tlase, mekoti, e tla tlišwa godimo. Gona ohle, ao ke mafelo

a makgwakgwa ohle, a tla ritelwa. Ngwanešu, re tla bjala mabele ka tšhemong ye nngwe le ye nngwe go dikologa fa. Gomme, oo, re ya go dira dilo tše kgolo ge monna yo a etla.” Le a bona?

²³⁸ Ba be ba letetše Modimo go tšeа mokerenke le go o retollela pele, go tliša mekgolokgotha fase, a re, “Theogela tlase, wena pulamadibogo ye kgolo ya Mesia wa Ka.” Gomme ka gona ka pela ge a sepetsé, ba e gogela morago godimo, gomme bodiredi bja gagwe bo fedile. Ba e rotlela fase gape, le go e bea thwi fase fa ka thoko ga seminari, gomme a re, “Go lokile, Morwa moratwa wa Ka, sepela tlase gomme o ba botše.” Le a bona? Oo, nna!

²³⁹ Lebelelang, ge a etla kgauswi. E ka ba eng e diregilego? Mo go tla monna yo a bego a sa tsebe le setee sa dikolo tša bona. Ebile o be ba se ne karata ya kopanelo. Oo! O be a se ne ditshwanelego. Aowa. Ga go yo a kilego a tseba gore o kile a ya sekolong letšatši ka bopheleng bja gagwe. O be ebile a sa kgone go e bolela ka polelo ya gagwe. Ebile ga se a bolela ka mabaka a... a mmoledi. O boletše ka disephente, dilepe, le lešoka, le—le—le dilo boka tšeо, le a bona, mehlare. Ga se a bolela ka mabakeng a peakanyo ya kereke ya letšatši, goba letšatši le goba e ka ba lefe letšatši le lengwe.

²⁴⁰ O tla “mafarahlahla” boka re e bitša fa ka Indiana. O tšwa dithokgweng tsoko felotsoko. Ebile o be a se a beola, le moriri o eme ntle godimo ga hlogo ya gagwe. Ga ke eleletše o hlapile; gatee dikgwedi tše dingwe le tše dingwe tše pedi goba tše tharo. Nnete. Ga sa nke a ke a apara dipitšama bosegó. Ga se nke a ke a namela koloi. Ga se nke a ke a hlapa meno a gagwe. Oo, nna! A mothaka yo a bego a le! Ka kgonthe aowa.

²⁴¹ Šo o a tla, a gatela go theoga go kgabola lešoka, ka mokgwa woo, o rile, “Ke nna segalontšu sa yo a goelelago ka lešokeng. Lokišetšang Morena tsela, gomme le otolle tsela ya Gagwe!”

²⁴² Ba bangwe ba barutiši ba eme gomme ba rile, “Huh! E re, moisa, a o na le ya gago...? Re ka se kgone go dirišana le wena ka lesolong le. Mo, re ka se kgone go dira se. Gabotse, karata ya gago e kae—e kae? Bo kae boitsebišo bja gago?” O nno ba hlokonomologa. O bile le molaetša, kafao o nno ya pele ka wona, le a bona, a rera feela go swana.

²⁴³ Ba rile, “Gabotse bjale, ema! Gabotse, ge re eya tlase kua, re tla tšeа pišopo tlase, lehono, le go bona se a se bolelagó ka yona. Re tla ya tlase kua ge re tseba. Tšeо ke dihlogo tša kereke. Gomme re a tseba gore o tla swanela go lemoga seo. Ge a le wa Modimo, o tla lemoga dipišopo tša rená.”

²⁴⁴ Ba ba bea bohle tlase fale ka go molokoloko, gomme ba eme fale, bahlomphegi.

²⁴⁵ O rile, “Lena moloko wa marabe! Lena dinoga ka bjanyeng!” Dikholoro di retologile go dikologa, le “botate ba bakgethwa,” le go ya pele. “Ke mang a le seboditšego go tšhabela bogale bjo bo tlago? Le a tseba iri ya lena e batametše. Le se nagane gore... Le

re, ‘Gabotse, ke rena ba *ye, yeo.*’ Ke a le botša, Modimo yo ke mo direlago o kgona go tsoetša Abraham bana go tšwa matlapeng a.” Oo, nna!

²⁴⁶ Bjale eyang le tsee pele morago ga gagwe, go tšwa polelong ya gagwe ya bokerek. “Ke re selepe se beilwe modung wa mohlare! Ka fao mohlare wo mongwe le wo mongwe wo o sa enywego dikenya tše botse o matloetšwe fase gomme wa lahlelwia mollong! Oo, ka nnete ke tla le kolobetša ka meetse, go ya tshokologong, eupša O tla ka morago ga ka. Ngwedi o tla fetoga madi! Gomme o tla...oo, nna, O tla hlwekiša mabato a Gagwe ka go tsenelela! Gomme O tla tsea mo—mo mooko gomme o tla o tshuma ka mollo wa go se time, gomme O tla iša korong sešengong. O tla aroganya ngwang le korong.” Oo, nna! A molaetsa!

²⁴⁷ Ba rile, “Moisa yo? Huh! O be a tla reng, ke—ke—ke nako mang? Oo, go hloka tsebo! Re na le monna thwi godimo kua, Ngwanešu Jones. Ke mothaka a tla dirago seo, ge go na le yo mongwe ka lebakeng le. Pišopo *Semangmang* o tla e dira; Tate yo Mokgethwa *Semangmang*.” Oo, nna! Le a bona?

Modimo mo bonolong, le a bona, a šoma bonolong.

²⁴⁸ Ka gona, selo sa pele le a tseba, o eme kua letšatši le lengwe, gomme o rile, “Ee, O eme magareng ga lena!” O be a na le nnete kudu o be a le mokitimi yola. O tsebile gore o be a le mang. Ke ka baka leo a kgonnego go hlochlora mokgopho go tloga go bona. O rile, “Bjale se roromele, eupša nno ya pele gomme o tšwelepele. Lena mašole, obelang beng ba lena. Gomme ge o dirile bobe e ka ba bofe, tsea seo...”

²⁴⁹ “Re tla dira eng? A re tla tlogela go dira *se*? A re swanetše go emiša go dira *se*?”

²⁵⁰ O rile, “Nnong ya pele boka le le. Tšwelangpele. Tšwelangpele. Eyang pele. Ge eba o godiša matapola, a godiše. Le a bona? Lena masole, le se ke la dira kgaruru. Gomme—gomme le dira se. Gomme e ka ba eng e lego, le no tšwelapele boka le le. Obamelang beng ba leng, le go ya pele.”

“Rabi, re swanetše go dira eng?”

²⁵¹ “Nno tšwelangpele bjalo ka ge le le, leo a bona. Eupša go ne yo Motee magareng ga lena, yoo le sa mo tsebego.” O tsebile seo, iri ya molaetsa wa gagwe. O tsebile o be a swanetše go tsebiša Motho yola. O tsebile O be a le gona. “Yo Motee magareng ga lena! Ga le Mmone. Dilo di ya pele, ga le tsebe selo ka tšona.” Gomme kafao, gona, “Go—go na le se sengwe se yago go direga,” o re, “le a bona, gomme O tla ba fa. Gomme ke tla Mo tseba.”

²⁵² Gomme mafelelong, letšatši le lengwe, o rile, “Bonang, Yena šole! Kwana ya Modimo yeo e tlošago sebe sa lefase!” O rile, “Gomme nako ya ka e fedile bjale. Ke le tsebišitše go

Yena. Ke swanetše go kokobela bjale. Ke swanetše go tloga go lefelotiragalo. O tla tšeа godimo go tloga fa.”

“Mileniamo o tla be o kgatlampana, gonabjale, le a bona, gomme na—na nako e batametše.” Morago ge A etla, ge . . .

²⁵³ Le Johane o rile, “O ya go, oo, O ya go tomola mokgophha. O ya go—O ya go aroganya korong go tloga go—go tloga go mooko, gomme O ya go e tshuma godimo. Gomme O ya go hlwekiša mabato a Gagwe ka go tsenelela, gomme leselo la Gagwe le ka seatleng sa Gagwe!” Eupša O be a le eng? Yo monnyane, wa nthathana . . .

²⁵⁴ Bjale, ba bile le yona e thadilwe yohle, “Oo, motho! O tla ba le lerumo leo le tla fihlago botelele bja maele. O tla ema morago godimo fa ka Palestina, go no ema godimo fale le go no . . . go le lengwe la maru a mašweu, le go topa godimo Baroma ba bohle, ka mokgwa *wo*, le go ba lahlela ka heleng. Go no tšwelapele go dira ka mokgwa *woo*, le a bona, go fihla A ba tliša bohle gohle godimo.” Gobaneng, ba bile le seo sohle se lokišitšwe.

Gomme ge e be e le, Kwana ye nnyane ya tla e sepelela ntle magareng ga bona, ye bonolo le boleta, e kgorometšwa go dikologa ka tsela *yela*.

²⁵⁵ Ebile le Johane o boletše. Bjale lebelelang go Johane, moperfeta; o rile, “Eyang le Mmotšiše. A ka nnete ke Yena Yena?” Go kokobela kudu, go fihla moperfeta yola a e fošitše. O rile, “A ke Yena Yena, goba re nyaka yo mongwe?”

²⁵⁶ Bjale, ga se nke A mo fa puku bakeng sa bona barutiwa, ka go—ka go Mateo 11. Etlang gomme le Mmotšiše, ge barutiwa ba Johane . . .

Johane o be a le ka kgolegong. Kafao o be a hlakahlakane gohle go fihla a . . . Ke a dumela e be e le Pember o rile, “Leihlo la gagwe la ntšhu le ile la ba le leapi, tlase kua,” le a bona. O kgonne . . . O—o be a šetše a tlide tlase lefaseng; o be a le godimo ka moyeng. Eupša ge seprofeto sa gagwe se fedile, o theogetše morago tlase go mobu gape, le a bona, gobane, o mmeile ka kgolegong, le a bona. O be a se sa na le mošomo wa tšona diphego tše kgolo gape, ka fao o ile a no robala fase kua. Eupša o fofetše godimodimo go feta e ka ba mang wa bona ka moka.

²⁵⁷ A nke ke le bontše se sengwe. Modimo o mo šomišitše. Gomme Jesu o tsebile, le a bona, gobane yola e be e le mo—yola e be e le Modimo a apere nama fale. Le a bona? O be a . . . Kafao, O—O boletše fale, O rile . . .

Bjale, ga se nke A mo fa puku ka fao a itshwarago yenamong ka kgolegong; O re, “Bjale ema motsotso. Ke tla ngwala kgwekgwe ye nnyane mo, gomme le e iše morago le go botša Johane mokgwa wa go itshwara yenamong ge a le kgolegong, bakeng sa Ka.” Le a bona? Aowa, ga se nke A bolela seo.

²⁵⁸ Ga se a ke a re, “Eyang le botše Johane gore o be a swanetše go ba a hweditše grata ya gagwe ya Ph.D. pele a etla ntle.” Le a bona? Ge a be a ka, o be a ka be a ne ka moka ga bona; a ka be a le moganyetši.

Johane o be a botega gomme o botšišitše potšišo.

²⁵⁹ Gomme O rile, “E nong go leta go fihla kopano e fedile, gomme morago eyang go bontša Johane se se diregilego, gona o tla tseba. Ge le mmotša se se diregago, gona o tla tseba.” Le a bona? Le a bona? “E nong go ya le mo dire . . . Mmotše. Mmotše gore . . . O ka kgolegong gomme ga a kgone go ba mo. Eupša—eupša le dutše ka kopanong, gomme le bone se se diregilego. Eyang go mmotša.”

Kafao, ka gona, barutiwa ba rile, “Gabotse kudu, Morena.”

²⁶⁰ Gomme godimo ga thaba ba ile. Jesu a dutše godimo ga leswika le, a no ba šetša go fihla ba kgabaganyeditše mošola gomme ba ile godimo ka kua ga thaba.

²⁶¹ O retologetše go phuthego, a re, “Ke mang—ke mang yo le mo tšwetšego go mmona, nakong ya Johane?” Le a bona? O rile, “Le be le ile ntle go bona eng? A le ile ntle go bona monna yo a nago le kholoro ya gagwe e retologile go dikologa, le diaparo tše boleta, gomme a nathile le go rutega. A ke mohuta wa monna le ilego ntle go mmona?” O rile, “Aowa. A le tseba se bona mehuta ba lego? Ba atla masea, gomme, le a tseba, ba šoma dipaleising tša dikgoši. Bona, seo—seo ga se sekai Johane a bilego.”

²⁶² “Gabotse,” o rile, “gona, gobaneng le ile? Go bona monna yo a filwego bodiredi gomme o tla bo haketa thwi ka go mokgatlo, goba se sengwe boka seo? Go šišinywa ke ye nngwe le ye nngwe . . . Ka gona, ge—ge Oneness e sa mo nyake, o tla ya godimo go Thrinithi? Gomme ge Thrinithi e sa mo nyake, o tla ya go Church of God, kae kapa kae? A ke mohuta wa monna le ilego go mmona, o šikintšwe le lehlaka e ka ba lefe? Oo, aowa. E sego Johane.”

²⁶³ O rile, “Gona le ile go bona eng? Moporfeta?” O rile, “Gomme ke re yeo ke nnete. Eupša Ke ya go le botša se sengwe seo le sa se tsebego; o be a feta moporfeta. O be a le bontši. Ge le ka kgona go e amogela, yo ke yo go ngwadilwego ka yena, ka Beibeleng, le a bona, morago kua, Lengwalo, ‘Ke tla roma motseta wa Ka pele ga sefahlego sa Ka,’ Maleaki 3, le a bona, ‘gomme o tla lokiša tsela pele ga Ka.’” Le a bona?

²⁶⁴ Gomme ga se ba kwešiša. Ebile le barutiwa ga se ba e hwetša, le a bona. Yeo ke nnete. Oo, nna! Bonolo! Ikokobetše, le a bona. Eya thwi tlase . . . Ge Modimo a tshepiša se sengwe se segolo, le a bona, ke se segolo pele ga Gagwe.

²⁶⁵ Bjale, ge eba le nyaka ka mehla go boloka se monaganong, ke nyaka le . . . Le boloka se monaganong. Gomme ge se se direga, gona o ka kgona go e fetola. O obeletša fase le go topa le lengwe

la matšoba a mannyane a a seruthwana seo se tlagu ngwaga wo, goba go hwetša tsebjana ya setlwaedi ya bjale le go e swara ka seatleng sa gago, gomme wa re, “Ke ya go swara se bjale, le go bona gore se sengwe, bonolo kudu, se dirile *se*. Gomme ke nyaka go bona bjoko, bjo bo kgonago go romela sephatšamaru ngwedding, bo dira tsebjana ye ya bjale.” Ka mehla le tla ba le yona. Le ka netefaletšwa go yeo. Ka mehla le tla ba le yona. Le a bona? Tsebjana ya bjale e na le bophelo ka go yona, le a bona. E bonolo kudu le go kokobela.

²⁶⁶ Le a bona, ge monna e le monna yo mogolo, go lokile, eupša ge a le yo mogolo go lekanelu gore a ka ba bonolo, le a bona. O tla hwetša Modimo. Eupša ge a sa be bonolo, a ka se tsoge a Mmona. Kafao le swanetše go ba bonolo. Bjale temana . . .

195. **Ka go Kutollo, temana ya 5:9, ke bomang ba ba hwetšwago ba opela—ba opela ge Kwana e tsea Puku go tšwa go—go tšwa go . . . go tsea Puku? A—a ba ke bakgethwa ba ba hlatlogilego?**

²⁶⁷ Aowa. Kutollo 6 . . . 5:9, a ke re. Aowa. Ge le ka hlokomela, ba ga se bakgethwa. Ba bile . . . Ga se nke a tleleima thoto ya Gagwe le bjale. Le a bona? Ba ga se bakgethwa. Ge le ka hlokomela, ke bagolo le Dibata, gomme di a opela.

²⁶⁸ A re e baleng, gore motho . . . Gomme gona ke ya go leka . . . ke na le e ka ba seripa sa tasene bontši fa, gomme ke nagana nka kgonu go di hwetša mo metsotsong e se mekae. A re boneng. Kutollo 5:9. Bjale a re baleng feela gannyane nthathana pele. Kafao, motho, bjale, o botegela se, gomme ba nyaka go tseba. Šetšang.

Gomme ge a tšere pu—tšere puku, dibata tše nne le bagolo ba masomepedi nne ba wetše pele ga Kwana, yo mongwe le yo mongwe wa bona a swere diharepa, . . . meruswi ya gauta e tletše dinoko, yeo e lego dithapelo tša bakgethwa.

Gomme ba opetše koša ye mpsha, (le a bona, le a bona,) ba re, Wena o ne maswanedi go tsea puku, le go E bula, (le a bona,) . . . wena o re lopolotše . . .

Gomme . . . o re dirile baprista le dikgoši . . .

²⁶⁹ Seo ke sehlopha sa Legodimong, e sego bjale balopollwa. Go lokile, bjale.

Ngwanešu Branham, ge bohole . . .

Bjale nakwana feela. Ke a thanka, eng . . . Ntshwareleng.

Ngwanešu Branham, ge—ge babomodimo bohole, (ya), babomodimo ba tšelwa godimo ka go Tlhatlogo, ba tla ba kae Eliya le . . . le Moshe ba ba tla be ba etšwa kae?

²⁷⁰ Go na le se sengwe sa phošo. Go na le se sengwe sa phošo. Seo e no ba sohle se lego go yona. Fao—fao go se sengwe se diregile.

Le a bona? Go na le se sengwe seo se fošagetšego felotsoko. Yo mongwe le yo mongwe o ikwela gabotse? [Phuthego e re, "Amene."—Mor.] Fao aowa . . . A go go bolwetši, goba selo?

[Ngwanešu ka phuthegong o re, "Bala temana yela ya 9 gape, ka go Kutollo 5."] A re boneng, Kutollo . . . E be e le kae, ngwanešu? [5.] 5. [5.]

Oo, potšišo! Oo, potšišo ye ke sa tšogo e araba. Bjale a re boneng. "Wena . . ." Lefelo la maleba:

Gomme ge a bile le go bu- . . . puku, dibata tše nne le bagolo ba masomepedi nne ba wetše pele ga Kwana, yo mongwe le yo mongwe wa bona a swere diharepa, le meruswi ya gauta e tletše dinoko, e lego dithapelo tša bakgethwa.

Gomme ba opetše koša ye mpsha, ba re, O ne maswanedi go tšea puku, le go bula lehuto la yona: gobane wena o . . . hlabilwe, gomme . . .

Yona še! Yona še! Ke be ke fošitše go yeo. Le a bona?

. . . wena o re lopolletše go Modimo ka madi . . . a moloko wo mongwe le wo mongwe . . .

²⁷¹ Yeo ke nnete. Bjale, le nagana eng ka seo? Oo, ge Bogona bja Moya wo Mokgethwa bo se mo, ke eng? A ka se dumelele . . . Le a bona, ke bala feela karolo ya pele ya temana yeo. Le a bona, e—e no ba te- . . . goba se sengwe se ngwadilwe mo, gomme ke be ke leka go fetša, ke lebeletše sešupanako sela. Eupša le a Mmona a nkemiša go seo? Letago! Le a bona, ga se ka ke ka bala karolo ye nngwe ya seo. Le a bona, ke fihlile fa, "Gomme . . ." Lebelelang fa, "Gomme ba—gomme ba opetše koša ye mpsha," gomme ke eme, le a bona. Eupša, lebelelang fa, "Koša ye ba e opetšego, ba re, 'O re lopolletše go tšwa molokong wo mongwe le wo mongwe, leleme, le setšhaba.'" Kgonthe, bao ke bona. Nna! Oo, nna! Oo, nna! O a e bona? Gomme, galego, go ne potšišo ye nngwe tlase fa, le yona.

196. A o ka (l-a-ol- . . .) laola bale ba filwego . . . ? Gabotse, go laola "bale ba filwego dikobo tše ditšhweu," ba Kutollo 6:11, le "bale ba hlapišitšego diaparo tša bona Mading a Kwana?"

²⁷² Bjale a re boneng, Kutollo 6. Ke no se kgone go hlaganelka se, setšhaba, boka se mo, le a bona, gobane e ya . . . Ke ya go araba se sengwe sa phošo. Bjale, ga se A nyaka—ga se A nyake ke dira seo. Yeo ke therešo, kafao nthuše. Moya wo Mokgethwa wa Modimo o a tseba seo ke therešo. Le a bona? Ke no . . . Go na le se sengwe feela . . . Ke—ke nno se lebelela . . . Ke be ke lebeletše sešupanako, seripagare sa lesometee, gomme ke naganne, "Ge nka se itlhaganele bjale, nka se ye go rapelela balwetši." Gomme ke leka go hwetša seo. Gobane ke . . . Gomme monagano wa ka o bjalo . . . ga ke kgone . . .

²⁷³ Le a elelwa, le no swanelo go kwešiša bjale, ke nna—ke nna motho, le a bona. Gomme ke—ke bile ka fale lebaka la matšatši a šupago, gomme nna . . . Gomme ke ne se sengwe go le bjalo, morago ga sekgalela se, ke swanetše go hwetša go tšwa go Modimo.

²⁷⁴ Eupša, O be a ikemišeditše kudu gore ke se dire phošo yeo, ba mpileditše morago go bala temana yela ka moka. Ke nno . . . Go no ikwela boka Sengwe se no nkgokologela fale, gomme se rile, “Boela morago! Boela morago!”

Ke naganne, ““Boela morago”? Eng? Ema thwi bjale gomme o thome go rapelela balwetši? Eupša ke eng—ke eng? Ke dirile eng?”

Gomme ke no thoma go fihlelela seo, yo mongwe o rile, “Bala temana gape.” Gomme ke e badile gape. Gomme fao, ka fase ga potšišo ye, e be e le fao, le a bona, “Kutollo 6.”

²⁷⁵ Le a bona, ke badile ya pele. Seo se kwagala boka yona, sa pele, le a bona, “Gomme ba opetše koša ye mpsha.”

Eupša tlase fa, le bona se e bilego? Wa go latela, a etla pele tlase, “O re lopolotše.” Nnete, e be e le Monyalwa, bakgethwa ba ba hlatlošitšwego. “A o ka kgona . . . ?” Gomme mo, ka kgonthe, kwa—kwa Kwana e bile le Puku ka seatleng sa Gagwe. O be a šetše a tlogetše Terone ya mogau ya boboelanyi. Le a bona? Le bona ka fao Moya wo Mokgethwa o hlokomelago seo? Ka gore, tlwa, seo ke selo sa go swana ke se boletšego bošego bjo bongwe.

²⁷⁶ Ge A boletše le nna ka kamoreng, gomme ke tlie tlase mo gomme ke rerile go lena bohole, gore, “Ge Kwana e tlogetše lefelo.” Oo, nna! Bjale ke a dumela re tla no tsea hlogotaba. Le a bona, “Kwana e be e tlogetše setulo sa Gagwe gomme ya tla pele,” le a bona, ge ke fihlile godimo kua ge A be a le gona, Seetša sela, e lego Kriste; ge A be a le gona, o se boletše. Ge Kwana e tlogela setulo sela sa Terone, go ba Mmoelanyi, O tla ntile mo, gomme Letšatši la Topollo ya Kereke le fedile.

²⁷⁷ Topollo ya go latela e bulegile, ke bakeng sa Bajuda, dikete tše lekgolo masomenne nne. A yeo ke nnete? Ka gore O tshepišitše gore O tla ripa mohlare, le a tseba.

²⁷⁸ Bjale, mo, bjale šo O tla ntile, Kwana, gomme ka gona Letšatši la Topollo le fedile. Gomme bohole ba ba yago go lopollwa, ba šetše ba lopolotšwe le go bewa godimo ga Puku, gomme O ntile mo go bula Puku. Thwi!

²⁷⁹ Oo, ke a Go leboga, Morena. O a bona? Lebalela mohlanka wa Gago wa letšhogo bakeng sa go leka go kitima godimo ga se sengwe.

Bjale, a le ka kgona go kgotlelela “bao ba filwego dikobo tše tšhweu,” tša Kutollo 6:11 . . .

²⁸⁰ Bjale a re boneng, 6:11. Go lokile. Re mo kae go ye bjale? “Dikobo tše tšhweu,” ya, bao ke—ba bapotšwego, ka tlase ga

aletara. Ba—ba Bajuda, gare ga nako yeo, “Ba be ba filwe dikobo tše tšhweu.”

... le “bao ba hlapišitšego diaparo tša bona ka Mading a Kwana,” ba Kutollo 7:14?

²⁸¹ Aowa. Bjale, seo se a fapanā, kgonthe go lekanelā. Gobane, le a bona, fa, re hwetša *fa*, gore “ba ba filwe dikobo tše tšhweu,” godimo fa mo nakong ye. “Ba be ba filwe dikobo tše tšhweu,” bonabeng, ka mogau. Gomme ba *mo*, “Ba hlatswitše diaparo tša bona ka go Madi a Kwana,” le godimo ka go Kutollo godimo mo, le ke “lešaba le legolo lela le tlago godimo pele ga Modimo, la bohole ba meloko, maleme, le ditshaba.” Gomme *ba* ke tlwa thwi go bahwelatumelo, Bajuda, le a bona. Bjale, bjale seo se nepile, bjale.

197. Ngwanešu Branham, ge baloki bohole ba tšeetšwe godimo ka go Tlhatlogo, ke kae mo Eliya le Moshe ba tlago go tšwa gona? A ba tla ba Bajuda? Goba a Eliya wa renā, re mo filwego, o tla ba—o tla ba le bona?

²⁸² Aowa. Ba—ba Bantle bao ba tla tlotšwago ka moyā wo, go biletša ntle Bantle, ba tla tlošwa. Gobane, le a bona, Kereke ka moka, yohle, e tlošitšwe. Gomme baprofeta ba babedi ba, ba—ba tema ya 11, ba tlišwa fase. Gomme letšatši la mogau le fedile ka Bantle, gomme ba rometšwe go Bajuda. Aowa, e ka se be monna wa go swana. Bjale, ke—ke ne kgonthe gabotse ka seo. Bjale elelwang, tše e no ba bokaonekaone bja tsebo ya ka.

A re boneng se se se lego, se boleLAGO fa. Potšišo, “A korong le beine . . . ?” Oo, “A . . . ?” K-o-r-o-n-g. Aowa, ke a thankā e—e be e era, “Ke eng e dirago . . . ?” Ga e ne “eng” fao. E no re:

198. A eng le beine, goba korong le beine, ke eng e dirago . . . ya Kutollo 6:6?

A re boneng se e lego, ge ke etla tlase fa bjale, ye fa.

Gomme ke kwele segalontšu ka magareng ga diphedi tše nne se re, Leselwana la korong ke peni, le leselwana la bali ke peni; . . . bona gore o se gobatše beine le . . . oli.

²⁸³ Ke a thankā seo se ra “korong le beine.” Yeo e bile yona, go ye nngwe.

A ke re, ke sekā, beine e tšewago mo tafoleng ya selalelo, ya Kut—. . . ya Bakorinthe ba Pele 11:24?

²⁸⁴ “A beine—beine . . . ?” Aowa. Ye nngwe ya tšona ke sekā sa semoya, le a bona. Gomme ye nngwe gabotse ke ku—ku kutollo ya Lentšu.

199. A e ka ba lebaka leo bontši bo babjago, gobane ga se re hlathe Mmele wa Morena? (Therešo!)

... eupša bjale o utollwa ka go bulwa ga Lehuto la Boselela?

²⁸⁵ Bjale, a re boneng. A nke ke no bona ge nka kgona go hwetša yeo bjale. Ga se wena; ke nna. Ga se wa . . . O e ngwadile gabotse; e no ba nna.

A leo e ka ba lebaka gore bontši bo a babja, gobane ga re hlathe Mmele wa Morena? (Yeo e ne leswao la potšišo, bofelo bja yeo.)

²⁸⁶ Gabotse, Lengwalo le a bolela, gore, “Ba bantši ba a babja le go fokola magareng ga lena, ka baka la go hlatha Mmele wa Morena.” Seo ke therešo tlwa. Ka baka la gore, le a bona, Mmele wa Morena ke Monyalwa. Gomme ba bantši ba bona ba a fapoga, gomme ga ba ye le Ona. Yeo ke therešo. Le a bona, ga ba tsebe mokgwa wa go itshwara bonabeng. O phela mohuta ofe kapa ofe wa bophelo; le go tšea selalelo le dilo. Seo ga sa loka. Le a bona? Ge batho ba tšea selalelo, maaka ale le go utswa le go nwa, gomme, seo—seo se—seo se a šiiša. Ga la swanela go dira seo. Le a bona?

...eupša bjale go utolotšwe ka go bulwa ga Lehuto la Boselela?

²⁸⁷ “Go bulwa ga Lehuto la Boselela.” A re boneng bjale. Aowa. Bjale, le a hwetša, Lehuto la Boselela le bulega mo, e be e le go Bajuda. Le a bona, ke—ke Kereke e šetše e ile. Se ke sekgaō sa Tlaišego, gore e ka se be go swana. Aowa. Aowa. Ga se yona.

²⁸⁸ Ye nngwe ya tšona ke beine ya semoya, yeo ke kutollo ya Lentšu, gona mo—mo modumedi o ba go tutuetšwa ke kutollo ya Lentšu. Gomme ye nngwe ke seka sa Madi a Jesu, ao a tšerwego mo tafoleng ya Morena. Bjale, yeo ke ye kaonekaone kudu ya kwešišo ya ka ya yona.

200. A yo mongwe le yo mongwe yo a sego a kgethelwapele go amogela Morena? Ge ba dira, a ba tla wa?

E sego ge ba kgethetšwepele. Aowa. Le a bona, ba ka se kgone.

201. Lengwalo le kae leo le bontšhago gore . . . Bokatoliki bjola bo tla fora Bajuda gomme bja hwetša lehumo la bona?

²⁸⁹ Bjale, “Feela ke kae fao le bolelago gore—gore—gore sebata se tla fora bakeng sa lehumo?” Ga e bolele seo. Eupša re tšea gore yeo e be e le . . . Bjale, bošego bjo bongwe, le a elelwa. O ka kgona go lebelela theipi kgauswi ka kgontha. Ga se nke ka re seo ke se ba tla se dirago. Ke rile . . . Le a bona, Makatoliki ke sehlopha sa go huma kudu ka lefaseng. Ga go na yo a swanago le bona. Gomme seo ba se nago sona, Bajuda ba na le ka moka.

²⁹⁰ Fao ke mo ekonomi ya naga ye bjale . . . Re thwi bjale go phela ka tšhelete ya motšhelo, go ya ka *Lifeline*, gore go tšwa go metšhelo (yeo e tlagu thwi go tšwa Washington, DC) wo a tla lefiwago mo mengwageng ye masomenne go tloga lehono. Seo ke se re se tšeago bjale. Ke bokgole bjo re lego morago, go fa

dinoutse, le a bona, motšhelo wo o tla lefiwago ka mengwaga ye masomenne go tloga bjale. Setšhaba se kgaogile. O fedile.

²⁹¹ Bjale, Castro, selo se nnoši sa tlhaologanyo a kilego a se dira, e bile ge a dira tšhelete ya bofora gomme a lefelela tšhelete ya pampiri, diponte, le go di tšhuma, gomme—gomme a fetola tšhelete. Seo ke selo se nnoši a kgognego go se dira.

Gomme go ne selo se tee feelsa se šetšego bakeng sa United States go dira. Bjale elelwang, yo ke William Branham, le a bona, o a bolela. Ye ke kgopololo ya ka. E no ba feelsa go tšea gore, go no lebelela go yona ka ntlheng ya boemo ya tlhago, yeo e ka bago milione wa dimaele kgole. Ke dumela seo thwi fao, ka go tšhelete yeo . . . “Lerato la tšhelete ke modu wa bobo bjohle.” Gomme ke a dumela gore thwi go bapa ka kua go tla thomiša kgwele go tokologa.

²⁹² Bjale, kereke ya Katoliki morago kua, go tšwa go lefiša bakeng sa mesa, le go ya pele, e swere lehumo la lefase. Le a elelwa, Beibebe e rile, “O be a humile,” le ka fao a bego a le. Gomme, elelwang, e sego feelsa go setšhaba se tee. O humile go setšhaba se sengwe le se sengwe se lego ka tlase ga Legodimo. O obeletša ntle. O ne tšhelete. Bjale, se ba se nago sona, Wall Street e na le sona, yeo e laolwago ke Bajuda.

²⁹³ Bjale, gomme le a elelwa, o hweditše tšhelete ge Jakobo a bowa (bošegong bja go feta re hwetša) gomme a ba Israele. Ka kgonthe o be a ne tšhelete. Eupša tšhelete ya gagwe e be e ka se mo rekele selo, le a bona, go Esau. Esau o bile le yona, le yena. Le a bona, bobedi molwa, gomme—gomme yo motee . . . Le a bona, e no ba ka go phethagala.

²⁹⁴ Bjale šetšang fa. Ke rile ba ka nyaka go tlemagana mmogo mo tšheleteng, gomme ma—gomme maatla a Roma a tšea maatla a Bajuda, le tšhelete, a roba kgwerano. Seo se ka no ba bjalo. Le a bona, ke a tseba ba tla e roba, eupša ga—ga ke tsebe ka lebaka lefe, gobane ga se ya utollwa go nna ka ga se ba tla se dirago.

²⁹⁵ Eupša lebelelang. Bjale, ge lehono, bjale go ka reng ge lehono, selo se nnoši re ka kgognago go se dira, e tla ba go dira? Ge re goga motšhelo (ge setatamente seo se lokile) go tšwa tšheleteng, go tšwa go tšhelete ya motšhelo wa mengwaga ye masomenne go tloga bjale, le a bona, gauta ya rena e . . . Re šetše re e šomišitše. Re tšhaile. Ga re ne tšhelete e ka ba efe. Gomme re phela feelsa go tšwa botsebaleging.

²⁹⁶ Seo ke se kereke e se dirago lehono, kereke; e sego Monyalwa. Kereke e phela ka botsebalegi bo ile morago mošola ka tlase ga bodiredi bja nako ya tau. “Ke rena Kereke! Ke rena mme Kereke! Re thomile . . .” Yeo ke nnete. Le a bona? E phela ka botsebalegi!

²⁹⁷ Methodist e phela ka botsebalegi bja bona. Baptist e phela ka botsebalegi bja bona. Gomme Pentecost e phela go tloga go bja bona. “Letago go Modimo! Nako ye telele ya go feta, ge bakgethwa ba be ba tlwaetše go bina ka Moya, le ka fao ba . . .

Morena o dirile *se le sela.*" Seo, seo ke se sengwe sa go feta. "Bohle re ne yo mogolo bjale, ngwanešu." Oo, nna! Le a bona? Botsebalegi bjhohle bja go feta!

²⁹⁸ Setšhaba se se phela—se phela ka botsebalegi bja seo borakgolokhukhu ba bilego, le a bona, gomme leo ke lebaka re naganago re tla phološwa. Modimo ga se a ke a hlompha Israele ka seo ba bego ba le sona, seo ba bilego sona; seo ba bego ba le sona nako yeo! Hlokamelang.

²⁹⁹ Eupša, bjale, sese se ke se naganago, se ke—ke naganago se tla direga. Bjale, go ka no be go se bjalo. Ke a dumela nako e tla tla ge re gapeletšwa go dira taba. Gomme ge go tla ba, gore, sebakeng sa rena go fetoleng tšelete... Seo se tla dira eng go Philip Morris? Seo se tla dira eng go di—di dikhamphani tša wisiki? Seo se tla dira eng go intasteri ya tshipi? Seo se tla dira eng go tša kgwebo? Se tla dira eng seo? Se tla ba roba. Ba tla fefelwa ke tšelete. Eupša, ge, "Re ka kgona go adingwa tšelete yela." A le bona ka fao a lego setswerere?

³⁰⁰ Gona setšhaba se rekišitše ntle go kereke. Gomme ka gona kereke le mmušo di kopane gape, gomme šole o a tla. Le a bona? Yeo ke yona. Hlokamelang. Go lokile. Bjale, ka go se:

202. **Ge yo motee a le ka mokgatlong wa mokgatlo ka mmušo wa rena, gomme a kgona go ntšha sa mafahengl a gagwe, goba ka go Therešo ya letšatši la mafelelo, a o tla sengwa bjalo ka yo mongwe wa "bommalegogwana"?**

³⁰¹ A re boneng. "Ge yo motee ka mokgatlong wa mokgatlo a . . .?" Gabotse, le a bona, mokgatlo wa mokgatlo; mo—mo mokgatlo, o fiwa ditokelo ke mmušo, go bolela. Le a bona, seo ga se na selo go dira le pelo ya gagwe. Le a bona? Bjale, ge a le modumedi wa kgonthe, gomme a tswetšwe ke Moya wa Modimo, nako ye nngwe goba ye nngwe o ya go hlolwa. Le a bona? E ka se kgone go ba pepeneneng kudu gomme morago yena a se e bone.

³⁰² Bjale, ke nyaka le . . . Le a bona, o nyaka go elelwa se, mogwera, gore Modimo—Modimo ga a ke a e dira, goba a dira ka nako e ka ba efe, ka fao nka kgonago go elelwa, le a bona, eupša seo . . .

³⁰³ Lebelelang, Jesu o be a le—a le sekgwari sa yona yohle, gobane O be a le Modimo, Imanuele, a dirilwe nama. Bjale, lebelelang Moisa yo—yo, Jesu. Ge . . . A le be le tseba, ge A etla lefaseng, go be go se, ke a thanka, tee lesomeng ya lefase e tsebile O be a le mo?

A le a tseba, ge pulamadibogo yela e etla, ge tšohle "dithaba," le dilo di tla direga, go be go se tee lekgolong ya setšhaba sa Israele, ke a thanka, e kilego ya e tseba? A seo ga se tlabe?

³⁰⁴ Gobaneng, go be go le Bajuda le dilo, le batho gohlegohle lefaseng. Bjale, elelwang, Jesu o tlide go ba Hlatse, bjalo ka Mophološi wa lefase. A yeo ke nnete? Gobaneng, go be go no ba

batho, ka morago ga batho, ka morago ga batho, ka morago ga mehlobo, ka morago ga batho, bao ba sa nkago ebole ba tseba selo ka yona. O ile thwi pele, feela boka lefase le sa tsebe selo ka yona; eupša, nako yohle, yeo e be e eya pele ka lefaseng. Le a bona?

³⁰⁵ Gobaneng A se a ba dira ba tsebe? O tlide, gomme bao ba bego ba kgethetšwepele go ya Bophelong bjo Bosafelego e bile bona ba Mo amogetšego. Go ka be go se gwa loka go bolela e ka ba eng go ka moka ga bona, gobane O be a ka se kgone go ba lopolla, gobane ebole ba be ba sa lopollege. Gobaneng go bile, ge baprista bale ba eme fale? Ge, O ile a swanela go tla lefelong leo ka gobane bakgethelwapele ba be ba aparetše ntle kua, ghole tikologong, kafao O ile a swanela go ba rerela bjalo ka sehlopho.

³⁰⁶ Gomme dirutegi tše kgolo tše di bego di swanetše go ba di Mo tsebile, di rile, “Monna yo ke Beletsebubu. Re ka se be le Monna yo go buša godimo ga rena, le go ya pele, le a bona. Re ka se e dire.”

Eupša mmalegogwana yo monnyane wa kgale, ka Bophelo ka go yena, o kgethetšwepele go ya Bophelong bjo Bosafelego, gomme leina la gagwe le ka go se hwe le ka go Lentšu la Modimo fa. A sepelela godimo kua, gomme, nako ya mathomo Seetša sela sa ratha peu ye nnyane yela, ka pela o e tsebile.

³⁰⁷ Lebelelang, motheadihlapi wa kgale o tlide kgauswi fale. Šo O eme fale, a dira maswao le matete, le—le go botša batho ba go fapani diphiri tša dipelo tša bona, le go ikutolla Yenamong.

Gomme, nna, go be go le Bafarisei ba eme fale, gomme ba rile, “Monna yo ke Beletsebubu.” Ba ile ba swanela go arabba go phuthego ya bona.

³⁰⁸ Bohle ba bona ba eme go dikologa, “Ngk. Jones, a o tla ya tlase le go theetša Monna yo? O—O bonala eke O tseba se A boleLAGO ka sona. Ga A bolele boka banna ba setlwaedi.”

³⁰⁹ “Ke tla mo kwa.” A sepelela tlase kua, le a bona. Ya, Modimo—Modimo o be a ka se kgone go fihla go yena.

Gomme šole O eme tlase fale, gomme O rile . . .

Ba rile, “Bjale lebelelang kua. Lebelelang kua. Fao go tla monna kua. Yo mongwe wa barutiwa ba Gagwe šoo. Šefao go tla monna godimo bjale. Bjale, leina la mothaka yola, yoo ke Andrea. Le a elelwa. Oo, le elelwa batheadihlapi ba kgale—ba kgale tlase fa? Bao ke bona. Ya, fao—fao go na le Simone, ngwanabo. Le a bona? Gomme tše ke—tše ke digotlane tša kgale tša Jona. Bjale šebale fale . . . Lebelelang, o—o tliša yo mongwe godimo go Yena. Ke mang? Ya, le bone se A tla go se dira bjale. O—o kgauswi godimo kua.” Gomme o sepelela godimo.

Gomme O rile, “Leina la gago ke Simone, gomme wena o morwa wa Jona.”

³¹⁰ “Monna yo ke Beletsebubu! Le a bona, o na le mohuta wa moyo godimo ga gagwe. Ke moisa walearogi. Le a bona? Go

otlologa, le se ke bohle la theetša selo boka seo, le a bona. Tlogang fao. Nka se sa tsenela dikopano tše gape, le gatee, le a bona. Feela ka pela ge selo se se fedile, re tla tšwela ntle ga fa. Re ka se tsoge ra tloga, go dikologa fa gape.” Le a bona? Gobaneng? Bjale, seo ke se a se nagannego, gomme efela go be go swanetše go ba yena. Lebelelang, bona bao A tlilego go bona ke bona ba Mmapotšego. Le a bona?

³¹¹ Eupša go be go le mmalegogwana yo monnyane yoo yo mongwe le yo mongwe a mo ragetšego ntle! Ga ke hlohleletše bommalegogwana. Aowa, ka nnete! Eupša ke no le laetša Peu ye e kgethetšwego pele.

³¹² Lebelelang mothaka yo mo, motheadihlapi yo wa kgale yo, a o be a sa kgone... Beibele e rile o be a se a rutega. A yeo ke nnete? E sego feela seo, eupša o be a hloka tsebo. Bjale, a yeo ke nnete goba phošo? Oo, ge re ka no hwetša go hloka tsebo go dilo tše dintši tše re naganago re a di tseba. Le a bona? Go lokile. Le a bona, o be a le bobedi go se tsebe selo le go se rutače. Gomme ka gona o sepeletše godimo kua ka Bogoneng bja Morena Jesu, gomme A mmotša gore o be a le mang. Thwi nako yeo seo sa e rarolla.

³¹³ Bjale, kgang ye ya moisa yo mongwe ke eng kgahlanong le seo? “Gabotse, lebelelang, o e dumetše. Lebelelang ke mang. Le tseba yoo a lego. Gabotse, monna yola ga se nke... Gobaneng—gobaneng, yena ke motheadihlapi. Gobaneng, ga a tsebe boABC ba gagwe. Ke rekile hlapi go tšwa go yena; ebile ga se a kgone go saena rasiti. Seo, le a bona, woo ke mohuta wa dilo! Woo ke mohuta wa batho bao ba theetšago se sengwe boka Seo.” Lebogang Morena. Amene. Le a bona? “Gobaneng—gobaneng, ga a... Lebelela tatagwe; o be a hloka tsebo. Ebile o be a sa ba romele sekolong.” Eupša ke yena A mo rometšego sekolong; o rutile ka tsela ye A bego a mo nyaka.

³¹⁴ Ga ke thekge go se ye sekolong, bjale. Ke a holofela le a kwešiša. Eupša go no ba sekai, le a bona, se o se hwetšago ka go seo. Woo ke mohuta, gomme lebaka e ya bokagodimo ga bogodimo bja bona.

³¹⁵ Gomme le a tseba ke eng? Ga go o motee... Ke tla, re ga go tee tharong ya Bajuda bohle ka nageng e kilego ya tseba e ka ba eng ka Yena a etla. Gomme—gomme, gona, tee—tee tlhanoyathee tharo e Mo theeditše. Gomme, gona, tee lekgolo ya tee tlhanoyathee O amogetše. Le a tseba ke ba bakae A bilego le bona. O bile le lesomepedi ba eme mo sefapanong, go tšwa go sehlopha ka moka. Ba kae ka moka ga bona? Le a bona? Masomešupa ba tlogile.

³¹⁶ Bjale, ge A be a fodiša balwetši, le go no ya tlase, e sego go bolela selo ka Thuto ya Gagwe; O nno ya pele, a fodiša balwetši le se sengwe le se sengwe. Oo, nna! Woo, woo e be e le Moya wa Modimo godimo ga Gagwe. A le dumela seo? Ge A be a fodiša balwetši, semaka! “Yoo ke Rabi yo mogolo. E reng, lena bohle

baena, lena bohle le swanetše go ba le Yena ka kerekeng ya lena. Šaatena, o bolela ka maatla, Mothaka yola ka kgonthe a ka kgona go fodiša balwetši! O swanetše go bona. O na le mpho ya phodišo."

³¹⁷ Gabotse, ka nnete, ba ya go ba le dikekišo tše dingwe go seo. Šeba ba tla mmogo, gobane sehlopha se sengwe le se sengwe se swanetše go ba le monna wa gagwe mong.

Šo O a tla. Gomme ka gona, selo sa pele le a tseba, letšatši le lengwe O dutše fase.

"Oo, kgonthe, Rabi, re tla ya le Wena."

³¹⁸ "Go lokile, dulang fase. A re yeng." Go lokile, o rometše masomešupa ntle, le go ya pele.

Ka gona letšatši le lengwe, morago ga ge mohlolo wo mogolo o dirilwe, O dula fase gomme a thoma go ba botša Lentšu, le a bona. "Mathomong a go gala ga . . ." Go lokile. O thoma go ba botša Lentšu, Therešo.

Ba rile, "Aa, bjale, ema motsotsotso! Hmm! Ga ke tsebe ka se." E kgahlanong le thuto ya bona. O re, "Gabotse, ke a tseba re tlogetše sinagoge le se sengwe le se sengwe boka seo, eupša mohlomongwe re-re be re le phošo, baena. Bokaone re boele morago, ka gobane monna yola o bolela ka dithai. Ke mohuta wa moisa walearogi. Ga ke kgone go kwešiša seo." Le a bona? E be e le eng? Peu ga se ya kgethelwapele go tloga mathomong.

³¹⁹ Ka gona, selo sa pele le a tseba, O be a na le sehlopha se sennyane sa bodiredi, gomme a bolela le badiredi. Ba rile, "Aa! Hum! Bokaone re boele morago, le rena, gomme re ye morago le go tsena ka mokgatlong, re tše dipampiri tša rena gape, le a bona. Gobane, mothaka yo, gobaneng, ke mang a ka kwešišago monna boka yola? O bolela se *fa*, gomme o bolela se godimo *fa*. Aa!"

³²⁰ Bona ba bangwe ga se ba E kwešiša ka mokgwa woo. O be a laetša dithai go ba bangwe ba bona, eupša e sego go ba bangwe.

Kafao ba tlogile. Morago O retologile, a lebelela ba lesomepedi ba emego kua. O rile, "Le nyaka go ya, le lena?" Le a bona?

³²¹ Bjale šetšang. Petro o rile, "O a tseba ke eng? Ke tsenetše lefelo lela la kgale tlase fale nako yela yohle. Ke kae lefaseng ke tla yago gona? Ke tla ya kae? Ke kae-ke kae ke tla ya kae? Morago ga ge ke-ke dirile mo mošomo . . . Gomme nka se kgone go ya morago go kotikoti yela ya tšhila gape, moo mehuta yohle ya leraga la lefase e letšego ka go yona. Le a bona? Ke-ke . . . Ke tla ya kae? Ke-ke no se kgone go e dira."

³²² O rile, "Gona, go lokile, etla pele, eya mmogo." Bjale, ke lena bao. Le a bona? Se be se le bjang seo, gona? Lesomepedi go tšwa go e ka ba milione tše pedi le seripa. Gomme Mophološi wa lefase,

go tšwa go dibilione, efela wa go kokobela, le a bona. E no dula o ikokobeditše. Šetšang.

Bjale, le bona bohle Bafarisei; gomme mmalegogwana yola yo monnyane o tla godimo fale. O rile, “O re, O swanetše go ba moprofeta! Bjale, re a tseba gore Mesia o etla, gomme ge A etla O tla dira seo.”

O rile, “Ke nna Yena.”

³²³ O rile, “Yeo ke yona,” gomme šole o ile. O leka go mo emiša gatee? O ka se kgone go e dira.

203. Ngwanešu Branham, madume ka Leina la Morena Jesu. Hle hlaloša ke mang monna, ka go Mateo 22:11, monna yo a bego a sa apara seaparo sa monyanya, a sa apara seaparo sa monyanya. Ke a tseba monna yo o be a ka se kgone—kgone go tsena Legodimong ntle le go apara seaparo sa monyanya. Yo e be e le moeng, ke a tseba, e sego Monyalwa.

³²⁴ Ee, yeo ke nnete. O tla ba . . . Ya, o nno ngwegela ka gare. Le a bona? Bjale lebelelang. Bjale, ke . . . E ka kgona go tšea theroyohle ka yeo.

Bjale ke na le metsotso ye lesome, go rapelela balwetši le go fetša se. Gomme ke na le seripa se tee sa bona ba se dirilego, ke a thanka. Hlokomelang. Eupša ke—ke ya go itlhaganelo, thwi, kgonthe go lekanelo, ka morago ga ye. Le a bona?

³²⁵ Sese se se diregilego, ge le tseba metlwae ya ka bohlabela. Le a bona? Ge monyadi a efa ditaletšo ntle bakeng sa monyanya wa gagwe, o no fana ka ditaletšo tše dintši kudu. Gomme bakeng sa taletšo ye nngwe le ye nngwe a e rometšego, o be a ne moletamojako a eme mojako, go bea kobo godimo ga gagwe. Ge eba o be a diila, goba e ka ba eng a bilego, o bile . . . ge eba o be a humile goba a diila, e ka ba eng e bilego, yena, bohle, o be a swanelo go apara seaparo se sa monyanya.

³²⁶ Ge ba eme mojako, ba beile se godimo ga gagwe, se khupeditše godimo seo bokantle bja gagwe bo bilego. O laleditšwe, ge eba ke radimilione goba ge eba ke rantlhobane, ge eba ke molemi, seepamolete, goba e ka ba eng a lego, goba wa bogošing, o—o fa a apere seaparo bjale. Ka baka la gore, kobo e bewa godimo ga gagwe mojako, ge a tsena ka gare mojakong.

³²⁷ Bjale, tšea Mokgethwa Johane 10, ke a dumela ke yona, O rile, “Ke nna mojako.” Le a bona? “Ke nna mojako wo o tsenago . . . wo o tsenago ka wona.” Bjale šole o eme ka mojako, gomme šo Monna go bea kobo godimo ga gagwe, Moya wo Mokgethwa, go mo fa kobo ya toko ge a tsena.

³²⁸ Bjale, monna yo o tlide ka mokgatlo wo mongwe, morago lefastereng godimo mo, molete tsoko wa go thelelela ka gare. Gomme o tsene ka gare tafoleng le go dula fase. Gomme morago ge Monyadi a etla godimo gomme O lebelela tikologong, o be a . . . o . . . A e be e le mapidibidi a go se tlwaelege, pele, bjale ke yena

lepidibidi la go aroga. Le a bona? “O dira eng fa ka mokgwa woo, ntle le kolobetšo ya Moya wo Mokgethwa le dilo tšohle tše? O tsene bjang ka fa?” Gabotse, o tsene felotsoko ntle le mojakong. Gomme o tlie ntle le taletšo ya maleba. Le a bona? O tlie ka tshepedišo ye nngwe ya thuto, le a bona, goba se sengwe go swana le seo. O tsene ka gare.

³²⁹ Gomme O rile go bona, “Mo tlemeng, seatla le maoto; le mo lahlele ntle fa, ka leswiswing la kgotloempo, moo go tla bago le go lla, le go golola, le ditsikitlano tša meno.” Le a bona? O ile ka go sekao sa Tlaišego. Le a bona? Ga se a tsena ka mojako. Kafao, go lokile. Potšišo:

**204. A Eliya wa Maleaki 4 o tla swana le ge Eliya a boletšwe ka go Kutollo 11:3? Gomme a dihlatse tše dingwe di aro-...
A dihlatse tše dingwe tše pedi ke batho ka batho ba ba aroganego, aroganego?**

³³⁰ Ee. Eliya wa Maleaki 4 a ka se be Eliya wa Maleaki 3. Re ile go kgabola seo, bošegong bja go feta. “Gomme a hlatse ye nngwe e arogane, ba babedi ba bona?” Ee, mohlomphegi, Moshe le Eliya; go kutollo ya rena. Bjale, ga ke nyake go le swarelela botelele kudu.

205. Dikgoši tša Pele 19, Ngwanešu Branham, ke a dumela gore nomoro ye e sega ya kwatamiša letolo e be e le se-...

³³¹ Ya, yeo ke nnete. Makgolo a šupago sebakeng sa... Ke a leboga. Yeo ke nnete. E be e le makgološupa sebakeng sa dikete tše šupago... “Ngwanešu Branham...” Dikete tše šupa sebakeng sa makgolo a šupago. Bjale, le bona seo?

³³² Le a tseba, ka kgonthe, ge motho a etla ka mokgwa wo, go—go rera... Ke nyaka go le botšiša se sengwe, bjale, gore le tle le kwešiše.

Ge Eliya a tlie go tšwa lešokeng, o bile le molaetša wo motee. O ile a gatela thwi ka ntle ga lešoka lela, gomme a tla thwi fase le go botša kgoši yela, “Phoka ebile e ka se we go tšwa legodimong go fihla ke e bitša.” Ao ke mantšu a a bego a na le wona. Gomme a tabogela thwi morago ntle, le go se bolele selo go motho. Le a bona?

³³³ Ge a bile le molaetša wo mongwe, o tlie thwi tlase gomme o boletše molaetša wo. Gomme a retologa thwi morago go dikologa, a ya morago ntle ka lešokeng. Le a bona?

³³⁴ Bjale, ge le ka šetša, ge ke beile letlapa la sekhutlo ka tlase ga tabarenekele yela, O rile, “Dira mošomo wa boebangedi.” Gomme bjale iri e a tla ge mošomo woo o arogana. Go na le se sengwe gape se diregago. Gona ke bjalo... Le a bona, ke tla fa gomme ka leka go dira boebangedi le se sengwe gape, gomme le bona moo le lego? Le a bona? Wena o... Oo, ke—ke letile kereke go ba semoya go lekanelo go kwešiša.

- 206. Ngwanešu Branham, ke a kwešiša gore Eliase o swanetše go ba makga a mararo. O re botša gore o šetše a le gabedi, gomme o tla tla gape. Bjale, a motho, yo moyo wa Eliase o tla bago godimo ga gagwe, le yena o tla ba wa dihlatsé tše pedi tša Moshe le Eliase godimo kua?**

³³⁵ Aowa. Aowa. O tla ba Montle, le a bona, go Kereke ya Bantle. Modimo o roma, ka mehla, go batho ba gagwe mong, le a bona. “O tlide go ba Gagwe Mong; ba Gagwe Mong ga se ba Mo amogela.” Ka mehla O romela wa Gagwe, Molaetša wa iri.

³³⁶ Ge Modimo a be a mekamekana le Bajuda, go be go se baprofeta ba Bantle ba tlago. Ge Modimo a mekamekana le Bantle, ga go baprofeta ba Bajuda. Ge Modimo a boela morago go Bajuda, go ka se be le baprofeta ba Bantle. Le a bona? Le bona se ke se rago? Go lokile.

Ka morago ga ge Tlhatlogo e diregile...

³³⁷ Bjale, go tla ba le tsenelelano, ka nnete, Molaetša wo mongwe o tsenela go wo mongwe. E swanetše go tla thwi ka gare ka mokgwa *wo*, le a bona, bjalo ka ge ke hlalošitše seo, le a bona; boka Paulo go Bantle, le go ya pele. Go lokile.

- 207. Ka morago ga ge Tlhatlogo e diregile, go tla ba le ofe wa kereke a tla phološwago mo bofelong, yo a sa tšewago ka go Tlhatlogo?**

³³⁸ Aowa. Huh-uh. Gobane, Madi a šetše a tlogile. Le a bona, ga go na poelanyo. Lebaka la Bantle le fedile. Go ka se be le o tee a phološwago ka morago ga Tlhatlogo, goba ga go le o tee wa kereké, huh-uh, kereké. “A nke yena yoo a tšhilafetšego, a fele a le ditšhila; yena yoo a lego yo mokgethwa, a fele a le yo mokgethwa.” Le a bona? Seo se ka se direge, le a bona, e sego morago ga ge Kereké e sepetsé.

- 208. Ngwanešu Branham, ke go hlokometše, go boleleng ga gago ka dibeke tše masomešupa tša Daniele go Molaetša wa Lehuto la Pele. Ke a kwešiša, go Daniele, go theipi ya Daniele, ge Ebangedi e boela go Bajuda, dibeke tše masomešupa di tla thoma. A go ne e tee masomešupa... beke e tee, mengwaga ye šupago, e šadišeditšwego Bajuda? Goba, efela, a go ne feela seripa se tee sa beke, mengwaga e tee ye meraro le seripa e šadišeditšwego?**

³³⁹ Ke feela seripa sa beke e tee. Jesu o profetile, beke ya pele, boka go akanyeditšepele. Ke feela seripa sa beke e tee se ba šaletšego.

Ngwanešu Branham, ge e sa le o be o sa rapelele balwetši lebakeng la beke, a o tla...? (Yeo e no ba kgopelo ya seo.)

Ngwanešu Branham, a o tla mpona ka morago ga tir-...? (Yeo ke kgopelo, le a bona, fao.)

- 209. A ka kgopelo o ka hlatlholla ka Sathane a tlemilwe mengwaga ye sekete, le go tlemollwa bakeng sa ntwa ya –**

ntwa ya Kutollo 20:8? Ke setswalle sefe se se nago le sona ka Ntwa ya Haramagedone bjalo ka ge e boletšwe ka go Lehuto la Bone? A Gogo le Magogo e tla bothwa go tšwa bathong ba lefase le leswa?

³⁴⁰ Gabotse, ye ke ye telele, gomme ke—ke tla no swanela go betha lefelo la yona, le a bona. Bjale, selo sa pele, “A...?” Bjale, mohlomongwe nka se kgone go e hhalosa. Ke tla dira bokaone bja ka.

A ka kgopelo o ka hlaloša ka fao Sathane a tlemilwego mengwaga ye sekete, go tlemollwa gape bakeng sa ntna ya Kutollo 20:8?

³⁴¹ Yeo ga se Ntwa ya Haramagedone. Ntwa ya Haramagedone e direga ka lehlakoreng le, le a bona, go lokile, ge sekao sa Tlaišego se fedile.

Bjale, ke setswalle sefe ye e nago le Ntwa ya Gogo le Magogo?

³⁴² Ga se gona. E tee ke mengwaga ye e sekete, gomme ye nngwe ke bofelo bja—bofelo bja mengwaga ye sekete.

...bjalo ka ge e boletšwe ka go Lehuto la Bone? A Gogo le—a Gogo le Magogo e tla bothwa go tšwa bathong ba lefase le leswa?

³⁴³ Sathane o be a tlemolotšwe go tšwa kgolegong ya gagwe, gomme o ile go kgobela batho bohole, ba babe, go ba tliša lefelong le. Gomme Modimo o nešitše mollo le tshebelo go tšwa legodimong, gomme ba ile ba jewa, le a bona. Dintwa tše pedi, gohlegohle. Potšišo:

210. Mabapi le milione tše masometshela seswai di bolailwego ke kereke ya Katoliki ya Roma, ke nako efe ka go histori se se diregilego? Gomme se se diregile botelele bja sekao se sekaakang?

³⁴⁴ Tšeang *Mpshafatšo ya Letago* ya Schmucker. Ke a thanka ba bangwe ba dirutegi tše ba na le yeo. Gomme ke histori ya kereke. Gomme ke a lebala bjale feela letlakala le e lego godimo ga lona, eupša go diregile go tloga nako ya se—se... selo se tšweleditšwego, goba se filwe go kereke, ka Mokgethwa Augustine wa Hippo, Afrika. Yeo e be e le A.D. 354. Gomme go tšere go fihla ka 1850, polaabontši ya Ireland, le a bona. Kafao nako yeo ke go tloga A.D. 33 goba A.D. 30...354. A nke ke hwetšeng yeo gabotse, bjale, le a bona. Go tloga A.D. 3-5-4 go ya—go ya A.D. 1-8-5-0, 1850, go ya ka histori, go be go le Maprotestant a dimilione tše masometshela seswai ba bolailwego, ba rekotilwego ka go bohwelatumelo bja Roma, bakeng sa go se kwane le mopapa wa Roma. Yeo ke histori. Ge le nyaka go re e fošagetshe, gabotse, gona, mohlomongwe George Washington o be a se mo, goba Lincoln. Le a tseba, ga go yo motee

wa rena a phetšego morago go e bona. Eupša ke a dumela ba be ba le mo, go le bjalo. Ke bona maswao ao ba bego ba le mo.

- 211. Ngwanešu Branham, tema ya 19 ya...le temana ya 18,** “Efela Ke ipoloketše dikete tše šupago tša Israele, dikete tše šupago ka Israele, bohole ga se ba kwatamiša a bona... kwatamela Baalim, gomme molomo wo mongwe le wo mongwe...goba—goba go kwatamela Baali, le o mongwe le o mongwe...yo a sa mo atlago, molomo o sa mo atlago.” Ka kgopelo ntlhalošetše se, ka ga—ka ga ba makgološupa.

³⁴⁵ E be e le dikete tše šupago. Le a bona? Gomme seo, “go atla Baali,” ga o tsebe...Ke ba bakae mo ba bego ba le Katoliki peleng? Nnete. Le a bona? O atla diswantšho. Le a bona?

³⁴⁶ Gomme, elelwang, ka nako ya Babilonia le Nebukadinetsara, ge mmušo wa Bantle o tsentšhwā, le a bona; ge mmušo wa Bantle o tsentšhwā, o tsena ka gare ka go rapela motho. Nebukadinetsara o dirile sehlwaseeme sa motho. Gomme ge o na le monagano wa semoya, bjale theetšang kutollo ye. Moya wola, monna yola yoo a dirilego kutollo ya gagwe, goba, o dirile seswantšho sa, ka kutollo ya gagwe, e be e le Daniele, monna wa bodumedi a rapelwago. Le a e bona? Gobane, o mo reetše Belesatsara, a e be e se? Goba, Belesatsara, yo a bego a le leina la modimo wa gagwe. Gomme o dirile seswantšho sa modimo yola, e bego e le seswantšho sa Daniele. Gomme Daniele o ganne go khunamela seswantšho sa gagwe mong. Le a bona? Le a bona?

³⁴⁷ Gomme še yona gape, le a bona. Bjale šetšang. Mmušo wa Bantle o be o tsentšhwā, mo matšatšing a Babilonia, ke Kgoši Nebukadinetsara; kgoši ya Bantle, ba bea kereke le mmušo mmogo, ka go tšeа se sekgethwa...goba seswantšho sa monna yo mokgethwa, le go gapeletša go se rapela. Mmušo wa Bantle o felela maotong, ka mongwalo wa seatla lebotong, ka maatla a sepolitiki ao a kopantšego kereke le mmušo mmogo; go gapeletša go atla diswantšho gape, le a bona, selo sa go swana, seswantšho sa monna yo mokgethwa. Nnete.

- 212. Ngwanešu Branham, ge Tlhatlogo ye e direga—ge Tlhatlogo e direga, a bana ba bannyane bao ba sa tsebego botse go tšwa phošong ba tla ya ka Tlhatlogong?**

Ge maina a bona a le godimo ga Puku. Ya. Yeo ke nnene. Le a bona? Go lokile.

- 213. Ngwanešu Branham, o boletše bošegong bja go feta gore... go be go le batho ba makgološupa go phološwa, ba tla phološwago ka tlase ga theroy Eliya. O be o e ra šupa ket...?**

³⁴⁸ Ya. Yeo ke nnene. Hle ntshwareleng bakeng sa seo, le a bona. Seo se lokile, le a bona, ke dirile.

Ngwanešu Branham, a o ka hlatholla ya...? Morago ga ge o bula... Ngwanešu Branham, a se—se (s-e-k-g-...) sekgao...

Ntshwareleng. “A sekg-...?” Bjale, ga se lena. Ke nna, le a bona.

214. A sekgao sa mogau se tla fela, ka morago ga ge o butše Lehuto la Bošupa?

³⁴⁹ Ga ke holofele. Aowa. Aowa. Bagwera, le se ke la hwetša seo ka monaganong wa lena bjale, le a bona. O no ya thwi pele. Epang matapola, gomme le ye kerekeng, le thwi go ya pele. Ge e ka direga mosong, hwetšwa o dira feela tlwa se o swanetšego go be o se dira. O se ke—o se ke wa thoma... .

³⁵⁰ Le a bona, ge o dira, o phetlela sona selo go tloga go—go morero wo o se beetšwego. O hwetša dikgopolo tše nnyane tsa moswananoši, gomme o hwetša menagano ya gago mong ka selo. O se tsee kgopolo ya gago mong. Feel a ge o dula le go theetša dilo boka tseo, wa re, “Ke a Go leboga, Morena. Ke no ya go sepela kgauswana gannyane go Wena.” Le a bona? “Ke ya go sepela...” O se tlogele mošomo gomme wa re, “Ke tla rekiša se sengwe le se sengwe.”

³⁵¹ Monna o kitimetše ka gare, godimo mo, letšatši le lengwe, go tšwa North Carolina, feela pele re tloga. Gomme o rile, “Letago go Modimo! A o ka mpotša moo *semangmang* yo mogolo a bilego?”

Gomme ke rile, “Aowa.”

³⁵² “Oo, ee, mohlomphegi,” o rile, “mothaka yo o ne...” O rile, “Mothaka yo ke mopresidente wa Audio Mission.”

Ke rile, “Eng?”

O rile, “Audio Mission.”

Ke rile, “Ga ke kwešiše.”

Gomme o rile, “Oo,” o rile, “moisa yo ke mopresidente.”

Ke rile, “O rile leina la gagwe e be e le eng?”

³⁵³ O rile, “Branham, ke a dumela. Se sengwe boka seo, Brown goba Branham.”

Ke rile, “Gabotse, leina la ka ke Branham.”

O rile, “A ke wena mopresidente wa Audio Mission?”

Ke rile, “Aowa, mohlomphegi.”

O rile, “Gabotse, Mileniamo o kae?”

Ke rile, “Ga ke tsebe.”

³⁵⁴ O rile, “Gobaneng, wena o... O—o ra gore o—o—o a kgatlampana thwi mo, gomme ga o o tsebe?”

Ke rile, “Aowa, mohlomphegi, ga ke dire.”

³⁵⁵ O rile, “Gabotse, letago go Modimo!” O rile, “Ke na le ba bangwe—ba bangwe bagwera bao ba tlidego ba mpotša,” gomme a re, “Ke tlogela mošomo.” A sa apere diaparo tša gagwe tša mošomo. O rile, “Ngwanešu, ke nyaka Mileniamo.”

³⁵⁶ Gomme ke rile, “Gabotse, ke—ke a dumela o no ba go hlakahlakana gannyane nthatana, a ga o, ngwanešu?”

³⁵⁷ E ka ba ka nako yeo koloi ya tšweletše, kolointefe. A re, “E sware! E sware! E sware!” Mosadi yo monnyane o tlie godimo kua, a re, “Bjale o ya go rapelela monnamogatša wa ka.”

Ke rile, “Ee, meme. Go—go reng ka yona?”

³⁵⁸ O rile, “Gabotse, ke a kwešiša le swanetše go leta kgwedi ka polelotherišano, o a bona, go rapelelwa.”

Gomme ke rile, “Eng?”

³⁵⁹ Gomme o rile, “Ee, mohlomphegi.” O rile, “Eupša ke hlokofetše. O swanetše go rapelela monnamogatša wa ka.”

Ke rile, “Kgonthe. O go kae? Mo tliše pele.”

³⁶⁰ Moisa yo a emego fale, a lebeletšeego kgole, o rile, “A o rapelela balwetši, le wena?”

Ke rile, “Ee, mohlomphegi.”

³⁶¹ O rile, “O rile leina la gago e be e le mang, Branham?” Ke rile . . . “Gomme ga o tsebe selo ka Mileniamo?”

³⁶² Ke rile, “Gabotse, nna . . . Aowa, ga ke.” Ke rile, “Ga—ga ke e kwešiše. Feela thwi ka Beibeleng.”

³⁶³ O rile, “Aowa, o gonabjale. Batho ba tšwa mogohle.”

Ke rile, “O kae?”

O rile, “Jeffersonville, Indiana, thwi ka tlase ga leporogo.”

³⁶⁴ Ke rile, “Mohlomphegi, o nkhweditše, ka maatla.” Gomme ke rile, “Ga ke tsebe selo ka ona.” Ke rile, “A re yeng ka gare gomme re dule fase. Mohlomongwe re ka bolela go fetša selo se.” Re dirile, le a bona.

³⁶⁵ Le se ke, le se ke, le a bona, bagwera, le se tsoge la hlologela bodiredi. Le tseba se ke se rago. Le a bona? O tla thabathabi feela moo o lego. Le a bona? O no ya pele thwi.

215. Ka morago ga Tlhatlogo ya Monyalwa, ke neng kereke e, yeo e swanetšeego go ya go kgabola sekgao sa Tlaišego, e emelago kahlolo? (Ga e emele kahlolo . . .) A ke pele goba ka morago ga Mileniamo?

Bakeng sa “kereke.” Oo, ke kgopela tshwarelo. Ntshwarele, e ka ba mang a ngwadilego ye. “Ke neng kereke yeo . . .?”

Ka morago ga Tlhatlogo ya Monyalwa, ke neng kereke, yeo e swanetšeego go ya go kgabola sekgao sa Tlaišego, e emago kahlolong? A ke morago goba pele . . .?

³⁶⁶ Ka morago! “Bahu ba bangwe ga se ba phela lebaka la mengwaga ye sekete,” bao ba sega ba ya le Monyalwa. A re boneng:

216. O boletše makga a mantši gore bokomonisi bo tsošitšwe ke Modimo, go hlankela morero wa Gagwe, bjalo ka Kgosi Nebukadnetsara. Bjale ke kae bokomonisi bo lekanelago ka seswantšhong seo se tla... mafelelong bo... mafelelong bo tla dirago? Bo felela bjang? Dirutegi tše dintši di dumela gore ka mmušong wa leboa, Gogo le Magogo di boletšwego ka Mangwalong, bo ya tlase kgahlanong le Israele ka go—ka go... (Ke no se kgone feela go hlakanya se seo se lego. Ya. Ya.) Ke a dumela, go... tše dingwe tša ditheipi di tšerwego, di rile, o rile mafelelong bo tla lahlela... gore bokomonisi bo tla senya Bokatoliki, goba Vatican, ka mothuthupo. A ye ke nnete?

³⁶⁷ Ee. Kutollo 16, le tla e hwetša, gomme Kutollo 18:8 le 12. Ge motho a le mo, a nyakago go tsea seripa se sa pampiri, godimo ga seo, o ka kgona go se lebelela thwi godimo. Ya. Le a bona, “Mmaloo, mmalo toropokgolo yela ye kgolo! Ka gore mo iring e tee o tlie bofelong bja gagwe.” Le a bona, babapatiši, le se sengwe le se sengwe gape, bao ba tlišitšego dithekišo tša gagwe. Go tla ba. Yeo ke nnete. Gomme o se...

³⁶⁸ E no tlogela, e no lebala ka bokomonisi. Le a bona? Ga se selo ka lefaseng eupša sehlopha sa—sa batho seo e sego selo eupša dišilapuleng tseo—tseo e lego ba go hloka modimo. Ke tshepedišo. A nke ke le bontšhe se sengwe, go no le bontšha ka fao bo lego bonolo. Gobaneng, go ne feela phesente e tee ya Russia yohle yeo ke bokomonisi. Ba hloka motseta. Le a bona? Phesente e tee; ka gona, masomesenyane senyane a diphesente tša bona ba sa le lehlakoreng la Bokriste. Phesente ye tee, gomme le ka kgona bjang go laola diphesente tše masomesenyane senyane? Seo se swanetše go e hlatholla go lena, thwi fao. Ge Modimo a se a e dumelela, gobaneng, gabotse, ba ka be ba lahletšwe ntle kgalekgale. Le a bona? Kgonthé.

217. Ngwanešu Branham, o boletše gore Roma e tla tsea mmušo wa Bajuda mo mengwageng ye meraro le seripa ya mafelelo. Yeo e ya go—go mengwaga ye meraro le seripa sa mengwaga ya Tlaišego, goba a e tla ba mengwaga ye meraro le seripa? A ye ke therešo?

³⁶⁹ E tla ba mengwaga ye meraro le seripa. Yeo ke nnete. E sego ya pele, gobane šetše e fetile.

Ke ne ye nngwe gape morago ga ye:

218. Ngwanešu morategi wa ka, a Eliya wa Maleaki 4:5 o tla ya lešokeng, bjalo ka ge Dikgoši tša Pele 17 e re botša se sengwe Eliya a se dirilego?

³⁷⁰ Gabotse, nka se bolele tlwa gore o tla dira, gore o tla ya lešokeng. Eupša o tla ba se, le a bona, o be a... Elisa le Eliya, a le

lemogile? Boati bja banna boka bao ke banna bao ba lego kgole; bona, ba ba kgole le batho. Ke maarogi kudu. Ga ba tswakane le batho kudu.

³⁷¹ Le lemoga ka fao Elisa a bilego, le Eliya, le Johane Mokolobetši, le tlhago yela ya moya wola, le a bona. Gomme ga ba... O—o, ke a dumela monna e tla ba morati wa lešoka, gomme mohlomongwe a dula ka lešokeng. Eupša, bjale, go no re o ya go ba modulanoši le go phela ka lešokeng, ga ke tsebe ka seo. Dinako tše dingwe ba dirile. Elisa ga se a dira, eupša Eliya o dirile. Gomme ka gona, Johane, o—o phetše lešokeng.

³⁷² Gomme, go thata go bolela, baprofeta ba bangwe ba, ge ba etla go tšwa Judea fale, ga ke tsebe moo ba tla dulago. Ba ka no kampa ntle godimo ga thaba felotsoko. Goba—goba, se ba tla se dirago ka matšatšing a seprofeto sa bona, ga ke—ke tsebe se ba tla se dirago.

Eupša lena... Se ke lekago go se bolela ke se. “Bona, a ba tla, a ba tla ba mo—mo—mo...?” Ba leka go botšiša, “A ba tla no ba badudi ba lešoka?”

³⁷³ Gabotse, ba tla swanelo go ya leboa la British Columbia go ya lešokeng la go lekanelo go dula ka go lona bjale, felotsoko, le a bona. Kafao e tla ba yo mongwe... Lešoka lohole le ripetšwe fase. Le a bona? Ga go na lešoka le lentši le tlogetšwego. Le a bona? Kafao, selo se nnoši, ba—ba ka no ba morati wa lešoka, le a bona, gomme ba dula mohlomongwe bontši ka lešokeng, gomme ba tla ba... Le ka kgona go lemoga tlhago ya bona, ke go se itsimeletše, le a bona, gomme le tla—le tla e tseba ge e etla. Le a bona? Le tla e bona; le—le phafogile.

³⁷⁴ Bjale, ye tee še, ga ke tsebe mokgwa wa go e kgwatha. Gomme ke ne ye nngwe feela pele ga ye, gomme morago ke ya go ba kgopela go gatikela theipi feela motsotso.

219. Ge Modimo a le bomotho bjo botee, gabaneng goba O kgonne bjang go bolela le Yenamong godimo ga Thaba ya Phetogelo?

³⁷⁵ Gabotse, ke sa tšo hlaloša seo, le a bona. Le a bona? Ke rata go le botšiša se. Ke ya go... Ge Jesu a rapetše go Tate, le a bona.

Ke a dumela o na le kolobetšo ya Moya wo Mokgethwa. A ga o, ngwanešu? A o ka se emele godimo motsotsa feela. O tleleima go ba le kolobetšo ya Moya wo Mokgethwa? [Ngwanešu o re, “Ee, mohlomphegi.”—Mor.] Ke a dira, le nna. Gona, ke eng seo? Gona ga ke tleleime gore ke na le ma—ke na le maatla ka go nnamong go tatolla diphiri tše. Ga ke na maatla go fodiša balwetši. Ke Modimo.

³⁷⁶ Ke a dumela o modiredi. Ge ke sa phoše, o tšwa Arkansas. Go lokile, bjale. Gomme ka go wena, o na le, ke—ke go rera Ebangedi. Ka setlwaeedi, o godišeditšwe polaseng le tikologong ka mokgwa woo. O no se tsebe selo ka yona; eupša Sengwe

se tla ka go wena, go rera Ebangedi. Ga o tteleime seo go ba wenamong, le gannyane. Yoo ke Motho yo mongwe, a bitšwago Moya wo Mokgethwa. A yeo ke nnete? [Ngwanešu o re, “Ee, mohlomphegi.”—Mor.] Go lokile.

³⁷⁷ Bjale ke nyaka go go botšiša. Dira . . . Moya wo Mokgethwa wola o dula ka gare ga gago. A yeo ke nnete? [Ngwanešu o re, “Yeo ke nnete.”—Mor.] A o bolela le Yena? [“Ee, mohlomphegi.”] O bolela le Yena? O rapela Yena? Go lokile. Seo ke sohle ke se nyakago. Ke a leboga, kudukudu.

Le a bona? Bjale le a e hwetša? [Phuthego e re, “Amene.”—Mor.]

³⁷⁸ Ke tla le kgopela e tee. Go tlie bjang gore ge . . . Jesu, ka go Mokgethwa Johane 3, O rile, “Ge Morwa wa motho a tla ba, yo bjale a lego Legodimong.” Le a bona? “Bjale o Legodimong; re tla bo- . . . tla lefaseng.” Le a bona? “Morwa wa motho yo bjale a lego Legodimong,” gomme šo O eme thwi fa a bolela le motho. Bjale le nkaraba e tee yeo. Jesu le Tate e be e le Motho wa go swana mong.

³⁷⁹ Go no swana le ge Moya wo Mokgethwa ka go nna; le ntebeletše ke rera, eupša ga se nna.

Ga se nna a ka kgonago go bolela lentšu le le ka kgonago go tliša, bjalo ka ge le tseba, phoofolo; go dula fale le go e lebelela, le go bolaya phoofolo gomme wa eja. Ao ke maatla a go hlola. Seo ga se dule ka go motho.

³⁸⁰ Ga se nna ke kgonnego go tsea mošemane yo monnyane fa, a robetše . . . Dingaka di mmeile ka mokokotlo wa gagwe, ka bothata bja pelo, bošegong bjo. Gomme ka re, “O rialo William Branham”? Aowa. “O RIALO MORENA, go fedile.” Gomme go mo tliša tlase go ngaka, letšatši le le latelago, gomme ka moka e ile.

³⁸¹ Segotlane ka leukemia, go fihla mahlo a sona a kokomogetše ntle, le boserlwana gohlegohle, mogodu; go fihla ba se tseela bookelong, go se fa madi le dilo, ebile le go se hwetša mo. Gomme mo nakong ya metsotsø ye mehlano, sa llela hambeka! Le go se tseele morago go ngaka, letšatši le le latelago, gomme ga a kgone le go hwetša mohlala wa yona. Seo ke “O rialo William Branham”? Seo ke “O RIALO MORENA!” Go le bjalo, ke Yena motho ka motho wa go fapano go tloga go nna, eupša tsela e nnoši ye A hlagišitšwego ke ka nna. Le a bona?

³⁸² Ke ka fao Jesu le Tate ba bilego. Jesu o rile, “Ga se Nna yoo a dirago mediro; ke Tate wa Ka yoo a dulago ka go Nna.”

Bjale, “Morwa wa motho o tla rotoga go tšwa Legodimong, yo bjale a lego Legodimong.” Le a bona? E be e le eng? O be a le motlalagohle ka baka la gore O be a le Modimo.

³⁸³ Bjale, yo mongwe yo, ke—ke nyaka go bolela mantšu a.

Hlaloša se o bego o bolela ka sona . . .

[Lefelo la go se be le selo godimo ga theipi. Seprofeto se filwe—Mor.]

Ke a Go leboga, Tate Modimo. Re a Go leboga bakeng sa Moya, go beng ga Gago fa. Gomme re a botšwa, Tate, gore nako ye nngwe, ge, fao, lenaba le be le etla ka gare, gomme Moya wa wela godimo ga monna le go mo profetela, le go mmotša. O beile selo lenaneong, moo ba tsebilego ka fao ba yago le go fenza lenaba, le moo ba hwetšago lenaba.

³⁸⁴ Gomme ke a Go leboga, Tate, gore O dula o le Modimo wa go swana yoo O kilego wa ba. O sa no ba go swana. Re a fetoga, le mabaka a a fetoga, gomme dinako di a fetoga, le batho. Eupša ga O tsoge wa fetoga. Ditshepedišo tša Gago di a swana. Mogau wa Gago o a swana. Mediro ya Gago e a swana, ka gobane e a kgahliša, le e fetile tsebo efe le efe ya motho kgole go ke a kwešiša.

³⁸⁵ Kafao re a leboga, Morena, gore diphiri tša Gago di utilwe ka dipelong tša bahlanka ba Gago. Gomme re thabetše se, Morena. Gomme a nke re ye pele bjalo ka Dietša tše di phadimago, go... tloga lefelong go ya lefelong, le go leka, ka lerato, go—go tliša ba bangwe ka gare; gore re ke re sese khona ye nngwe le ye nngwe ye nnyane, le go lahlela nnete ka gare, go ba le kgonthe gore re hwetša hlapi ye nngwe le ye nngwe yeo e lego ya Gago. Gomme ka gona Kwana e tla tšeja Monyalwa wa Gagwe, go ba ka mehla lehlakoreng la Gagwe. Re letile nako yeo, ka Leina la Jesu Kriste. Amene.

³⁸⁶ Ke ba bakae bao ba babjago ba lego ka fa? A re boneng diatla tša lena. Gabotse, go bonala e le mabapi... Swarelang diatla tša lena godimo gape. E ka ba tee, pedi, tharo, nne, tlhano, tshela, šupa, seswai, senyane, lesome, lesometee, lesomepedi, lesometharo, lesomenne, lesometlhano, lesometshela, lesomešupa, lesomeseswai, lesomesenyane, masomepedi...?... masomenne tee, masomenne pedi, masomenne tharo, masomenne nne, masomenne tlhano, masomenne tshela, masomenne šupa. E ka ba masomenne šupa. Go lokile.

³⁸⁷ Ke masometharo a lesometee. Re ka rapeleta balwetši gonabjale; ra bea bošegong bjo ka go—ka go... A le ka, a le ka rata go dira seo? [Phuthego e re, “Amene.”—Mor.]

³⁸⁸ Ke a dumela thwi bjale e tla ba nako ye botse go e dira. Ke a le botša gobaneng: Moya wo Mokgethwa, o eme thwi ka fa, o a tlotša. Bjale, bokgole bjo re thothetšego godimo ka go Moya wola bjale, le a bona, gomme le bona gore se Sengwe, le a tseba gore se Sengwe—se Sengwe se gona, le a bona. Gomme ge o ka tsoge wa dumela, o swanetše go se dumela gonabjale. Le a bona? Ge eba o ya go tsoge wa dumela, ke bjale.

³⁸⁹ Bjale, re nyaka le no tla ka setu ka kgonthe. Gomme a nke bao ba lego ka mokgobeng *wola* kua, ba ba emišeditšego diatla tša

bona godimo, ba gatele ntle ka mokgobeng *wo*, gomme morago ba ye tlase ka tsela *ye*. Gomme morago re a ba tšea, mokgoba ka mokgoba. Gomme feela masomenne tlhano—masomenne tlhano, masomenne šupa a bona; go ka se tšeet bontši kudu.

³⁹⁰ Ke ya go kgopela Ngwanešu Neville ge a ka tla, a gatela thwi tlase mo le nna, gomme re ya go ba rapelela.

³⁹¹ Sa pele, bona bao ba tlago bjale ka mokgobeng, e no emevelang godimo motsotsotso feela bjale, gore re kgone go le rapelela mo gomme re bee diatla godimo ga yo mongwe le yo mongwe. Bjale, yeo ke nnene, feela yo mongwe le yo mongwe yoo a yago go tla ka mothalong wa thapelo, le a bona, bona ba ba yago go tla ka mothalong wa thapelo. Le a bona? Bjale—bjale, le a bona, go boloka nako, gore re be le nnene ya go e hwetša, re ya go le rapelela bjale.

³⁹² Lebelelang, bagwera. Bjale a nke ke le hlalošetše. Jesu Kriste o boletše se, “Maswao a a tla latela bona ba ba dumelago.” Bjale šetšang. Ga se nke a re, “Ge ba ba rapelela.” “Ge ba bea diatla tša bona go balwetši, ba tla welwa ke maruru!” Gomme ge Modimo a ka kgona go tšeet taba ya go se šitwe ya leukemia, le mosetsana yo monnyane yoo a ka se kgonego go ba le tumelo bakeng sa yenamong, le go dira selo seo go felela ka go phethagala; ge A ka kgona go tšeet taba ya go latela, mošemane yo monnyane wa kgale, gomme kafao a mo fodiša go fihla dingaka ebole di sa kgone go hwetša letadi la ramatiki ka mading a gagwe goba e ka ba eng gape; A ka kgona go le direla eng? Bjale, bona baisa ba bannyane ba nthatana, ga ba kwešiše se thapelo e tla bago. Eupša go no bea diatla godimo ga bona, gomme go e dirile. Re kgona go e kwešiša.

Bjale, ge le sa ema, go rapela bjale.

³⁹³ Tate wa Legodimong, ka Bogona bja Gago bjo bogolo bo robetše mo, Moya wo Mokgethwa wo mogolo, Yena re nago le seswantšho sa gagwe, Yena yo re mmadilego ka Beibeleng, O gona thwi fa bjale. O ikutolla ka Boyena ka nama ya motho.

³⁹⁴ Ka fao re Mmonego ntle le go feila nako e tee, go kgabola mengwaga, go kgona go utolla tšona dikgopolole tša pelo ya motho, go utolla sebe se ba se dirilego, go ba botša tlwa se se diregilego le se se tla bago, ntle le nako e tee go palelwa! Gona, re a tseba gore Modimo wa Abraham, Isaka, le Israele, o sa dutše e le Modimo, ka go Motho wa Jesu Kriste.

³⁹⁵ Gomme bjale ka Moya wa Gagwe o theoga go tšwa Legodimong, ka tlase ga Madi ao a tšholotšwego kua Khalibari, a etla fase magareng ga batho, go itira Yenamong go bonagatšwa ka nameng ya motho feela pele ga go swa ga lefase; Moya wo Mokgethwa wo mogolo o emelwa ka nameng ya motho. Batho bale ba bohlokwa bao ba amogetšego poelano ya Madi, gomme Moya wo Mokgethwa o tšeet ka go beng ga bona; Modimo, a emetšwe ka nameng ya motho.

³⁹⁶ Kagona, e ka se be nama ya motho, feela go no dira tiro, boka ka kolobetšong goba go ya pele, ka thomo, gore, “Maswao a a tla latela bona ba ba dumelago.” Ka go bea diatla godimo ga balwetši, Moya wo Mokgethwa o tla bona gore ba tla fola, ge ba ka dumela. Bjale, Tate, re a tseba gore dilo tše ke therešo.

³⁹⁷ Batho ba ba emego, ba ya go feta ka tlase ga diatla tša badiredi ba ba amogetšego Moya wo Mokgethwa wo, gomme ba komana, Morena, go bea diatla godimo ga balwetši. Gomme re a tseba, Tate, gore ge batho ba feela ba ka dumela! Feel a bjalo ka ge Lentšu le lengwe le lengwe leo O le tshepišitšego, le swanetše go direga, kafao go dira . . . Gomme e ka se kgone go direga ntle le tumelo, gobane ga go kgonege go thabiša Modimo ntle le tumelo. Re no se kgone go e dira.

³⁹⁸ Gomme bjale ka tumelo, go dumela, le tshepišo ye e robetšego pele ga rena, ka Mahuto a Beibele a butšwe go rena, gore Modimo o boloka Lentšu la Gagwe! A nke batho ba bohlokwa ba, bao ba babjago, Morena, . . . le maikutlo a ka go bona, bjalo ka motho ka mmeleng wa go hwa boka wa bona. Gomme bjale wa bona . . . Moya wo Mokgethwa wa go swana wo o dulago ka gare ga rena, Morena, o dula ka go bona. Gomme re kwelana boholoko seng sa rena. Gomme le go tseba gore Kgwerano ye mpsha ka go Madi a maswa . . . Ge yela ya kgale e neetše phodišo, go kaakang bontši ye “ye mpsha le bokaonana” e tla dirago? Tate, a nke go be bjalo, gore batho ba ba ka se palelwe, eupša ba tla amogela phodišo ya bona ge ba feta hleng le diatla tša bahlanka ba Gago, ka go la Jesu Kriste Leina. Amene.

³⁹⁹ Bjale—bjale, re tla, lehlakore *le* le tla dula, mola lehlakore *le* le etla go kgabola. Gomme morago lehlakore *le* le tla ya morago, gomme lehlakore le lengwe . . . Bjale, ba bangwe ba lena baena mo, bao le tlago go emelela. Ke a dumela le badiredi mmogo fa, lena bohole go bapa fale.

Ngaka o kae, Ngwanešu Ned? A o be o eya go ba ka mothalong wa thapelo, Ngwanešu Ned? [Ngwanešu Ned Iverson o re, “Ee. Ke eme bakeng sa yo mongwe gape.”—Mor.] Go lokile, Ngwanešu Ned. Go lokile. Ka pela ge o rapeletšwe, rothela thwi ka mothalong.

⁴⁰⁰ Bjale a nke ba ka go lehlakoreng le godimo *fa*, ba no dula feela nakwana, gomme ke tla tsea bona go tšwa lehlakoreng *le*. Ka gona, nako yeo re tla tla tlase le go tsea mokgoba wa gare, le go ba romela morago ka tsela *ye*. Gona tšeang mokgoba *wo*, gomme le o romele go kgabola tsela *ye*, gomme re tla rapelela yo mongwe le yo mongwe.

⁴⁰¹ Ke ya go kgopela Ngwanešu Teddy . . . O kae? [Ngwanešu Teddy Arnold o re, “Thwi mo.”—Mor.] Go lokile. Ke nyaka le raloke godimo fale, “Matwetwe yo mogolo bjale o kgauswi.” Gomme rapiano, e ka ba kae ba lego, mo felegetše, ge o rata.

⁴⁰² Theetšang, le elelwa nako moo yeo e bego e bapala, gomme mošemane yo monnyane o tlišitšwe ntle mo sefaleng? Mosetsana yo monnyane wa Moamish a raloka, “Matwetwe yo mogolo bjale o kgaušwi.” O be a na le wo motelele, moriri wo moso, goba—goba moriri wa hlogopudutšwana, ke ra gore, mosetsana wa Mennonite goba Moamish, yo motee, o letše morago hlogong ya gagwe.

⁴⁰³ Gomme Moya wo Mokgethwa o rathile mošemane yo monnyane, feela ka go bewa diatla; a golofetše maotong a gagwe. Gomme a taboga go tloga matsogong a ka, le go kitimela tlase go kgabola sefala. Mmagwe o phagametše godimo, gomme a wela morago; Mennonite, ke a dumela, sa mathomo.

⁴⁰⁴ Gomme Moya wa Modimo o rathile mosetsana yo monnyane yo wa Mennonite, goba Moamish, e ka ba eng a bilego. Tatagwe le bona ba dutše fale, ba apere...diaparo tša bona, bjalo ka Mamennonite, goba e ka ba eng e bilego. Gomme o tabogetše godimo go tloga go piano, ka diatla tša gagwe godimo moyeng. Gomme moriri wa gagwe wo mobotse o wetše go kgabaganya; o be a lebega boka Morongwa. A thoma go opela ka Moya; gomme ge a dirile seo, piano e bapetše motšaotšhele, “Matwetwe yo mogolo bjale o kgaušwi, Jesu wa go kwelabohloko.”

⁴⁰⁵ Yo mongwe le yo mongwe a emego fale, dikete, ba lebeletše tlase godimo ga tšona dinotlelo di sepelela godimo le fase, “Matwetwe yo mogolo bjale o kgaušwi, Jesu wa go kwelabohloko.” Batho ba phagamile go tloga ditulong tša bagolofadi, go tloga malawaneng, maakong, ba ile pele ba sepela.

⁴⁰⁶ Morena Jesu yola wa go swana o thwi fa, mosong wo, feela go swana bjalo ka ge E bile nakong yela. Nno dumelang bjale.

Bapala pina yela, ge o ka rata, *Matwetwe yo Mogolo*.

Bjale a nke yo mongwe le yo mongwe a rapele.

Anke ba sepele thwi go kgabola kamora, ba ye tlase ka tsela *ye*, gomme thwi setulong sa gago goba e ka ba kae o nyakago go ya, ge o sa dira tsela ya gago. A le e hweditše go hlaka morago fale? Go lokile. Kafao, eya thwi morago setulong, gona re tla emeleta.

⁴⁰⁷ Bjale theetšang. Ge ba ba sa rapelelwa, le a ba rapediša. Ka gona ge o rapelelwa, ba tla go rapediša.

Bjale, lena badiredi mmogo fa, emelelang. Gomme ke nyaka le bee diatla go ba ge ba sa tla kgaušwi.

⁴⁰⁸ Bjale, yo mongwe le yo mongwe, dihlogo di inamišitšwe, gomme tšwelangpele dihlogo tša lena di inamišitšwe. Tšwelapele o rapela. Gomme ge o feta kgaušwi, gona bea... diatla di beilwe godimo ga gago. Elelwang, ke tshepišo ya Modimo yo a utollago diphiri tša Puku ya Gagwe, diphiri tša pelo ya motho. Ke Modimo

yo a tla tiišetšago seo, ge le ka se dumela. Le a bona? Bjale yo mongwe le yo mongwe ka thapelong.

Bjale lena banešu badiredi emang godimo fa, ge le rata.

Go lokile, a re inamišeng dihlogo tša rena.

⁴⁰⁹ Bjale, Morena Jesu, ge batho ba ba etla, a nke Maatla a Modimo Ramaatlakamoka a phediše tumelo ya bona ka pela ge ba feta kgauswi, bohole ka go la Jesu Leina.

⁴¹⁰ Bjale, go lokile, a nke mothalo o thome ka tsela *ye*. Kgopela yo mongwe le yo mongwe, beang diatla godimo ga bona, lena badiredi, ge ba feta kgauswi.

Leineng la Morena Jesu!

Ke bea diatla tša ka, ka Leineng la Morena Jesu, ngwanešu wa ka.

Leineng la Morena Jesu!

Modimo, e fe go kgaetšedi wa ka, Rosella, ka go la Jesu Leina.

Leineng la Morena Jesu Kriste!

Leineng la Morena Jesu Kriste!

⁴¹¹ Le a dula; šetšang seo go fihla mothalo o fela.

Leineng la Morena Jesu! . . . ? . . .

⁴¹² Elelwang, O ikokobeditše. Ka go kokobela etla.

[Mothalo wa thapelo o tšwelapele lebaka la metsotso ye tshela le metsotsvana ye masomepedi tlhano, mantšu a mantši a Ngwanešu Branham ga a hlathenge—Mor.] . . . ? . . .

⁴¹³ [Ga go selo lefelong la theipi. Ngwanešu Billy Paul Branham o gatela go segodišantšu gomme o re, “A lena magagešo le ka šuthela morago, hle? A lena magagešo le ka be le eme ka go mokgoba *wola*, la tšwela ka ntle ga mokgobe gomme la ya morago? Tšwelangpele le eya morago, ka kgopelo. Ke a le leboga. Lena magagešo ka bogareng bja mokgoba, a le tla ya go dikologa, le lena?”—Mor.]

[Mothalo wa thapelo o tšwelapele lebaka la metsotso ye mebedi le metsotsvana ye masomepedi, mantšu a mantši a Ngwanešu Branham ga a hlathenge—Mor.] . . . ? . . .

Amogela phodišo ya gago, ngwanešu, go tšwa go Jesu Kriste.

Amogela phodišo ya gago, Ngwanešu Mitchell.

Amogela phodišo ya gago, ngwanešu, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo, kgaetšedi, go tšwa go Jesu Kriste.

Amogela phodišo ya gago go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo ya gago, ngwanešu, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago, kgaetšedi, go tšwa go Jesu Kriste.
Amogela phodišo ya gago, kgaetšedi, go tšwa go Jesu Kriste.
Amogela phodišo ya gago, ngwanešu wa ka, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.
Amogela phodišo ya gago, kgaetšedi, go tšwa go Jesu Kriste.
Amogela phodišo, ngwanešu wa ka.
Amogela phodišo ya gago go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago, ngwanešu, go tšwa go Jesu Kriste.
Amogela phodišo ya gago.

Amogela phodišo, kgaetšedi, go tšwa go Jesu Kriste.

Amogela phodišo, kgaetšedi.

Amogela phodišo, kgaetšedi, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo ya gago, ngwanešu, go tšwa go Jesu Kriste.

Amogela phodišo ya gago, kgaetšedi wa ka.

Amogela phodišo, ngwanešu.

Amogela phodišo ya gago, kgaetšedi . . . ? . . .

Amogela phodišo ya gago, kgaetšedi . . . ? . . .

Amogela phodišo ya gago, ngwanešu.

Amogela phodišo ya gago.

Amogela phodišo ya gago, ngwanešu . . . ? . . .

Amogela phodišo ya gago, kgaetšedi . . . ? . . .

Amogela phodišo ya gago go tšwa go Jesu Kriste.

Amogela phodišo ya gago.

Amogela phodišo, kgaetšedi . . . ? . . . , go tšwa go Jesu Kriste.

Amogela phodišo.

Amogela phodišo . . . ? . . .

Amogela phodišo, ngwanešu wa ka, go tšwa go Jesu Kriste.

Amogela phodišo.

Amogela phodišo, kgaetšedi . . . ? . . .

Amogela phodišo, ka go la Jesu Kriste Leina.

Amogela phodišo, ka go la Jesu Leina. Amene.

Amogela phodišo.

Amogela phodišo.

Amogela phodišo ya gago.

Amogela phodišo ya gago.

Amogela phodišo ya gago go tšwa go Jesu Kriste.

⁴¹⁴ [Ngwanešu Billy Paul Branham o gatela go segodišamantšu gomme a re, “E ka ba mang gape a nyakago mothalong wa thapelo? A o ka tsena ka gare, hle. Ge go na le yo mongwe gape a nyakago ka mothalong wa thapelo, a o ka tsena ka gare, ka kgopelo.”—Mor.]

Amogela phodišo ya gago, ngwanešu wa ka, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo ya gago, ngwanešu, go tšwa go Jesu Kriste.

⁴¹⁵ Amogela phodišo ya gago, Kgaetšedi Wood, go tšwa seatleng sa Jesu Kriste.

Amogela phodišo ya gago . . . ? . . .

Amogela phodišo . . . ? . . .

Amogela phodišo, Kgaetšedi Roberson, ka seatla sa Jesu Kriste.

Amogela phodišo, ngwanešu wa ka, ka seatla sa Jesu Kriste.

Amogela phodišo, kgaetšedi . . . ? . . . go tšwa seatleng sa Jesu Kriste.

Leineng la Jesu Kriste, amogela phodišo ya gago.

Mo fodiše, Leineng la Jesu Kriste.

Amogela phodišo, kgaetšedi . . . ? . . .

Amogela phodišo ya gago, morwa, go tšwa go Jesu Kriste.

Amogela phodišo ya gago, kgaetšedi, go tšwa go Jesu Kriste.

Amogela phodišo ya gago, ngwanešu, go tšwa go Jesu Kriste.

⁴¹⁷ Ngwanešu Weerts, amogela phodišo ya gago, ngwanešu, go tšwa go Jesu Kriste.

Kgaetšedi, amogela phodišo ya gago go tšwa go Jesu Kriste.

Amogela phodišo ya gago, ngwanešu . . . ? . . .

Ngwanešu, ka Leina la Jesu Kriste, amogela . . . ? . . .

Leineng la Jesu Kriste . . . ? . . .

Leineng la Jesu Kriste Morena wa rena, amogela phodišo ya gago.

Leineng la Jesu Kriste, amogela phodišo ya gago, ngwanešu wa ka.

Leineng la Jesu Kriste . . . ? . . .

Leineng la Jesu Kriste, amogela phodišo ya gago, kgaetšedi.

Leineng la Jesu Kriste . . . ? . . .

⁴¹⁸ [Ngwanešu Billy Paul Branham o gatela go segodišamantšu gomme a re, “A ke bohle bao ba nyakilego go rapelelwa bjale?”—Mor.]

⁴¹⁹ [Ngwanešu Lee Vayle o bolela le Ngwanešu Branham—Mor.] A nke seatla sa Morena Jesu se fe go wena, Ngwanešu Vayle, kgopelo ye ya moratwa wa gago, Leineng la Jesu.

⁴²⁰ [Ngwanešu Billy Paul o bolela le Ngwanešu Branham—Mor.] Billy Paul, dikarata tše ntši bjalo ka ge o file ntle, bjale amogela phodišo ya gago, Leineng la Jesu Kriste.

Matwetwe yo Mogolo bjale o kgauswi,
Jesu wa go kwela bohloko,
O bolela go hlaletša pelo ye e sekamilego,
Oo, ekwang segalontšu sa Jesu.

Bohle mmogo:

Leina le lebosebose ka go pina ya baserafimi,
Leina le lebosebose kudu lelemeng la go hwa,
Kherole ye bosebose e kilego ya opelwa,

⁴²¹ Modimo, godimo ga baratani ba bannyane ba ba go ratega bao ba tlišitšwego pele, ka lefaseng, yo motee wa . . . ? . . . A nke ba amogelete kgopelo ya bona, Morena, Leineng la Jesu Kriste.

⁴²² . . . ? . . . la Jesu Kriste, a nke motho wa kgaetšedi wa rena yo a nago le yena monaganong wa gagwe thwi bjale, a nke maatla a Modimo a sepele le kgopelo yela. A nke a lokollwe. E fe, Morena. Amene.

⁴²³ Morena Modimo, ka Leina la Jesu, efa kgopelo ya monna yo. Ke a mo rapelela, Morena, ka thapelo ya ka. Amene.

⁴²⁴ Oo, a se ga se makatše! Ke a dumela gore ge motho yo mongwe le yo mongwe yoo a tlago fa, mosong wo, ka tlase ga tlotšo ye kgolo, Ke—ke a dumela ge le ka no . . . Bjale le se ke la lebelela godimo bakeng sa sengwe se segolo bogolo. E nong go elelwa selo se bonolo sa go dumela se A se tshepišitšege.

⁴²⁵ Bjale a re e boleleng mmogo bohle: “Ga re lebelele se sengwe se segolo, eupša Leineng la Jesu, re amogela tshepišo ya Gagwe.”

⁴²⁶ Seo se a e rumu. Seo se a e fetšiša. Amene! Modimo a le šegofatše!



DIPOTŠIŠO LE DIKARABO GO MAHUTO NST63-0324M
(Questions and Answers on The Seals)
SERISI KA KUTOLLO YA MAHUTO A ŠUPA

Molaetša wo ka Ngwanešu William Marrion Branham, setlogong o abilwe ka Seisimane ka Lamorena mosong, Matšhe 24, 1963, ka Tabarenekeleng ya Branham ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice Of God Recordings.

NORTH SOTHO

©2022 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriſte. Puku ye e ka se kgone go rekišwa, go tſweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditſhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org